

萬 有 文 庫

第 二 集 七 百 種

王 雲 五 主 編

植 物 名 實 圖 考

附 植 物 名 實 圖 考 長 編

(五 十)

吳 其 濬 著

商 務 印 書 館 發 行



植 物 名 實 圖 考

附 植 物 名 實 圖 考 長 編

(四 十)

吳 其 濬 著

國 學 基 本 叢 書

植物名實圖考長編卷十五

固始吳其濬著

蒙自陸應穀校刊

果類

棗附柳貫打棗譜

葡萄

蓼莢

橘附韓彥直橘錄

柚

橘紅

藕

雞頭實

梅實

桃

杏

栗

茅栗

櫻桃

山櫻桃

芡實

柿

木瓜

枇杷

龍眼

果類卷之十五 棗

檳榔

馬檳榔

甘蔗

石蜜

烏芋

梨

鹿梨

淡水梨

李

南華李

柰

安石榴

榧實

棗

本草經大棗味甘平主心腹邪氣安中養脾助十二經平胃氣通九竅補少氣少津液身中不足大驚四肢重和百藥久服輕身長年葉覆麻黃能令出汗爾雅棗壹棗註今江東呼棗大而銳上者爲壹壹猶瓠也邊要棗註子細腰今謂之鹿盧棗擠白棗註即今棗子白乃熟槭酸棗註樹小實酢孟子曰養其槭棘楊徹齊棗註未詳遵羊棗註實小而圓紫黑色今俗呼之羊矢棗孟子曰曾皙嗜羊棗洗大棗註今河東猗氏縣出

果類卷之十五 棗

大棗子如雞卵煮煖棗註未詳厥洩苦棗註子味苦暫無實棗註不著子者還味棗註還味短味也

別錄大棗無毒補中益氣強力除煩悶療心下懸腸澀久服不飢神仙一名美棗一名良棗八月採暴乾三歲陳核中仁燻之味苦主腹痛邪氣生棗味甘辛多食令人多寒熱羸瘦者不可食陶隱居云舊云河東猗氏縣棗特異今青州出者形大核細多膏甚甜鬱州元市亦得之而鬱州者亦好小不及爾江東臨沂金城棗形大而虛少脂好者亦可用南棗大惡殆不堪噉道家方藥以棗爲佳餌其皮利肉補虛所以合湯皆擘之也

圖經大棗乾棗也生棗並生河東今近北州郡皆有而青齊絳州者特佳江南出者堅燥少脂種類非一今圖冊皆種蒔之亦不能盡別其名又其極美者則有水菱棗御棗之類皆不堪入藥蓋肌肉輕虛暴服之則枯敗惟青州之種特佳雖晉絳大實亦不及青州者之肉厚也並八月採暴乾南郡人煮而後暴及乾皮薄而嫩味

更甘於它棗謂之天蒸棗然不堪入藥又有仲思棗大而長有一二寸者正紫色細文小核味甘重北齊時有仙人仲思得之因以爲名隋大業中信都郡嘗獻數顆

近世稀復有之又廣州有一種波斯棗木無傍枝直聳三四丈至巔四向共生十餘枝葉如櫻櫚彼土亦呼爲海櫻木三五年一著子都類北棗但差小耳船舶商亦有攜本國生者至南海與此地人食之云味極甘似此中三蒸棗之類然其核全別兩頭不尖雙卷而圓如小塊紫礦種之不生疑亦蒸熟者近亦少有將來者齊民要術常選好味者留栽之候棗葉始生而移之棗性硬故主晚栽早

者堅略生連也 三步一樹行欲相當地不耕也 欲令牛馬履踐令淨棗性堅強不宜苗穰是以不耕荒穰則 正月一日日出蟲生所以須淨地堅饒實故宜踐也

時反斧斑駁權之名嫁棗不惟則花無實 候大蠶入簇以杖擊其枝間振落狂花不打花繁實不成 全赤卽收收法

日日滅落之爲上中赤而收者肉未充滿乾則色黃而皮皺轉赤味亦不佳久不收則皮破

復有烏

曬棗

先治地令淨布椽於箔下置棗於箔

上以椽聚而復散之一日中二十度乃佳夜仍不聚露得
露氣乾速成陰雨之時乃聚而若之五六日後別擇取紅軟上高厨上曬

之廚上者已乾擇去胖爛者其未乾者曬曬如法其
厚一尺亦不壞

阜勞之地不任耕稼者墜落種棗則任矣棗性凡五果
燥性

及桑正月一日雞鳴時把火遍照其下則無蟲災 食

經曰作乾棗法蔣蔣露於庭以棗著上厚二寸復以新

蔣覆之凡三日三夜撤覆露之舉日曬取乾入屋中率

一石以酒一升漱著器中密泥之經數年不敗也 棗

油法鄭元曰棗油搗棗實和以塗繪上燥而形似油也

乃成之 棗脯法切棗曬之乾如脯也 雜五行書曰

舍南種棗九株辟縣官宜蠶桑服棗核中人二七枚辟

病疾能常服棗核中人及其刺百邪不復干矣

本草綱目李時珍曰棗木赤心有刺四月生小葉尖駝

光澤五月開小花白色微青南北皆有惟青晉所出者

肥大甘美入藥爲良其類甚繁爾雅所載之外郭義恭

廣志有狗牙雞心牛頭羊角獼猴細腰赤心三星駢白

之名又有木棗氏棗桂棗夕棗灌棗塢棗蒸棗白棗丹

棗棠棗及安邑信都諸棗穀城紫棗長二寸羊角棗長

三寸密雲所出小棗脆潤核細味亦甘美皆可充果食

不堪入藥入藥須用青州及晉地晒乾大棗爲良

又曰素問言棗爲脾之果脾病宜食之謂治病和藥棗

爲脾經血分藥也若無故頻食則生蟲損齒貽害多矣

按王好古云中滿者勿食甘甘令人滿故張仲景建中

湯心下痞者減餽棗與甘草同例此得用棗之方矣又

按許叔微本事方云一婦病臟燥悲泣不止祈禱備至

予憶古方治此證用大棗湯遂治與服盡劑而愈古人

識病治方妙絕如此又陳自明婦人良方云程虎卿內

人妊娠四五箇月遇晝則慘感悲傷淚下數欠如有所

憑醫巫兼治皆無益管伯周說先人曾語此治須大棗

湯乃愈虎卿借方治藥一投而愈又摘玄方治此證用

紅棗燒存性酒服三錢亦大棗湯變法也

又曰按劉根別傳云道士陳孜如痴人江夏袁仲陽敬

事之效曰今春常有疾可服棗核中仁二十七枚後果大病服之而愈又云常服棗仁百邪不復干也仲陽服之有效則棗果有治邪之說矣又道書云常含棗核治氣令口行津液嚙之佳謝承後漢書亦云孟節能含棗核不食可至十年也此皆藉棗以生津受氣而嚙之又

能達黃宮以交離坎之義耳

附柳貫打棗譜

事 埤雅云棘大者棗小者棘蓋若酸棗所謂棘也于文重東爲棗詩曰八月剝棗十月穫稻剝擊也棗實未熟雖擊不落也

孟子曰養其槀棘槀酸棗也

世云噉棗多令人齒黃養生論曰齒居管而黃管食此故也

爾雅注曰今江東棗大而銳上者呼爲壹棗猶瓠也細腰者今鹿盧棗

盧諶祭法春祠用棗油

蘇秦說燕文侯曰北有棗栗之利民雖不由田作棗栗之實足食於民矣

潘岳賦曰周有弱枝之棗

唐本註云棗噉服使人瘦久即嘔吐措熱瘳瘡良

食療云棗和桂心白瓜仁松樹皮爲丸久服之令人香

身

名

鹿盧棗 子細腰者 雞冠棗 出睢陽宜作脯

槀酸棗 樹最小實酢 鬲陽棗 出睢陽宜生噉

檟白棗 核白也 白棗 卽鹽官棗也

羊棗 實小而圓紫黑色

無實棗 不著子者 邊腰棗

揚徹齊棗 爾雅未詳 養墳棗 爾雅未詳

波斯棗 生波斯國長三寸

牛頭棗 上皇棗

赤心棗	崎廉棗
駢白棗	灌棗
細腰棗	西王母棗 三月熟
桂棗	雞心棗
弱枝棗	狗牙棗
玉門棗	盛婆棗
青華棗	穀城紫棗 長二寸
棠棗	獼猴棗
棣棗	三心棗
紅棗 出山東紅色	紫紋棗
香棗 出哈密	圓愛棗
火棗 見穆天子傳	三寸棗
金棗	御棗 出青州
鳳眼棗	凍棗
沙棗 出赤斤蒙古衛 凡棗 出本草圖經	
崂嶂棗 漢崂嶂棗山獻萬年一實	

榴棗 出北夢瑣言 安平棗 出何晏九州論
大棗 出河東猗氏 天蒸棗 乾紅於樹上
溟海棗 李少君食之大如瓜
玉文棗 西王母食之大如瓶
細核棗 拾遺記出陰岐峯其核細
羊角棗 石季龍園所種十子二尺
仙人棗 長四寸其核如針
驄山棗 色甚美 膠棗
南棗 大惡不堪噉 團棗
美棗 匾棗
良棗 臥棗
鹽官棗 出海鹽紫色味佳
荔枝 高尺許實如棗出丹陽
七尺棗 見述異記 牙棗 先熟亦甘美
青州棗 金城棗 形大而虛少脂
赤棗 子色赤棗味酸 萬歲棗 出三佛齊國

西王棗 出崑崙山

密雲棗 出密雲縣味最甘

山棗 狀如棗而圓色青黃而味甘酸出廣州

葡萄 本草經葡萄味甘平主筋骨濕痺益氣倍力強志

令人肥健耐飢忍風寒久食輕身不老延年可作酒

別錄無毒逐水利小便生隴西五原燉煌山谷陶隱居

云魏國使人多齋來狀如五味子而甘美可作酒云用

其藤汁殊美好北國人多肥健耐寒蓋食斯乎不植淮

南亦如橘之變於河北矣人說卽此間菓莫恐如彼之

枳類橘耶

唐本草注菓莫與葡萄相似然菓莫是千歲菓葡萄作

酒法總收取子汁煮之自成酒菓莫山葡萄並堪爲酒

陶云用藤汁爲酒謬矣

蜀本草圖經蔓生苗葉似菓莫而大子有紫白二色又

有似馬乳者又有圓者皆以其形爲名又有無核者七

月八月熟子釀爲酒及漿別有法謹按菓莫是山葡萄

亦堪爲酒

圖經葡萄生隴西五原燉煌山谷今河東及近京州郡皆有之苗作藤蔓而極長大盛者一二本綿被山谷間花極細而黃白色其實有紫白二色而形之圓銳亦二種又有無核者皆七月八月熟取其汁可以釀酒謹按史記云大宛以葡萄爲酒富人藏酒萬餘石久者十數歲不敗張騫使西域得其種而還種之中國始有蓋北果之最珍者魏文帝詔郡臣說葡萄云醉酒宿醒淹露而食甘而不餒酸而不醉冷而不寒味長汁多除煩解渴他方之果寧有匹之者今太原尙作此酒或寄至都下酒作葡萄香根苗中空相通國人將貨之欲得厚利暮溉其根而晨朝水浸子中矣故俗呼其苗爲木通逐水利小腸尤佳今醫家多暴收其實以治時氣發瘡癩不出者研酒飲之甚效江東出一種實細而味酸謂之菓莫子

齊民要術漢武帝使張騫至大宛取葡萄實如離宮別

館旁盡種之西域有葡萄蔓延以生廣志曰葡萄有黃白黑三種者也蔓延性緣不能自舉作架以承之葉密陰厚可以避熱十月中去根一步許掘作坑收卷葡萄悉埋之近枝莖薄安黍穰彌佳無穰直安土亦得不宜濕濕則冰凍二月中還出舒而上架性不耐寒不埋即死其歲久根莖粗大者宜遠根作坑勿令莖折其坑外處亦掘土並穰培覆之 摘葡萄法逐熟者一一零疊一作摘取從本至末悉皆無遺勝世人全房折殺者作乾葡萄法極熟者一一零壓摘取刀子切去蒂勿令汁出蜜兩分和內葡萄中煮四五沸漉出陰乾便成矣非直滋味倍勝又得夏暑不敗壞也 藏葡萄法極熟時全房折取於屋下作廢坑坑內近地鑿壁為孔插枝於孔中選築孔使堅屋子置土覆之經冬不異也 癸辛雜識有傳種葡萄法於正月末取葡萄嫩枝長四五尺者捲為小團令緊先治地土鬆而沃之以肥種之止留二節在外異時春風發動衆萌競吐而土中之節

不能條達則盡萃華於出土之二節不二年成大棚其實大如棗而且多液此亦奇法也 王象晉羣芳譜葡萄一名賜紫櫻桃水晶葡萄暈色帶白如著粉形大而長味甚甘西番者更佳馬乳葡萄色紫形大而長味甘紫葡萄黑色有大小二種酸甜二味綠葡萄出蜀中熟時色綠若西番之綠葡萄名兔睛味勝糖蜜無核則異品也其價甚貴瑣瑣葡萄出西番實小如胡椒今中國亦有種者一架中間生一二穗 種植取肥枝如拇指大者從其孔盆底穿過盤一尺於盆內實以土放原架下時澆之候秋間生根從盆底外截斷另成一架澆用冷肉汁或米泔水 收藏北方天寒初冬須以草裏埋地中尺餘俟春分後取出臥置地數日後架起子生時去其繁葉使霑風露則結子肥大

魏文帝與吳監書中國珍果甚多且復為說葡萄當其夏末沙秋尚有餘暑醉酒宿醒掩露而食甘而不怡晚而不酸冷而不寒味長汁多除煩解倦又釀以為酒甘

於麴蘖善醉而易醒道之固以流涎咽噎况親食之耶
 南方有橘酢正裂人牙時有甜耳卽遠方之果寧有匹
 者乎

元好問葡萄酒賦序鄧州光甫爲予言吾安邑多葡
 萄而人不知有釀酒法少日嘗與故人許仲祥摘其實
 並米炊之釀雖成而古人所謂甘而不飴冷而不寒者
 固已失之矣貞祐中鄰里一民家避寇自山中歸見竹
 器所貯葡萄在空盎上者枝蒂已乾而汁流盎中薰然
 有酒氣飲之良酒也蓋久而腐敗自然成酒耳不傳之
 祕一朝而發之文士多有所述今以屬子子事有意乎
 予曰世無此酒久矣予亦嘗見還自西域者云大食人
 收葡萄漿封而埋之未幾成酒愈久者愈佳有藏至千
 斛者其說正與此合物無大小顯晦自有時決非偶然
 者夫得之數百年之後而證數萬里之遠是可賦也於
 是乎賦之

漢書大宛國傳大宛左右以葡萄爲酒富人藏酒至萬

餘石久者至數十歲不敗俗嗜酒馬嗜苜蓿宛別邑七
 十餘城多善馬馬汗血言其先天馬子也張騫始爲武
 帝言之上遣使者持千金及金馬以請宛善馬宛王以
 漢絕遠大兵不能至愛其寶馬不肯與漢使妄言宛遂
 攻殺漢使其財物於是天子遣貳師將軍李廣利將
 兵前後十餘萬人伐宛連四年宛人斬其王毋寡首立
 毋寡弟婁封爲王與漢約歲獻天馬二匹漢使采葡萄
 苜蓿種歸天子以天馬多又外國使來衆益種葡萄苜
 蓿離宮館旁極盛焉

西陽雜俎庾信謂魏使尉瑾曰我在鄴遠大得葡萄奇
 有滋味陳昭曰作何形狀徐君房曰有類軟棗信曰君
 殊不體物何不言似生荔枝魏肇師曰魏文有言末夏
 涉秋尚有餘暑酒醉宿醒掩露而食甘而不飴酸而不
 酢道之固以流涎稱奇况親食之者瑾曰此物實出於
 大宛張騫所致有黃白黑三種成熟之時子實遍側星
 編珠聚西域多釀以爲酒每來歲貢在漢西京似亦不

少杜陵田五十畝中有葡萄百樹今在京兆非直止禁林也信曰乃園種戶植接蔭連架昭曰其味何如橘柚信曰津液奇勝芬芳滅之瑾曰金衣素裹見苞作貢向齒自消良應不及

安邑縣志明朝洪武六年前太原歲進葡萄酒至六年間太祖謂省臣曰朕飲酒不多太原歲進葡萄酒自今令其勿進國家以養民爲務豈宜口腹累人哉嘗聞宋太祖家法子孫不得於遠方取珍味甚得貽謀之道也相傳本縣陶村前代設專官督進葡萄酒本省他縣葡萄蓋寡未有可造酒者所進即陶村產也蒙泉雜言酉陽雜俎與六帖皆載葡萄由張騫自大宛移植漢宮按本草已具神農九種當塗熄火去騫未遠而魏文之詔實稱中國名果不言西來是唐以前無此論予嘗以爲大宛之種必與中國者異故博望取之段白所載必有所據但失實耳比成酒泉屢嘗取乾之名曰瑣瑣比中國者差小形圓而色正赤其味甘美非中國者可敵則

予所見庶或得之今此種處處有之獨蒲坂者勝土人乾之以資貿易江南重之稱蕃葡萄曰蕃云者豈承藝瑣瑣之乾與姑識之以俟知者

蔓莢

詩經六月食鬱及蓂傳鬱棣屬蓂莢也疏鬱棣

屬者是唐棣之類屬也劉真毛詩義問云其樹高五六尺其實大如李正赤食之甜本草云鬱一名雀李一名車下李一名棣生高山川谷或平田中五月時實言一名棣則與棣相類故云棣屬蓂莢者亦是鬱類而小別耳晉宮閣銘云華林園中有車下李三百一十四株蓂李一株車下李即鬱蓂李即蓂二者相類而同時熟故言鬱蓂也本草注曰葡萄即蓂莢生隴西五原山谷齊民要術說文曰蓂莢也廣雅曰燕蓂蓂莢也詩義疏曰蓂莢實大如龍眼黑色今車鞅藤實是幽詩曰六月食蓂

陸瓊詩疏鬱其樹高五六尺其實大如李色正赤食之甘廣要毛詩云鬱棣屬蓂莢也孔疏云鬱是唐棣之

類劉真毛詩義問云其樹高五六尺其實大如李正亦食之甜與棣相類故云棣屬嬰菓者亦是鬱類而小別耳晉宮閣銘云華林園中有車下李三百一十四株菓李一株車下李卽鬱菓李卽菓二者相類而同時熟故言鬱菓也本草圖經云郁李木高五六尺枝條葉花皆若李惟子小若櫻桃赤色而味甘酸核隨子熟六月採根並實取核中人用名物疏云菓一名郁李一名菓李一名嬰菓一名燕菓一名棣一名俯李一名車下李廣雅謂之嬰舌與鬱俱棣屬也故同得車下李之名陸璣以唐棣爲菓李非也而以爲實大如李則得之本草圖經謂郁李子如櫻桃則似說常棣非郁李也郁李雖棣屬然非爾雅所謂唐棣常棣也古之說者惟不知唐棣爲扶移木而以爲菓又不知菓別是一種而以爲常棣故本草注及詩緝諸說俱誤今由陸璣崔豹鄭樵及本草諸說參詳之始知其別如此魏王花木志云燕菓實如龍眼黑色說文謂之嬰菓詩疏一名車軼藤爾詩六

月食菓者此也廣志曰燕菓似梨早熟據此又非郁李而二說亦相矛盾殆不足取證韓詩菓字又作葢是爾雅所謂葢山韭者非毛詩之菓爾雅翼云山韭形性與韭相類但根白葉如燈心苗按陸疏題列二物止釋一物者如棣桔濟濟止釋桔六月食鬱及菓止釋鬱之類是也豈以菓卽是唐棣故存而不論耶其實常棣與唐棣與鬱與菓原是四種毛氏云鬱棣屬則非棣可知孔氏云菓鬱類則非鬱可知馮嗣宗辨之甚詳但燕菓嬰舌是草大概與下文葵相似恐不應與木類相混救荒本草野葡萄俗名烟黑生荒野中今處處有之莖葉及實俱似家葡萄但皆細小實亦稀疎味酸採葡萄類紫熟者食之亦中釀酒飲說文解字注菓嬰菓也嬰錯本作嬰俗加舛頭耳爾風六月食鬱及菓傳曰鬱棣屬菓嬰菓也正義曰劉真毛詩義問云鬱樹高五六尺其實大如李本舛鬱一名棣則與棣相類嬰菓亦是鬱類晉宮閣銘車下李三百一

十四株車下李卽鬱也萸李一株萸李卽萸也二者相類而同時熟玉裁按說文李棣皆在木部萸在艸部毛公但云鬱棣屬未嘗云萸鬱屬廣雅釋艸燕萸萸舌也釋木云山李萸李二字今正未知是否鬱也然則萸之非木實明矣晉宮閣錄所謂車下李萸李皆非毛許之萸萸也齊民要術引詩義疏曰櫻萸實大如龍眼黑色今車鞅藤實是按賈氏凡引詩艸木蟲魚疏皆謂之詩義疏陸璣本有釋萸云云今本脫之耳魏王花木志引詩疏亦同从艸與聲於六切三部

橘

本草經橘柚味辛溫主胸中癢熱逆氣利水殺久服去臭下氣通神一名橘皮

別錄無毒下氣止嘔欬除勝臍留熱停水五淋利小便主脾不能消殺氣衝膈中吐逆霍亂止洩去寸白輕身長年生南山川谷及江南十月採陶隱居云此是說其皮功爾以東橘爲好西江亦有面不如其皮小冷療氣乃言勝橘北人亦用之並以陳者爲良其肉味甘酸食

之多疑恐非益也今此雖用皮既是果類所以猶宜相從柚子皮乃可服而不復入藥用此應亦下氣唐本草注柚皮厚味甘不如橘皮味辛而苦其肉亦如橘有甘酸味者名胡甘今俗人或謂橙爲柚非也按呂氏春秋云果之美者有雲夢之柚郭璞云柚似橙而大於橘孔安國云小曰橘大曰柚皆爲甘也

圖經橘柚生南山川谷及江南今江浙荆襄湖嶺皆有之木高一二丈葉與枳無辨刺出於莖間夏初生白花六月七月而成實至冬而黃熟乃可噉舊說小者爲橘大者爲柚又云柚似橙而實酢大於橘孔安國注尙書厥包橘柚郭璞注爾雅柚條皆如此說又閩中嶺外江南皆有柚比橘黃白色而大襄唐間柚色青黃而實小皆味酢皮厚不堪入藥今醫方乃用黃橘青橘兩物不言柚豈青橘是柚之類乎然黃橘味辛青橘味苦本經二物通云味辛又云一名橘支又云十月採都是今黃橘也而今之青橘似黃橘而小與舊說大小苦辛不類

則別是一種耳收之並去肉暴乾黃橘以陳久者入藥良古今方書用之最多亦有單服者取陳皮搗末蜜和丸食前酒吞三十九梧子大主下焦積冷亦可并杏子仁合丸治腸間虛冷腳氣衝心心下結硬者悉主之而青橘主氣滯下食破積結及膈氣方用之與黃橘全別凡橘核皆治腰及膀胱腎氣炒去皮酒服之良肉不宜多食令人痰滯又乳柑橙子性皆冷並其類也多食亦不宜人今人但取其核作塗面藥餘亦稀用故不悉載又有一種枸櫞如小瓜狀皮若橙而光澤可愛肉甚厚白如蘿蔔雖味短而香氣大勝柑橘之類置衣筒中則數日香不散古作五和糝所用陶隱居云性溫宜人今聞廣江西皆有彼人但謂之香櫞子或將至都下亦貴之

本草衍義橘柚自是兩種故曰一名橘皮是元無柚字也豈有兩等之物而治療無一字別者即知柚一字爲誤後人不深求其意爲柚字所惑妄生分別亦以過矣

且青橘與黃橘治療尙別矧柚爲別種也郭璞云柚似橙而大於橘此卽是識橘柚者也今若不析言之恐後世亦以柚皮爲橘皮是貽無窮之患矣去古既遠後之賢者亦可以意逆之耳橘惟用皮與核皮天下甚所須也仍湯浸去穢餘如經與注核皮二者須自收爲佳有人患氣嗽將葦或敷以橘皮生薑焙乾神麴等分爲末丸桐子大食後夜臥米飲服三五丸兼舊患膀胱緣服此借愈然亦取其陳皮入藥此六陳中一陳也腎注腰痛膀胱氣痛微炒核去殼爲末酒調服愈

逸異記越多橘柚園越人歲出橘稅謂之橙橘戶亦曰橘籍吳闕澤表曰請除臣之橘籍

避暑錄話橘極難種吾居山十年凡三種而三種死其初移栽皆三四尺餘一歲便結實燥然可愛未幾偶大寒多雪卽立槁雖厚以苦覆草擁不能救也蓋性極畏寒而吾居在山之半又面北多北風與平地氣候絕不同山前梅花及桃李等率常先開半月蓋五七之間如

此今吳中橘亦惟洞庭東西兩山最盛他處好事者園圃僅有之不若洞庭人以爲業也凡橘一畝比田一畝利數倍而培治之功亦數倍於田橘下之土幾於用篩末膏少以瓦甃雜之田自種至刈不過一二耘籽而橘終歲耘無時不使見纖草地必而南爲屬級次第使受日每歲大寒則於上風焚糞壤以溫之吾不如老圃信有之矣

鄰幾雜志橘樹直竦枝葉不相妨蜀人謂之讓木

曲洧舊聞果中結實遲者莫如橘諺云立不踰膝好種橘言其不可待也

書蕉唐李伯珍與醫帖云白金一挺奉備橘黃之需始不曉所謂及觀續世說有枇杷黃醫者仁橘子黃醫者癢乃知時使然耳

附韓查直橘錄

牛僧孺幽怪錄有生異橘者摘剖之有四老人焉其一曰橘中之樂不減商山恨不能深根固蒂耳由是

有橘隱名楚屈原作離騷其橘頌一章有曰后皇嘉

樹橘徠服受命不遷生南國宋謝惠連橘賦亦曰園

有嘉樹橘柚煌煌是以知橘實佳物昔人所愛慕若

此孔安國曰小曰橘大曰柚郭璞亦云柚似橙而大

於橘溫無柚而種橙者少非土所宜也本草載橘柚

味辛溫無毒主去胸中瘕熱利水殺止嘔欬久服通

神輕身長年陶隱居云此言橘皮之功效若此其實

之味甘酸食之多痰無益其說爲是隱居不敢輕注

本草蓋此類也陳藏器補本草謂橘之類有朱橘乳

橘塌橘山橘黃淡子今類見之

黃橘狀比之柑差匾小而香露多於柑歲兩鳴以時則

肌充而味甘其圍四寸色方青黃時風味尤勝過是則

香氣少減惟遇黃柑則避舍置之海紅生枝柑間未知

其孰後先名之曰千奴千奴真屈稱也塌橘狀大而匾

其南枝之向陽者外綠而心甚紅經春味極甘美瓣大

而多液其種不常有特橘之次也包橘取其纒纒然若

果類卷之十五 橘錄

包聚之義是橘外薄內盈隔皮脈瓣可數有一枝而生五六顆者懸之極可愛然土膏而樹壯者多有之不稱奇也綿橘微小極軟美可愛故以名園中間見一二樹結子復稀物以罕見爲奇此橘是也沙橘取細而甘美之稱或曰種之沙洲之上地虛而宜於橘故其味特珍然邦人稱物之小而甘美者必曰沙如沙瓜沙蜜沙糖之類方言耳荔枝橘多出於橫陽膚理皺密類荔子故以取名橫陽與閩接軫荔子稱奇於閩黃橘擅美於溫故慕而名之有言橘踰淮爲枳植物豈能變哉疑似之亂名多此類軟條穿橘其幹弱而條遠結實頗大皮色光澤滋味有餘其心虛有瓣如蓮子穿其中蓋接橘之始以枝之杪者爲之其體性終弱不可以犯霜不可以耐久又名爲女兒橘油橘皮似油飾之中堅而外黑蓋橘之若粗若柚者擊之而不聞其香食之而不可於口是又橘之僕奴也綠橘比他橘微小色紺碧可愛不待霜食之味已珍留之枝間色不盡變隆冬採之生意如

新橫陽人家時有之不常見也乳橘狀似乳柑且極甘芳故名又曰漳橘其種自漳浦來皮堅軀多味絕酸不與常橘齒鄉人以其頗魁梧時置之客間堪與釘座梨相值耳他日有以乳橘爲真柑者特砒砒之似玉也自然橘謂以橘子下種待其長歷十年始作花結實味甚美由其本性自然不雜之人爲故其味全蓋他柑與橘必以相淡子著土俟其婆娑作樹以枝接之爲柑爲橘爲多種俱非天也故是橘以自然名之然十年之計種之以木今之圃圃者多不年歲間爬其膚以驗其枯榮囊其木以計其久近誰能遲十年之久以收效耶是橘名之曰自然當矣接木之詳見於下篇早黃橘著花結子比其類獨早秋始半其心已丹千頭方酸而早黃橘之微甘已回齒頰矣王右軍帖有曰奉橘三百枚霜未降未可多得豈是類耶凍橘其類如常橘之半歲八月人目爲小春枝頭時作細白花旣而橘已黃千林已盡乃始傲然冰雪中著子甚繁春二三月始采之亦可愛

前輩詩有曰梅柳撻先桃李晚春風元是一般春此詩不獨詠桃李物理皆然

種治

柑橘宜斥鹵之地四邑皆距江海不十里凡圃之近塗泥者實大而繁味尤珍耐久不損名曰塗柑販而遠適者遇塗柑則爭售方種時高者畦壟溝以泄水每株相去七八尺歲四勸之薙盡草冬月以河泥壅其根夏時更溉以糞壤其葉沃而實繁者斯爲園丁之良

始栽

始取朱欒核洗淨下肥土中一年而長名曰柑淡其根菱簇簇然明年移而疎之又一年木大如小兒之拳遇春月乃接取諸柑之佳與橘之美者經年向陽之枝以爲貼去地尺餘錙鋸截之剔其皮兩枝對接勿動搖其根撥掘土實其中以防水藹護其外麻束之緩急高下俱得所以候地氣之應接樹之法載之四時纂要中是蓋老圃者能之工之良者揮斤之間氣質隨異無不活

者過時而不接則花實復爲朱欒人力之有參於造化每如此

培植

樹高及二三尺許翦其最下命根以瓦片抵之安於土雜以肥泥實築之始發生命根不斷則根進於土中枝葉乃不茂盛

去病

木之病有二蘚與蠹是也樹稍久則枝幹之上苔蘚生焉一不去則蔓衍日滋木之膏液蔭蘚而不及木故枝幹老而枯善圃者用鐵器時刮去之剔其繁枝之不能華實者以通風日以長新枝木間時有蛀屑流出則有蟲蠹之相視其穴以物鉤索之則蟲無所容仍以真杉木作釘窒其處不然則木心受病日久枝葉自凋異時作實瓣間亦有蟲食柑橘每先時而黃者皆其受病於中治之以早乃可

澆灌

園中貴雨晴以時早則堅苦而不長雨則暴長而皮多
 拆或瓣不實而味淡園丁溝以泄水俾無浸其根方亢
 陽時抱壘以潤之糞壤以培之則無枯瘁之患

採摘

歲當重陽色未黃有採之者名曰摘青舟載之江浙間
 青柑固人所樂得然採之不待其熟巧於商者間或然
 爾及經霜之二三夕纔盡翦遇天氣晴霽數十輩爲羣
 以小翦就枝間平蒂斷之輕置筐中護之必甚謹懼
 其香霧之裂則易壞霧之所漸者亦然尤不便酒香凡
 採者竟日不敢飲

收藏

採藏之日先淨掃一室密糊之勿使風入布稻簍其間
 堆柑橘於地上屏遠酒氣旬日一翻揀之遇微損謂之
 點柑卽揀出否則浸損附近者屢汰去之存而待買者
 十之五六人有掘地作坎攀枝條之垂者覆之以土至
 明年盛夏時開取之色味猶新但傷動枝苗次年不生

耳

製治

朱變作花比柑橘絕大而香就樹采之用簾香細作片
 以錫爲小甌每入花一重則實香一重使花多於香窠
 花甌之旁以溜汗液用器盛之炊畢微甌去花以液浸
 香明日再蒸凡三換花始暴乾入瓷器密盛之他時焚
 之如在柑林中柑橘并金柑皆可切瓣勿離之壓去核
 漬之以蜜金柑著蜜尤勝他品鄉人有用糖熬橘者謂
 之藥橘入甌之灰於鼎間色乃黑可以將遠又橘微損
 則去皮以肉瓣安甌間用火薰之曰薰柑置之糖蜜中
 味亦佳

入藥

橘皮最有益於藥去盡脈則爲橘紅青橘則爲青皮皆
 藥之所須者大抵橘皮性溫平下氣止蘊熱攻痰瘰服
 久輕身至橘子尤理腰膝近時難得枳實人多植枸橘
 於籬落間收其實剖乾之以之和藥味與商州之枳幾

通真矣枸橘又未易多得取朱纒之小者半破之日暴以爲枳異方醫者不能辨用以治疾亦愈藥貴於愈疾而已孰辨其爲真僞耶

柚

爾雅柚條註似橙實酢生江南疏柚一名條郭云似

橙實酢生江南禹貢揚州云厥包橘柚孔安國云小曰

橘大曰柚呂氏春秋云果之美者有雲夢之柚本草唐

本註云柚皮厚味甘不如橘皮味辛而苦其肉亦如橘

有甘有酸酸者名胡甘今俗人或謂橙爲柚非也

埤雅以詩

有條有櫛爲即柚條

又櫻根註柚屬也子大如孟皮厚二三寸中似枳食之

少味

山海經荆山多橘檉輪山其木多粗栗橘檉銅山其木

多橘檉葛山其木多粗栗橘檉賈超之山其木多粗栗

橘檉洞庭之山其木多橘檉

列子吳楚之國有大木焉其名爲檉碧樹而冬生實丹

而味酸食其皮汁已憤厥之疾齊州珍之渡淮而北而

化爲枳焉

番禺縣志柚有大小紅白數種八月食中秋夜童子取

紅者雕花或作龍鳳形爲燈攜以玩月一種白而皮香

者形高於凡柚名香柚味佳十月食一種如斗大曰斗

柚十二月食

高要縣志柚有紅有赤皆從飄得名有玳瑁柚以皮得

名有早禾柚以早熟得名有香柚以香得名最晚熟香

爲上

南方草木狀桂海虞衡志廣南臭柚皮甚厚染墨打碎

可代氈刷且不損紙

嶺南雜記柚子花香酷似梔子花肉紅者甘白者酸然

增城香柚小而白肉香甘異常潮州出斗柚大如斗味

亦甘美其皮可爲香灰

廣雅疏證柚棧也禹貢揚州厥包橘柚錫質傳云小曰

橘大曰柚字亦作檉中山經云荆山多橘檉郭注云檉

似橘而大也皮厚味酸御覽引風土記云柚大橘赤黃

而酢也漢書司馬相如傳黃甘橙棐張氏注云棐小橘也出武陵是柚大而棐小不得以柚爲棐也疑柚棐下脫去橘字大橘曰柚小橘曰棐故曰柚棐橘也猶上文橙梔二種皆訓爲梨耳柚爾雅謂之條條與柚古音相近也說文云柚似橙而酢莊子天運篇云粗梨橘柚其味不同而皆可於口以梨橘味甘粗柚味酸也列子湯問篇云吳楚之國有大木焉其名爲檉碧樹而冬生實丹而味酸食其皮汁已憤厥之疾齊州珍之渡淮而北而化爲枳焉案考工記云橘踰淮而北爲枳與此同蓋橘之與柚散文則通矣郭璞注上林賦云棐亦橘之類也呂氏春秋本味篇云果之美者雲夢之柚張協七命云漢臯之棐則二物多生江漢之間也雷斅炮炙論云凡使橘皮勿用柚皮皺子皮皺與棐同棐各本譌作棐今訂正

橘紅 嶺南雜記化州仙橘相傳仙人羅辨種橘於石龍之腹至今猶存唯此一株在蘇澤堂後爲最清風樓次

藕

之紅樹又次之其實非橘皮厚肉酸不中食其支釐爲五片七片不可成雙治痰證如神彼人云凡近州治聞樵樓更鼓者其皮亦佳故化皮屢者多員者甚難得

本草經藕實莖味甘平主補中養神益氣力除百疾久服輕身耐老不飢延年一名水芝丹

別錄寒無毒一名蓮生汝南池澤八月採陶隱居云此卽今蓮子八月九月取堅黑者乾搗破之花及根並入神仙用今云莖恐卽是根不應言甘也宋帝時太官作血蝕庖人削藕皮誤落血中遂皆散不凝醫乃用藕療血多効也

爾雅荷芙蕖註別名芙蓉江東呼荷其莖茄其葉蓮其本蒂註莖下白藕在泥中者其華菡萏註見詩其實蓮註蓮謂房也其根藕其中的註蓮中子也的中蓋註中心苦疏李巡曰皆分別蓮莖華葉實之美芙蓉其總名也別名芙蓉江東呼荷菡萏蓮華也的蓮實也蓋中心也郭璞曰密莖下白藕在泥中者今江東人呼荷華爲

芙蓉北方人便以藕爲荷亦以蓮爲荷蜀人以藕爲茄或用其母爲華名或用根子爲母葉號此皆名相錯習俗傳誤失其正體者也

陸瓊詩疏荷芙蓉江東呼荷其莖茄其葉蓮莖下白藕莖其花未發爲菡萏已發爲芙蓉其實蓮蓮青皮裏白子爲的的中有青長三分如鉤爲惹味甚苦故里語云苦如惹是也的五月中生生啖脆至秋表皮黑的成實或可磨以爲飯如栗也輕身益氣令人強健又可爲糜幽州揚豫取備饑年其根爲藕幽州謂之光旁爲光如牛角

圖經藕實莖生汝南池澤今處處有之生水中其葉名荷藕生食其莖主霍亂後虛渴煩悶不能食及解酒食毒花鎮心益顏色入香尤佳荷葉止渴殺蠱毒今婦人藥多有用荷葉者葉中蒂謂之荷鼻主安胎去惡血留好血實主益氣其的至秋來皮黑而沉水者謂之石蓮醫人炒末以止痛治腰痛又治噦逆以實仁六枚炒赤

黃色研末冷熱水半盞和服便止惟苦蓋不可食能令霍亂大抵功用主血多効乃因宋太官作血蝕病人削藕皮誤落血中遂散不凝自此醫家方用主血也

說文解字注蓋謂蓋也釋艸曰蘋非蓋郭云似蒲而細按說文無蘋字者蓋許所據祇作類从艸童聲多動切九部亦作董古童重通用或用爲董節字誤杜林曰藕根漢志有倉頡訓纂一篇杜林倉頡故一篇此蓋二篇中語藕當從後文作瀉瀉根猶荷根也郭璞曰北方人以藕爲荷用根爲母號也然則杜林謂瀉爲蓋

雞頭實

本草經雞頭實味甘平主濕痺腰脊膝痛補中除暴疾益精氣強志令耳目聰明久服輕身不飢耐老神仙一名鴈喙實

別錄無毒一名茨生雷澤池澤八月採陶隱居云此卽今葦子形上花似雞冠故名雞頭仙方取此并蓮實合餌能令小兒不長正爾食之亦當益人

圖經雞頭實生雷澤今處處有之生水澤中葉大如荷

果類卷之十五 雞頭實

嫩而有刺俗謂之雞頭盤花下結實其形類雞頭故以名之其莖嫩之嫩者名驚蕪人採以為菜茹八月採實服餌家取其實并中子搗爛暴乾再搗下篩熬金櫻子煎和丸服之云補下益人謂之水陸丹經傳謂其子為茨

本草衍義雞頭實今天下皆有之河北淦漭漢居人探得春去皮搗仁為粉蒸潔作餅可以代糧食多不益脾胃氣兼難消化方言菝茨雞頭也北燕謂之菝青徐淮泗之間謂之茨南楚江湖之間謂之雞頭或謂之鴈頭或謂之烏頭

齊民要術種茨法一名雞頭一名鴈頭即今芟子是也由于形上花似雞冠故名曰雞頭八月中收取擊破取子散著池中自然生也

爾雅翼茨雞頭也幽州人謂之鴈頭葉如荷而大葉上蹙如沸有芒刺兼有芻若雞鴈之頭又名鴈啄實內有米圓白如珠久食宜人說者曰小兒食不能長大故

駐年或曰茨實蓋溫平耳然食之必枚食而細嚼足以致上池之津故得益人猶如馬鬣短草則肥悅今茨與菱皆水物而性異茨華向日菱華背日其陰陽向背不同故損益亦不同也周禮亦以為加蓬之實饔遂為渤海太守勸民冬益畜果實菱茨淮南子曰雞頭已瘵許叔重以雞頭為水中茨愈頭腫之疾按上下文狸頭愈鼠雞頭已瘵蜜散積血啄木愈齲此類之可推者詳書本意皆謂此禽蟲平日所啄食故能治此病類可推尋雞頭似不謂此然或當亦能已瘵爾此物水草陂澤多有陶隱居乃云此即今葦子形上花似雞冠乃陸草長五六尺棘葉皆紅其花正紅狀如雞冠何預茨耶莊子雞蹠疏云雞頭草也服之延年韓文公詩云鴻頭排刺茨陳士良云有輓根名菝菜

王禎農書雞頭作粉食之甚妙河北淦漭漢居人探之春去皮搗為粉蒸潔作餅可以代糧饑遠守渤海勸民秋冬益蓄菱茨蓋謂其能充饑也

羣芳譜茨秋間熟時取實之老者以蒲包包之浸水中三月間撒淺水中待葉浮水面移栽淺水每科離二尺許先以麻餅或豆餅拌勻河泥種時以蘆記其根十餘日後每科用河泥三四盤壅之

莊子藥也其實莖也桔梗也雞臙也豕零也是時爲帝者也何可勝言注臙或作臙司馬云雞臙卽雞頭也

東坡雜記吳子野云茨實蓋温平爾本不能大益人然俗謂之水硫黃何也人之食茨也必枚啗而細嚼之未有多嚼而亟嚙者也舌頰唇齒終日嚙嚼而茨無五味腴而不膩足以致上池之水故食茨者能使人華液流通轉相挹注積其力雖過乳石可也

廣雅疏證菝茨雞頭也菝或作菝方言云菝茨雞頭也北燕謂之菝青徐淮泗之間謂之茨南楚江湘之間謂之雞頭或謂之鴈頭或謂之烏頭郭注云今江東亦名菝耳神農本草云雞頭一名鴈喙陶注云此卽今蕒子形上花似雞冠故名雞頭陳士良云有輭梘名菝菜蘇

頤圖經云盤花下結實形類雞頭故以名之其莖蔽之

嫩者名蕒蔽人採以爲菜茹案菝曹憲音悅藥反菝蕒

聲近而轉也菝從役聲蕒從爲聲菝之轉爲蕒猶爲之

轉爲表記鄭注云役之言爲也周官蓬人加蓬之實

菝茨臙鄭注云茨雞頭也疏云今人或謂之鴈頭呂

氏春秋恃君篇夏月則食菝茨高注云茨雞頭也一名

鴈頭生水中淮南說山訓雞頭已瘵高注云雞頭水中

茨幽州謂之鴈頭羅願爾雅翼云案上下文雞頭愈鼠

雞頭已瘵宜散積血斲木愈鱗此類之可推者詳齊本

意皆謂此禽蟲平日所啄食故能治此病類可推尋雞

頭似不謂此也雞頭一名雞臙莊子徐无鬼篇云藥也

其實莖也桔梗也雞臙也豕零也是時爲帝者也司馬

彪注云雞臙卽雞頭也一名茨與藕子合爲散服之延

年周官大司徒其植物宜膏物鄭注云膏當爲藥連茨

之實有藥韜疏云皆有外皮藥韜其實今茨實有棟棠

自襄所謂藥韜也古今注云茨葉似荷而大葉上蹙皺

如沸實有芒刺其中如米可以度飢也

說文解字注茨雞頭也周禮加蓬之實有茨注同此方言菝茨雞頭也北燕謂之菝青徐淮泗之間謂之茨南楚江湖之間謂之雞頭或謂之鷹頭或謂之烏頭从艸欠聲巨儉切古音在八部

梅實 本草經梅實味酸平主下氣除熱煩滿安心止肢

體痛偏枝不仁死肌去青黑誌蝕惡肉

爾雅詩英梅註雀梅

詩經探有梅陸瓊疏梅杏類也樹及葉皆如杏而黑耳

曝乾爲腊置羹臠盞中又可含以香口

周禮饋食之蓬其實棗與桃乾藕註乾藕乾梅也有桃

諸梅譜是其乾者

別錄無毒止下痢好唾口乾生漢中川谷五月採火乾

陶隱居云此亦是今烏梅也用當去核微熬之傷寒煩

熱水漬飲汁生梅子及白梅亦應相似今人多用白梅

和藥以點誌蝕惡肉也服黃精人云禁食梅實

本草拾遺梅實本功外止渴令人膈上熱烏梅去痰主瘰癧止渴調中除冷熱痢止吐逆梅葉搗碎湯洗衣易脫也嵩陽子云清水採梅葉洗蕉葛衣經夏不脆余試之驗

日華子云梅子暖止渴多啖傷骨蝕脾胃令人發熱根葉煎濃湯治休息痢并霍亂又云白梅暖無毒治刀箭止血研傳之又云烏梅暖無毒除勞治骨蒸去煩悶溢腸止痢消酒毒治偏枯皮膚麻痺去黑點令人得睡又入建茶乾薑爲丸止休息痢大驗也

圖經梅實生漢中川谷今襄漢川蜀江湖淮嶺皆有之其生實酸而損齒傷骨發虛熱不宜多食之服黃精人尤不相宜其葉煮濃汁服之已休息痢根主風痺出土者不可用五月採其黃實火熏乾作烏梅主傷寒煩熱及霍亂燥渴虛勞瘦羸產婦氣痢等方中多用之南方瘴勞瘵劣弱者用烏梅十四枚豆豉二合桃柳枝各一虎口握甘草三寸長生薑一塊以童子小便二升煎七

合溫服其餘藥使用之尤多又以鹽殺爲白梅亦入除痰藥中用又下有楊梅條亦生江南嶺南其木若荔枝而葉細陰厚其實生青熟紅肉在核上無皮殼南人淹

藏以爲果寄至北方甚多今醫方鮮用故附於此

齊民要術作白梅法梅子酸核初成時摘取夜以鹽汁漬之晝則日曝凡作十宿十浸十

鹽便成調糖和鹽所在多入也作烏梅法亦以梅子核初成時摘取籠盛於突上薰之令乾即

成矣烏梅入藥不任調食也食經曰蜀中藏梅法取梅極大者剝皮陰乾勿令得

風經二宿去鹽汁內蜜中月許更易蜜經年如新也作烏梅欲令不蠹法溫燒湯沃之取汁以梅投之使淨乃出蒸之

本草綱目李時珍曰烏梅白梅所主諸病皆取其酸收

之義惟張仲景治虻厥烏梅丸及蟲醫方中用者取蟲

得酸卽止之義稍有不同耳醫說載曾魯公痢血百餘

日國醫不能療陳應之用鹽水梅肉一枚研爛合臘茶

入醋服之一啜而安大丞梁莊肅公亦痢血應之用烏

梅胡黃連竈下土等分爲末茶調服亦效蓋血得酸則

斂得寒則止得苦則澹故也其他蝕惡瘡努肉雖是收卻

有物理之妙說出本經其法載於劉涓子鬼遺方用烏

梅肉燒存性研傅惡肉上一夜立盡聖惠用烏梅和蜜

作餅貼者其力緩按楊起簡便方云起胃生一疽膿潰

百日方愈中有惡肉突起如蠶豆大月餘不消醫治不

效因閱本草得此方試之一日夜去其大半再上一日

而平乃知世有奇方如此遂留心搜刻諸方始基於此

方也

又曰榔梅出均州太和山相傳真武折梅枝插於榔樹

誓曰吾道若成開花結果後果如其言今樹尙在五龍

宮北榔木梅實杏形桃核道士每歲采而蜜煎以充貢

獻焉榔乃榆樹也

桃

本草經桃核仁味苦平主療血血閉癥瘕邪氣殺小

蟲桃花殺疰惡鬼令人好顏色桃烏微溫主殺百鬼精

物桃毛主下血癥寒熱積聚無子桃蠹殺鬼邪惡不詳爾雅施冬桃註子冬熟櫻桃山桃註實如桃而小不解

核

別錄桃核仁甘無毒止欬逆上氣消心下堅除卒暴擊血破通月水止心腹痛七月採取仁陰乾桃花味苦平無毒主除水氣破石淋利大小便下三蟲悅澤人面三月三日採陰乾桃烏味苦療中惡腹痛殺精魅五毒不祥一名烏景是實著樹不落中實者正月採之桃毛主帶下諸疾破血閉刮用毛取之莖白皮味苦平無毒除邪鬼中惡腹痛去胃中熱葉味苦辛平無毒主除尸蟲出瘡中蟲膠鍊之主保中不飢忍風寒實味酸多食令人有熱生太山川谷陶隱居云今處處有京口者亦好常取解核種之爲佳又有山桃其仁不堪用桃仁作酪乃言冷桃膠入仙家用三月三日採花亦供丹方所須方言服三樹桃花盡則面色如桃花人亦無試之者服尤人大禁食桃也

圖經桃核仁并花實等生泰山今處處皆有之京東陝西出者尤大而美大都佳果多是圃人以他木接根上栽之遂至肥美殊失本性此等入藥不可用之當以本

生者爲佳七月採核破之取仁陰乾今都下市買多取以貨之云食之亦益人然亦多難接實之仁爲不堪也千金方桃仁煎療婦人產後百病諸氣取桃核一千二百枚去雙仁尖皮熬搗令極細以清酒一斗半研如麥粥法以極細爲佳內小項甕瓶中密以麪封之內湯中煮一伏時藥成溫酒和服一匙日再其花三月三日採陰乾太清草木方云酒漬桃花飲之除百疾益顏色崔元亮海上方治頭上生瘡黃水出并眼瘡一百五日收取桃花不計多少細末之食後以水半盞調服方寸七日三甚良其實已乾著木上經冬不落者名桃烏正月採之以中實者良胡洽治中惡毒氣蠱疰有桃奴湯是此也其實上毛刮取之以治女子崩中食桃木蟲名桃蠹食之悅人顏色莖白皮中惡方用之葉多用煎湯導藥標嫩者名桃心尤勝張文仲治天行有支大醫桃葉湯熏身法水一石煮桃葉取七斛安牀竇下厚被蓋臥牀上乘熱自熏停少時當雨汗汗逼去湯速粉之并灸

大椎穴則愈陳履邱蒸法經云連發汗汗不出者死可蒸之如中風法以間張苗苗言會有人疲極汗出臥單簾受冷但苦寒倦四日凡八過發汗汗不出燒地桃葉蒸之則得大汗被中傅粉極燥便差後用此發汗得出蒸發者燒地良久掃除去火可以水小酒取蠶沙若桃葉柏葉糖及麥麩皆可趣用易得者牛馬糞亦可用但臭耳取桃葉欲落時可益收乾之以此等物著火處令厚二三寸布席上坐溫覆用此出汗若過熱當審細消息大熱者重席汗出周身便止溫粉粉之勿令過此法舊云出阮河南也桃皮亦主病集驗治肺熱悶不止何中喘氣悸客熱往來欲死不堪服藥澀何中喘氣用桃皮茺花各一升二物以水四升煮取二升五合去滓以故布手巾內汁中薄習溫四肢不盈數刻即臥又必効方主蠱毒用大戟桃白皮東引者以大火烘之斑貓去足翅熬三物等分搗篩爲散以冷水服半方寸匕其毒即出不出更一服蠱並出此李饒州法云奇效若以酒

中得則以酒服以食中得以飲服之桃膠入服食藥仙方著其法取膠二十斤絹袋盛標木灰汁一石中煮三五沸并袋出掛高處候乾再煮如此三度止暴乾篩末蜜和空腹酒下梧桐子大二十九久服當仙去又主石淋古今錄驗著其方云取桃木膠如棗大夏以冷水三合冬以湯三合和爲一服日三當下石石盡即止其實亦未可多食善令人熱發也

南越筆記香桃花與中州桃花不異獨於八九月盛開有微香

曲洧舊聞冬桃密縣有一種冬桃夏花秋實八九月間桃自開其核墮地而復合肉生滿其中至冬而熟味如淇上銀桃而加美亦異也

侯鯖錄桃實經冬不落者俗謂之桃奴

齊民要術桃柰桃欲種法熟時合肉全埋糞土中

凡地則不生亦不茂桃性早實至春既生移栽實地若仍

三歲便結子故不求栽也
則實小而栽法以鍛合土掘移之
桃性易種栽若然
本土率多死故須然

也又法桃熟時播南陽中暖處深寬為坑選取好桃數
 土厚覆之令厚尺餘至春桃始動時徐徐撥去糞土皆
 應生芽合取核種之萬不失一其餘以熟糞之則益
 味桃性皮急四年以上宜以刀豎割其皮急則死皮七

八年便老老則子細十年則死是以宜歲桃酢法桃爛自零

者收去內之於甕中以物蓋口七日之後既爛漉去皮
 核密封閉之三日酢成香美可食術曰東方種桃九根

宜子孫除凶禍明桃柰桃種亦同

本草綱目李時珍曰桃品甚多易於栽種且早結實五

年宜以刀割其皮出其脂液則多延數年其花有紅紫

白千葉二色之殊其實有紅桃緋桃碧桃細桃白桃烏

桃金桃銀桃胭脂桃皆以色名者也有綿桃油桃御桃

方桃匾桃偏核桃皆以形名者也有五月早桃十月冬

桃秋桃霜桃皆以時名者也並可供食惟山中毛桃即

爾雅所謂蟻桃者小而多毛核粘味惡其仁充滿多脂

可入藥用蓋外不足者內有餘也冬桃一名西王母桃

一名仙人桃即崑崙桃形如苦蕒表裏微赤得霜始熟

方桃形微方匾桃出南番形匾肉澀核狀如盒其仁甘
 美番人珍之名波淡樹樹甚高大偏核桃出波斯形薄
 而尖頭偏狀如半月其仁酷似新羅桃子可食性熱又
 楊維禎宋濂集中並載元朝御庫蟠桃核大如盃以為
 神異按王子年拾遺記載漢明帝時常山獻巨核桃霜
 下始花隆暑方熟元中記載積石之桃大如斗斛器西
 陽雜俎載九疑有桃核半扇可容米一升及蜀後主有
 桃核杯半扇容水五升良久如酒味可飲此皆桃之極
 大者昔人謂桃為仙果殆此類歟生桃切片淪過曬乾
 為脯可充果食又桃酢法取爛熟桃納甕中蓋口七日
 漉去皮核密封二七日酢成香美可食種樹書云柿接
 桃則為金桃李接桃則為李桃梅接桃則脆桃樹生蟲
 煮豬頭汁澆之即止皆物性之微妙也又曰千葉桃花
 結子在樹不落者名鬼鬪雷敷炮灸論有修治之法
 而方書未見用者數曰鬼鬪懷十一月采得以酒拌蒸
 之從已至未焙乾以銅刀切焙取肉用

又曰按歐陽詢初學記載北齊崔氏以桃花白雪與兒
 贖面云令面妍華光悅蓋得本草令人好顏色悅澤人
 面之義而陶蘇二氏乃引服桃花法則因本草之而言而
 謬用者桃花性走泄下降利大腸甚快用以治氣實人
 病水飲腫滿積滯大小便閉塞者則有功無害若久服
 卽耗人陰血損元氣豈能悅澤顏色耶按張從正儒門
 事親載一婦滑泄數年百治不效或言此傷飲有積也
 桃花落日以棘鍼刺取數十萼勿犯人手以麪和作餅
 煨熟食之米飲送下不一二時瀉下如傾六七日行至
 數百行昏困惟飲涼水而平觀此則桃花之峻利可徵
 矣又蘇鶚杜陽編載范純佑女喪夫發狂閉之室中夜
 斷窗樞登桃樹上食桃花幾盡及旦家人接下自是遂
 愈也珍按此亦驚怒傷肝痰夾敗血遂致發狂偶得桃
 花利痰飲散滯血之功與張仲景治積熱發狂用承氣
 湯畜血發狂用桃仁承氣湯之意相同而陳藏器乃言
 桃花食之患淋何耶

又曰按許叔微本事方云傷寒病醫者須顧表裏循次
 第昔范雲爲梁武帝屬官得時疫熱疾召徐文伯診之
 是時武帝有九錫之命期在旦夕雲恐不預求速愈文
 伯曰此甚易政恐二年後不能起爾雲曰朝聞道夕死
 可矣况二年乎文伯乃以火煨地布桃柏葉於上令雲
 臥之少頃汗出粉之翌日遂愈後二年雲果卒取汗先
 期尙能促壽况不顧表裏時日便欲速愈者乎夫桃葉
 發汗妙法也猶有此戒可不慎與又曰典術云桃乃西
 方之木五木之精仙木也味辛氣惡故能厭伏邪氣百
 鬼今人門上用桃符以此玉燭寶典云戶上着桃板辟
 邪取山海經神荼鬱壘居東海蟠桃樹下主領衆鬼之
 義許慎云羿死於桃楸楸杖也故鬼畏桃而今人用桃
 梗作杙概以辟鬼也禮記云王弔則巫祝以桃茢前引
 以辟不祥茢者桃枝作帶也博物志云桃根爲印可以
 召鬼甄異傳云鬼但畏東南枝爾據此諸說則本草桃
 之枝葉根核桃梟桃概皆辟鬼祟疰忤蓋有由來矣

亦有千葉者不結實甘而有沙者爲沙杏黃而帶酢者爲梅杏青而帶黃者爲柰杏其金杏大如梨黃如橘西京雜記載蓬萊杏花五色蓋異種也按王禎農書云北方肉杏甚佳赤大而扁謂之金剛拳凡杏熟時榨濃汁塗盤中晒乾以手摩刮收之可和水調麩食亦五果爲助之義也

又曰杏仁能散能降故解肌散風降氣潤燥消積治傷損藥中用之治瘡殺蟲用其毒也按醫餘云凡索麩豆粉近杏仁則爛頭一兵官食粉成積醫師以積氣丸杏仁相半研爲丸熟水下數服愈又野人閑話云翰林學士辛士遜在青城山道院中夢皇始謂曰可服杏仁令汝聰明老而健壯心力不倦求其方則用杏仁一味每鹽漱畢以七枚納口中良久脫去皮細嚼和津液頓嚥日日食之一年必換血令人輕健此申天師方也又楊士瀛直指方云凡人以水浸杏仁五枚五更端坐逐粒細嚼至盡和津吞下久則能潤五臟去塵滓驅風明目

治肝腎風虛瞤人帶青眼翳眉痒之病珍按杏仁性熱降氣亦非久服之藥此特其咀嚼吞納津液以消積穢則可耳古有服杏丹法云是左慈之方唐慎微收入本草云久服壽至千萬其說妄誕可鄙今刪其紕繆之辭存之于下使讀者毋信其誑也

又曰巴旦杏出回回舊地今關西諸土亦有樹如杏而葉差小實亦尖小而肉薄其核如梅核殼薄而仁甘美點茶食之味如榛子西人以充食物

說文解字注杏杏果也內則桃李梅杏从木向省聲向各本作可誤今正善以杏爲聲亦作荇從行聲則知杏善字古皆在十部也今何梗切六書故云唐本曰从木从口柰柰果也假借爲柰何字見尙書左傳俗作奈非从木示聲奴帶切十五部

栗

詩經樹之榛栗陸璣疏栗周秦吳揚特饒吳越被墟表裏皆栗惟濃陽范陽栗甜美長味他方者悉不及也倭韓國諸島上栗大如雞子亦短味不美桂陽有栗栗

果類卷之十五 栗

叢生大如椰子中仁皮子形色與栗無異也但差小耳
又有栗栗皆與栗同子圓而細或云卽栗也今此惟江
湖有之又有茅栗佳栗其實更小而木與栗不殊但春
生夏花秋實冬枯爲異耳

別錄栗味鹹溫無毒主益氣厚腸胃補腎氣令人耐飢
生山陰九月採陶隱居云今會稽最豐諸暨栗形大皮
厚不美剡及始豐皮薄而甜相傳有人患脚弱往栗樹
下食數升便能起行此是補腎之義然應生噉之若餌
服故宜蒸暴之

圖經栗舊不著所出州土但云生山陰今處處有之而
兗州宜州者最勝木極類檉花青黃色似胡桃花實有
房葉若拳中子三五小者若桃李中子惟一二將熟則
罅拆子出凡栗之種類亦多栗房當心一子謂之栗楔
治血尤效今衡山合活血丹用之果中栗最有益治腰
脚宜生食之仍畧暴乾去其木氣惟患風水氣不宜食
以其味鹹故也殼煮汁飲止反胃及消渴木皮主瘡毒

醫家多用之

齊民要術栗種而不栽栽者雖生栗初熟時出殼卽於

屋裏埋著濕土中理必深勿令凍徹若踏者以至

春二月悉芽生出而種之卽生數年不用掌近凡新栽

不用掌近栗性尤甚也二年內每到十月常須草裏至二月乃解

凍死則大戴禮夏小正曰八月栗零而後取之不言

剝之食經藏乾栗法取種灰淋取汁漬栗日曬令

夏栗肉焦燥不長虫得至後年春

本草綱目李時珍曰栗但可種成不可移栽按事類合

璧云栗木高二三丈苞生多刺如蝟毛每枝不下四五

箇苞有青黃赤三色中子或單或雙或三或四其殼生

黃熟紫殼內有膜裹仁九月霜降乃熟其苞自裂而子

墜者乃可久藏苞未裂者易腐也其花作條大如筋頭

長四五寸可以點燈栗之大者爲板栗中心扁子爲栗

楔稍小者爲山栗山栗之圓而末尖者爲錐栗圓小如

橡子者爲辛栗小如指頂者爲茅栗卽爾雅所謂槲栗

也一名栲栗可炒食之

又曰栗於五果屬水水潦之年則栗不熟類相應也有
人內寒暴洩如注令食煨栗二三十枚頓愈腎主大便
栗能通腎於此可驗經驗方治腎虛腰脚無力以袋盛
生栗懸乾每旦喫十餘顆次喫豬腎粥助之久必強健
蓋風乾之栗勝於日曬而火煨油炒勝於蒸蒸仍須細
嚼連液吞嚥則有益若頓食至飽反致傷脾矣按蘇子
由詩云老去自添腰脚病山翁服栗舊傳方客來爲說
晨興晚三咽徐收白玉漿此得食栗之訣也王禎農書
云史記載秦飢應侯請發五苑棗栗則本草栗厚腸胃
補腎氣令人耐飢之說殆非虛語矣

陸疏廣要大戴禮云八月栗零零也者降也零而後取
之故不言剝也周禮天官云饋食之蓬其實栗禮記內
則云栗曰撰之疏云栗蟲好食數數布陳撰省視之本
草註云栗作粉勝於菱茨蜀本云樹高二三丈葉似櫟
花青黃色似胡桃圖經云兗州宣州者最勝實有房袋

若拳中子三五小者若桃李中子惟一二將熟則罅拆

子出凡栗之類甚多詩云樹之莘栗栗房當心一子謂

之栗楔治血尤效陳士良云栗有數種其性一類三類

一棗其中者栗柄也理筋骨風痛衍義曰湖北路有一

種栗頂圓末尖謂之旋栗西京雜記上林苑有侯栗瑰

栗魁栗榛栗嶧陽都尉曹龍所獻大如拳埤雅云栗味

鹹北方之果也有萊蜩自襄東觀書曰栗駭蓬轉蓋今

栗房秋熟罅發其實驚躍如爆去根幹甚遠所謂栗駭

也和法曰白如截肪黃如蒸栗今黃玉謂之栗玉義蓋

取此爾雅翼栗其實下垂故從鹵鹵者草木實垂鹵鹵

然蓋象形也古文鹵從西從二鹵徐巡說木至西方戰

栗言木則凡木皆然而栗至罅發之時將墜不墜尤有

戰栗之象故天子五社西社植栗而宰我對栗社之義

亦以爲使民戰栗也栗之生極謹密三類爲房其房爲

蜩毛其中顆匾者號爲栗楔尤益人大率栗味鹹性溫

而宜於腎有患足弱者坐栗木下多食之至能起行其

果類卷之十五 栗 茅栗

質縝密故稱玉質縝密以栗秦風阪有漆隰有栗燕秦千樹栗是其出處也秦饒應侯請發五苑之果蔬橡棗栗以活民昭王不許范子計然曰栗出三輔詩云山有嘉卉侯栗侯梅侯助辭也西京雜記稱漢上林苑中有侯栗又有侯梅此吳均之語不可取信廣雅云有石栗其樹與栗同俱生於山石罅中花開三年方結實其殼厚而肉少其味似胡桃熟時或爲羣鸚鵡所啄故彼人極珍貴之出日南又類婆子者其實紅色大如肥卓核如栗煨熟食之味與栗無異

清異錄晉王嘗窮追汴師糧運不繼蒸栗以食軍中遂呼栗爲河東飯

西溪叢語杜甫詩云嘗果栗殼開或作離字殊不可解集韻皺側尤切革紋盛也漢上題襟周蘇詩云開栗弋之紫皺貫休云新蟬避栗皺又云栗不和皺落卽栗蓬也

析津日記遼於南京置栗園司蕭韓家奴爲右通進典

南京栗園是也元昌平縣亦有栗園徹里傳戰於昌平栗園是也蘇秦謂燕民雖不耕作而足於棗栗唐時范陽以爲土實今燕京市肆及秋則以餽并雜石子燻之栗比南中差小而味頗甘以御栗名正不以大爲貴也

茅栗

陸璣詩疏栢栢葉如榆也木理堅韌而赤可爲車

輜廣要爾雅栢栢樹似樹檉而庫小子如細栗一作栗可食今江東亦呼爲栢栗一作栗鄭註栢栢音例而茅栗也內則云芝栢栢根鄭氏人君燕食所加庶羞也通志橡實之類極多有似栗而小者大小有三四種

爾雅所謂栢栢是也註云子如細桌江東人亦呼爲栢栢今俗謂之爲茅桌猴桌柯桌皆其類也內則芝栢栢根棗栗棗栢疏廣蔚云無華葉而生者曰芝栢盧氏云芝木芝也王肅云無華而實者名栢栢皆芝屬也庾又云自牛脣至薑桂凡三十一物則芝栢栢應是一物也今春夏生於木可用爲菹其有白者不堪食也賀氏云栢栢軟棗亦云芝木栢也以芝栢爲二物注芝如今木耳之類

栳韻會云江淮呼小栗爲栳栗皆人君燕食所加庶羞也

櫻桃

別錄櫻桃味甘主調中益脾氣令人好顏色陶隱居云此卽今朱櫻味甘酸可食而所主又與前櫻桃相似恐醫家濫載之未必是今者爾又胡頹子凌冬不彫子亦應益人或云寒熱病不可食

圖經櫻桃舊不著所出州土今處處有之而洛中南郡中最勝其實熟時深紅色者謂之朱櫻正黃明者謂之蠟櫻極大者有若彈丸核細而肉厚尤難得也食之調中益氣美顏色雖多無損但發虛熱耳惟有關風人不可噉噉之立發其葉可擣傅蛇毒亦紋汁服東行根亦可殺寸白虻蟲其木多陰最先百果而熟故古多貴之謹按書傳引吳普本草曰櫻桃一名朱棗一名麥甘醋今本草無此名乃知有脫漏多矣又爾雅云楔荊桃郭璞云今之櫻桃而孟詵以爲櫻非桃類未知何據本草衍義櫻孟詵以爲櫻非桃類然非桃類蓋以其形

宵桃故曰櫻桃又何疑焉謂如沐猴梨胡桃之類亦取其形相似爾古謂之合桃可薦宗廟禮云先薦寢廟者此唐王維詩云纔是寢園春萬後非關御苑鳥銜殘小兒食之纔過多無不作熟此果在三月末四月初間熟得正陽之氣先諸果熟性故熟今西洛一種紫櫻至熟時正紫色皮裏間有細碎黃點此最珍也今亦上供朝廷藥中不甚須

齊民要術櫻桃爾雅云楔荊桃郭璞注曰今櫻桃廣雅曰楔桃大者如彈丸子有長八分者有白色者凡三種鄭元注曰今謂之櫻桃博物志曰櫻桃者一名牛桃一名英桃二月初山中移栽陽中者還種陽地陰中者還種陰地若陰陽易地則難生生亦不實此果性生陰地卽入園圃便是陽中故多難得生宜堅實之地不可用虛糞也

廣志櫻桃有大者有長八分者有白色多肌者凡三種鄭望之云櫻桃其種有三大而般者曰吳櫻桃黃而白

者曰蠟珠小而赤者曰水櫻桃食之皆不如蠟珠

鼠璞東坡橄欖詩云待得微甘回齒頰已輸崖蜜十分
甜注引杜詩崖蜜松花落本草崖蜜蜂黑色作房於巖
崖高峻處然坡詩與橄欖對說非真蜜也鬼谷子曰崖
蜜櫻桃也他無經見予讀南海志崖蜜子小而黃殼薄
映甘增城惠陽山間有之雖不知與櫻桃爲一物與否
要其類也注坡詩者引小說橄欖與蜜爭渠曰待爾回
味我已甜特坡公換崖蜜作對耳山谷詠橄欖云想其
餘甘有瓜葛苦中真味晚方回坡公取其味相反山谷
取其味相投李義山詩紅壁寂寥崖蜜盡此但作蜜用
非是

野客叢談東坡橄欖詩曰待得微甘回齒頰已輸崖蜜
十分甜冷齋夜話謂事見鬼谷子崖蜜櫻桃也漫叟漁
隱諸公引本草石崖間露蜜爲証余謂坡詩爲橄欖而
作疑以櫻桃對言世謂渠與橄欖爭曰待你回味我已
甜了正用此意露蜜則非其類也固自有言露蜜處如

張衡七辨云沙飴石蜜乃其等類閩王遺高祖石蜜十
斛此亦是石蜜也嘗考石蜜有數種本草謂崖石間露
蜜爲石蜜更又有謂乳餵爲石蜜者廣志謂蔗汁爲石
蜜其不一如此崖石一義又安知古人不以櫻桃爲石
蜜乎觀魏文帝詔曰南方有龍眼荔枝不比西園葡萄
石蜜以龍眼荔枝相對而言此正櫻桃耳豈餵蜜之謂
邪坡詩所言當以此爲証

廣雅疏證合桃櫻桃也月令仲夏之月天子乃以雛嘗
黍羞以合桃先薦寢廟鄭注云合桃今之櫻桃也正義
云月令無薦果之文此獨羞合桃者以此果先成異於
餘物故特記之其實諸果於時薦也史記叔孫通傳云
孝惠帝曾出遊離宮叔孫生曰古者有春嘗果方今櫻
桃就可獻願陛下出因取櫻桃獻宗廟上乃許之諸果
獻由此與則此禮至漢猶行但漢春獻櫻桃正當始就
之時而月令仲夏始薦者本因嘗黍而薦合桃非特獻
故不嫌遲也月令釋文云舍本又作函函與櫻皆小之

貌固若爾雅云羸小者蝻櫻若小兒之稱嬰兒也櫻或作盟高誘注呂氏春秋仲夏紀云含桃櫻桃也蓋櫻櫻同聲古字通用耳而高誘乃謂鶯鳥所含故言含桃失之於鑿矣諸說含桃者皆卽是櫻桃而西京雜記說上林苑桃十種有含桃又有櫻桃則是分爲二物所未審也一名荆桃爾雅楔荆桃郭注云今櫻桃也又名朱櫻蜀都賦云朱櫻春孰御覽引吳普本草云櫻桃味甘主調中益脾氣令人好顏色美志氣一名朱桃一名麥英也又引廣志云櫻桃大者如彈丸有長八分者白色多肌者凡三種

山櫻桃

山櫻桃別錄上品野生子小不堪食

芡實

別錄芡實味甘平無毒主安中補五臟不飢輕身

一名菱陶隱居云廬江間最多皆取火燻以爲米充糧今多蒸暴蜜和餌之斷穀長生水族中又有菰首性冷恐非上品被霜後食之令陰不強又不可雜白蜜食令生蟲也

圖經芡菱實也舊不著所出州土今處處有之葉浮水上花黃白色花落而實生漸向水中乃熟實有二種一種四角一種兩角兩角中又有嫩皮而紫色者謂之浮菱食之尤美江淮及山東人曝其實人以爲米可以當糗道家蒸作粉蜜漬食之以斷穀水果中此物最治病解丹石毒然性冷不可多食

爾雅菱蕨據註菱今水中菱疏菱一名蕨據郭云菱今水中菱者字林云楚人名菱曰菱可食國語曰屈到嗜菱俗云菱角是也

齊民要術種芡法一名菱秋上子黑孰時收取散著池中自生矣本草云菱芡中米上品藥食之安中補藏養神強志除百病益精氣耳目聰明輕身耐老蒸糲蜜和餌之長生神仙多種儉誠有此足度荒年

爾雅芡生水中實兩角或四角一名菱古者加蓬之實菱矣臬脯菱矣臬脯再言之者兩設之盛禮乃用焉楚令尹屈到嗜菱且死以爲屬及祥將薦而屈建去之

其說引祭典君大夫士庶人有牛羊豚犬魚炙之羞籩豆脯醢則上下共之不羞珍異不陳庶修於是乎有羊饋而無麥薦君子曰遠而道蓋籩豆脯醢雖上下所共然以多少爲羞則珍異庶修者非大夫所宜昔者季武子聘晉侯享之有加籩辭曰寡君猶不敢請徹加而後卒事則非屈到所宜薦明矣麥以爲加籩則爲貴者所珍用以接糧則爲賤者所食朱厲事宮稷公不見識焉冬處於山林食籽粟夏處於洲澤食蔴藕以愧穆公蔴葉覆被水上其花黃白色其實餌之可以斷穀古者洲澤之利與民共之吳楚風俗當蔴熟時士女相與采之故有采蔴之歌以相和爲繁華流蕩之極招魂云涉江采蔴發陽阿陽阿者采蔴之曲也淮南曰欲學謳者必先徵羽樂風欲美和者必先始於陽阿采蔴許叔重曰陽阿采蔴樂曲之和一曰陽阿古之名俳善和者蓋采蔴者衆所共故取節奏宜和爲曲以與衆樂之風俗通曰殿堂象東井形刻爲荷蔴荷蔴皆水物所以厭火

也又昔人取蔴花六觚之象以爲鏡離騷曰製麥荷以爲衣兮集芙蓉以爲裳蓋麥葉雜蓮荷葉博大有爲衣之象而芙蓉若可緝者也古者士服元衣纁裳屈原恐進而遇禍故退修初服初服則士服耳麥荷綠色有元之象芙蓉朱色似纁故反離騷曰紜麥荷之綠衣被夫蓉之朱裳也原之始而結蔴貫蔴也已曰顯依彭成之遺則然此佩之小者又皆陸草衣者身之章也用以自表而皆取小物焉則其從彭成也審矣彭成商之介士不得其志投江而死者也至王褒九懷云紅采兮駢衣翠纁兮爲裳則與此取象不類子虛賦外發夫容陵華說文楚謂之麥秦謂之薜荔謝朓楚辭芳草譜蔴生水中實二角或四角一名麥離騷曰製麥荷以爲衣兮集芙蓉以爲裳蓋麥葉雜蓮荷葉博大有爲衣之象而芙蓉若可緝者也農政全書種蔴法重陽後收老蔴角用籃盛浸河水內待二三月發芽隨水淺深長約三四尺許用竹一根削

竹火通口樣符佳老菱插入水底若澆糞用大竹打通節注之

本草綱目李時珍曰其葉支散故字從支其角棱峭故謂之菱而俗呼爲菱角也昔人多不分別惟王安貧武陵記以三角四角者爲菱兩角者爲菱左傳屈到嗜菱卽此物也爾雅謂之厥攢又許慎說文云菱楚謂之菱秦謂之薜苳楊氏丹鉛錄以菱爲雞頭雖騷緝菱荷以爲衣言菱葉不可緝衣皆誤矣按爾雅薜苳乃決明之名非厥攢也又埤雅菱荷乃藕上出水生花之莖非雞頭也與菱同名異物許楊二氏失於詳考故正之漢書農遂傳遂爲渤海太守秋冬課收斂益畜果實菱矣

太康地記武昌南湖通江夏有水冬則涸於時磨所產植陶太尉立塘以遏水常自不竭因取瑯琊郡隔湖魚菱以著湖內菱甚甘美異於他所

三國典略齊師伐梁梁以糧運不繼調市人餽軍建康

孔奐以菱屑爲飯用荷葉裹之一宿之間得數萬囊西陽雜俎今人但言菱菱諸解草木書亦不分別惟王安貧武陵記言四角三角曰菱兩角曰菱今蘇州折腰菱多兩角成式曾於荊州有僧遺一斗郢城菱三角而無刺可以節步

宋史禮志薦新太宗景佑三年禮官宗正請每歲夏季薦果以菱以菱

郭進傳進爲洺州團練使於城四面植柳壕中種荷菱蒲亂後益繁茂郡民見之有垂涕者曰此郭公所種也學齋佔畢前輩筆記小說固有字誤或刊本之誤因而後生末學不稽考本出處承襲謬誤甚多今略舉其一端如馬大年永卿著懶真子錄辯王逸注楚詞以菱爲菱秦人曰薜苳之誤當矣惜其字有差誤義遂不著永卿謂爾雅薜苳英光注云英明也或云蔭也關西謂之薜苳又爾雅云菱厥攢注今水中菱此皆馬所記也今余考爾雅正本則云薜苳英光注英明也卽今決明也

或曰蔞也字從艸非從水及至蔞厥據然後從淩注水中芰也則是蔞與蔞其爲二物不同王逸誤引陸生之蔞曰蔞蔞而爲水中之蔞其失明甚而馬又並以從水兩蔞字交證且誤以英光英明爲英光英明此馬大年之誤尤可哂也

老學菴筆記芰蔞也今人謂卷荷爲伎荷伎立也卷荷出水面亭亭植立故謂之伎荷或作芰非是白樂天池上早秋詩云荷芰綠參差新秋水滿池乃是言荷及蔞二物耳

廣雅疏謂蔞芰蔞蔞也蔞或作蔞或作蔞爾雅云蔞蔞據郭璞注云今水中芰又蔞蔞英光郭注云英明也葉銳黃赤華實如山茱萸或曰蔞也關西謂之蔞蔞案說文云蔞芰也楚謂之芰秦謂之蔞蔞楚詞離騷製芰荷以爲衣兮王逸注云芰蔞也秦人曰蔞蔞是蔞名蔞蔞相承自古爾雅釋草如蘊烏蔞澤烏蔞唐蒙女蘿蒙玉女之類多同實異名而前後分見蔞蔞英光蔞蔞據或

亦是也蔞據之據孫炎作據音居郡反又居羣反蔞據英光蔞蔞正一聲之轉矣周官籩人加籩之實蔞蔞案脯鄭注云蔞芰也楚語屈到嗜芰韋注云芰蔞也徐鍇說文繫傳因周官加籩有蔞而楚語屈建有羊饋而無芰蔞二者不合遂謂屈到所嗜芰非水中之蔞又因爾雅蔞蔞英光注兼存決明及蔞之說遂謂屈到嗜芰爲決明之菜案決明名芰千古無徵周官楚語不必悉合徐說疏矣蘇頌本草圖經云蔞葉浮水上花黃白色花落而實生漸向水中乃熟實有二種一種四角一種兩角是則蔞之形狀雖殊稱名則一而酉陽雜俎引王安貧武陵記四角三角曰芰兩角曰蔞強爲分別其說非也各本蔞作荷音狗案荷字不須作音諸書蔞蔞字亦無作荷者蓋字本作蔞曹憲音荷寫者因音內荷字而誤寫正文作荷後人又見正文與音內字重複遂改音內荷字爲狗耳爾雅釋文引廣雅云蔞芰蔞蔞今據以

訂正

說文解字注蒹芰也周禮加邊之實有蒹注蒹芰也子虛賦應邵注同从艸凌聲力膺切六部楚謂之芰楚語屈到嗜芰韋曰芰蒹也秦謂之蒹蒹釋艸曰蒹蒹英光郭云英明也或曰蒹也關西謂之蒹蒹按景純兩解後解與說文字林合釋艸又曰蒹蒹攪孫炎居郡反郭云今水中芰按蒹攪英光皆雙聲爾雅蒹蒹英光或可以決明子釋之不嫌異物同名也而說文之芰蒹蒹卽今蒹角本無疑義不知徐鍇何以淆惑適司馬相如說蒹从適此當是凡將篇中字藝文志曰史游作急就篇李長作元尙篇皆倉頡中正字也司馬相如凡將篇則頗有出矣據是則倉頡篇正字作蒹凡將別作適管芎同此變聲古音在六部適聲古音在十二部而合之者以雙聲合之也今史漢文選子虛賦祇作蒹華蒹蒹也是謂轉注从艸支聲奇寄切十六部芰杜林說芰从多此蓋倉頡調募倉頡故二篇中語支聲在十六部多聲在十七部二部合音最近古第十七部中字多轉入第十

果類卷之十五 芰實 柿

六部蒹蒹蒹也不云蒹也者已見上矣王注離騷曰芰陸也秦人曰蒹蒹按蒹與芰同在十六部徐言之則云蒹蒹从艸解聲胡買切十六部蒹蒹蒹也从艸后聲蒹以角得名蒹之言稜也蒹之言角也蒹角雙聲同在第一三部唐韻胡口切蒹蒹雙聲

柿

別錄柿味甘寒無毒主通鼻耳氣腸胃不足陶隱居云柿有數種云今烏柿火熏者性熱斷下又療狗齒瘡火燭者亦好曰乾者性冷鹿心柿尤不可多食令人腹痛生柿彌冷又有稗色青惟堪生噉性冷甚於柿散石熱服石家噉之亦無嫌不入藥用唐本草註別錄云火柿主殺毒療金瘡火瘡生肉止痛軟熟柿解酒熱毒止口乾壓胃間熱

本草拾遺柿本功外日乾者溫補多食去面斑除腹中宿血刺縣火乾者名烏柿人服藥口苦及欲吐逆食少許立止帶煮服之止噉氣黃柿和米粉作糗蒸與小兒食之止下痢飲酒食紅柿令人心痛直至死亦令易醉

果類卷之十五 柿

陶云解酒毒失矣

如插梨法 食經藏柿法柿熟時取之以灰汁燻再
三令汁絕者器中可食

圖經柿舊不註所出州土今南北皆有之柿之種亦多
黃柿生近京州郡紅柿南北通有朱柿出華山似紅柿
而皮薄更甘珍柿柿出宜歙荆襄潤廣諸州但可生噉
不堪乾諸柿食之皆美而益人柿柿更壓丹石毒耳其
乾柿火乾者謂之烏柿出宜州越州性甚溫人服藥口
苦欬逆食少許當止兼可斷下日乾者爲白柿入藥微
冷又黃柿可和米粉作糗小兒食之止痢又以酥蜜煎
乾柿食之主脾虛薄食柿蒂煮飲亦止噉木皮主下血
不止暴乾更焙篩末米飲和二錢匕服之不已上衝下
脫兩服可止又有一種小柿謂之軟棗俚俗暴乾貨之
謂之牛奶柿至冷不可多食凡食柿不可與蟹同令人
腹痛大瀉其枯葉至滑澤古人取以臨書俗傳柿有七
絕一壽二多陰三無鳥巢四無蟲蠹五霜葉可翫六嘉
實七落葉肥大

齊民要術柿有小者栽之無者取枝於軟棗根上插之

本草綱目李時珍曰柿高樹大葉圓而光澤四月開小
花黃白色結實青綠色八九月乃熟生柿置器中自紅
者謂之烘柿日乾者謂之白柿火乾者謂之烏柿水浸
藏者謂之醃柿其核形扁狀如木鼈子仁而硬堅其根
甚固謂之柿盤案事類合璧云柿朱果也大者如椽八
椽稍扁其次如拳小或如雛子鴨子牛心鹿心之狀一
種小而如折二錢者謂之猴棗皆以核少者爲佳

又曰白柿卽乾柿生霜者其法用大柿去皮捺扁日晒
夜露至乾內甕中待生白霜乃取出今人謂之柿餅亦
曰柿花其霜謂之柿霜

又曰柿乃脾肺血分之果也其味甘而氣平性澀而能
收故有健脾瀉腸治嗽止血之功蓋大腸者肺之合而
胃之子也真正柿霜乃其精液入肺病上焦藥尤佳按
方勺泊宅編云外兄劉掾云病臟毒下血凡半月自分
必死得一方只以乾柿燒灰飲服二錢遂愈又王璆百

一方云曾通判子病下血十年亦用此方一服而愈爲散爲丸皆可與本草治腸胃消宿血解熱毒之義相合則柿爲太陰血分之藥益可徵矣又經驗方云有人三世死于反胃病至孫得一方用乾柿餅同乾飯日日食之絕不用水飲如法食之其病遂愈此又一徵也

閩小記閩南郊外二十里曰齊坑齊氏聚族其間旁有潭夾種桃花相傳唐陳處士隱地舊名道者巖巖前有柿一株根如斗結實如佛手柑指屈伸層疊有長五六寸者皮穠色味則皆柿也余偶得其一笑謂友人曰大力如佛菩薩到此地亦化爲繞指柔

木瓜

爾雅楸木瓜註實如小瓜酢可食

別錄木瓜實味酸溫無毒主濕痺脚氣霍亂大吐下轉筋不止其枝亦可煮用陶隱居云山陰蘭亭尤多彼人以爲良果最療轉筋如轉筋時卽呼其名及書土作木瓜字皆愈亦不可解俗人挂木瓜杖云利筋脛又有椶櫨大而黃可進酒去痰又櫨子小而溫禮云櫨梨曰鑽

之鄭公不識櫨乃云是梨之不臧者蓋古亦以櫨爲果今則不入例爾

本草拾遺木瓜本功外下冷氣強筋骨消食止水痢後渴不止作飲服之又脚氣衝心取一顆去子煎服之嫩者更佳又止嘔逆心膈痰唾又云按椶櫨一名蠻櫨本功外食之去惡心其氣辛香致衣箱中殺蠹蟲食之止心下酸水水痢櫨子本功外食之去惡心酸咽止酒痰黃水小於椶椴而相似北土無之中都有鄭註禮云櫨梨之不臧者爲無功也

經木瓜舊不著所出州土陶隱居云山陰蘭亭尤多今處處有之而宣城者爲佳其木狀若柰花生於春末而深紅色其實大者如瓜小者如拳爾雅謂之楸郭璞云實如小瓜酢可食不可多亦不益人宜州人種蒔尤謹遍滿山谷始實成則鐵紙花薄其上夜露日暉漸而變紅花文如生本州以充土貢焉又有一種椶櫨木葉花實酷類木瓜陶云大而黃可進酒去痰者是也欲辨

果類卷之十五 木瓜

之看蒂間別有重蒂如乳者爲木瓜無此者爲楨榿也
木瓜大枝可作杖策之云利筋脈根葉煮湯淋足脛可
以已癢又截其木乾之作桶以濯足尤益道家以楨榿
生壓汁合和甘松玄參末作濕香云甚爽神

雷敷炮炙論凡使勿誤用和圓子蔓子土伏子其色樣
水形真似木瓜只氣味效并向裏子各不同若木瓜皮
薄微赤黃香而甘酸不澁調榮衛助殺氣向裏子頭尖
一面方食之益人若和圓子色微黃蒂麗子小圓味澁
微鹹傷人氣蔓子顆小亦似木瓜味絕澁不堪用土伏
子似木瓜味絕澁子如大樣油麻又苦澁不堪用若餌
之令人目澁多赤煎痛凡使木瓜勿令犯鐵器用銅刀
削去硬皮并子薄切於日中晒次用黃牛乳汁拌蒸從
已至末其木瓜如膏煎却於日中薄曬晒乾用也

齊民要術木瓜種子及栽皆得壓枝亦生栽種與李同

食經藏木瓜法

先切去皮煮令熟著水中車輪切百
瓜用二升鹽蜜一斗漬之鹽醱夜內

汁中取令乾以餘汁鹽
藏之亦同遺粒汁也

本草綱目李時珍曰木瓜可種可接可以枝壓其葉光
而厚其實如小瓜而有鼻津潤味不木者爲木瓜圓小
如木瓜味木而酢澁者爲木桃似木瓜而無鼻大於木
桃味澁者爲木李亦曰木梨卽楨榿及和圓子也鼻乃
花脫處非臍蒂也木瓜性脆可蜜漬之爲果去子蒸爛
搗泥入蜜與薑作煎冬月飲尤佳木桃木李性堅可蜜
煎及作糕食之木瓜燒灰散池中可以毒魚說出淮南
萬畢術又廣志云木瓜枝一尺有百二十節可爲數號
又曰木瓜所主霍亂吐利轉筋脚氣皆脾胃肝病非肝病
也肝雖主筋而轉筋則由濕熱寒濕之邪襲傷脾胃所
致故筋轉必起於足腓腓及宗筋皆屬陽明木瓜治轉
筋非益筋也理脾而伐肝也土病則金衰而木盛故用
酸溫以收脾肺之耗散而藉其走筋以平肝邪乃土中
瀉木以助金也木平則土得令而金受蔭矣素問云酸
走筋筋病無多食酸孟詵云多食木瓜損齒及骨皆伐
肝之明驗而木瓜入手足太陰爲脾肺藥非肝藥益可

微矣又鍼經云多食酸令人癯酸入於胃其氣滯以收兩焦之氣不能出入流入胃中下去膀胱胞薄以軟得酸則縮卷約而不通故水道不利而癯滯也羅天益寶鑑云太保劉仲海日食蜜煎木瓜三五枚同伴數人皆病淋疾以問天益天益曰此食酸所致也但奪食則已陰之所生本在五味陰之所營傷在五味五味太過皆能傷人不獨酸也又陸佃埤雅云俗言梨百損一益林百益一損故云投我以木瓜取其益也

齊民要術爾雅曰楸木瓜郭璞注曰實如小瓜酢可食廣志曰木瓜子可藏枝可爲數號一尺百二十節衡詩曰投我以木瓜毛公曰楸也詩義疏曰楸葉似棠葉實如小瓜黃似著粉者欲啖截截著熱灰中令萎焉淨洗以苦酒鼓汁淹之可案酒食蜜封藏百日乃食之甚美木子種子及栽皆得壓枝亦生栽種與李同食經藏木瓜法先切去皮煮令熟著水中車輪切百瓜用三升鹽蜜一斗漬之晝曬夜內汁中取令乾以餘汁蜜藏之亦

同濃杭汁也

羣芳譜種法秋社前後分其條移栽次年便結子勝春栽者製用木瓜性肥可蜜漬爲果去子蒸爛搗泥入蜜與薑作煎冬飲尤佳

木瓜漿木瓜十兩去皮細切以湯淋浸加薑片一兩甘草二兩紫蘇四兩鹽一兩每用些少泡湯沈井中俟極冷飲之

水經注魚復縣地多木瓜樹大者如鯪

三國典略齊孝昭北伐庫莫奚至天池以木瓜灰毒魚魚皆死而浮出庫莫奚竊相謂曰池有靈魚犯之不祥乃出長山北道齊分兵追擊獲牛羊七萬遂振旅而返

枇杷

別錄枇杷葉味苦平無毒主卒嘔不止下氣陶隱居云其葉不煮但嚼食亦差人以作飲則小冷

圖經枇杷葉舊不著所出州郡今襄漢吳蜀閩嶺皆有之木高丈餘葉作鱗耳形背有毛其木陰密婆娑可愛四時不彫盛冬開白花至三四月而成實故謝瞻枇杷

果類卷之十五 枇杷 龍眼

賦云稟金秋之清條抱東陽之和氣肇寒葩於結霜成
炎果乎纖露是也其實作棣如黃梅皮肉甚薄味甘中
核如小栗四月採葉暴乾治肺氣主渴疾用時須火炙
布拭皮上黃毛去之難盡當用粟稗作刷刷之乃盡今
以作飲則小冷其木白皮止吐逆不下食

廣志枇杷易種葉微似栗冬花春實子簇結有毛四月
熟大者如雞子小者如龍眼白者爲上黃者次之無核
者名蕉子出廣州

冷齋夜話東坡詩曰客來茶罷空無有盧橘微黃尙帶
酸張嘉甫曰盧橘何種果類答曰枇杷是矣又問何以
曬之答曰事見相如賦嘉甫曰盧橘夏熟黃甘橙棣枇
杷檳柿柰厚朴盧橘果枇杷則賦不應四句重用應
邵注曰伊尹書曰箕山之東青鳥之所有盧橘常夏熟
不據依之何也東坡笑曰意不欲耳

龍眼 本草經龍眼味甘平主五藏邪氣安志厭食久服
強魂聰明輕身不老通神明一名益智

別錄無毒除蠱去毒其大者似檳榔生南海山谷陶隱
居云廣州別有龍眼似荔枝而小非益智恐彼人別名
今者爲益智爾食之並利人

唐本草注益智似連翹子頭未開者味甘辛殊不似檳
榔其苗葉花根與豆無別惟子小爾龍眼一名益智而
益智非龍眼樹似荔枝葉若林檎花白色子如檳榔有
鱗甲大如雀卵味甘酸也

圖經龍眼生南海山谷今閩廣蜀道出荔枝處皆有之
木高二丈許似荔枝而葉微小凌冬不凋春末夏初生
細白花七月而實成殼青黃色文作鱗甲形圓如彈丸
核若無患而不堅肉白有漿甚甘美其實極繁每枝常
三二十枚荔枝纔過龍眼卽熟故南人目爲荔枝奴一
名益智以其味甘歸脾而能益智耳下品自有益智子
非此物也東觀漢記云南海舊獻龍眼荔枝十里一置
五里一候奔馳險阻道路爲患孝和時汝南唐羌爲臨
武長縣接南海上書言狀帝下詔太官勿復受獻由是

而止其爲世所貴重久矣今人亦甚珍之暴乾寄遠北中以爲佳果亞於荔枝

本草衍義龍眼經曰一名益智今專爲果未見入藥補注不言神農本草編入木部中品果部中復未曾收入今除爲果之外別無龍眼若謂爲益智子則專調諸氣今爲果者復不能也矧自有益智條遠不相當故知木部龍眼卽便是今爲果者按今注云甘味歸脾而能益智此說甚當

南方草木狀龍眼樹如荔枝但枝葉稍小殼青黃色形圓如彈丸核如大椀子而不堅肉白而帶漿其甘如蜜一朵五六十顆作穗如葡萄然荔枝過卽龍眼熟故謂之荔枝奴言常隨其後也東觀漢記曰單于來朝賜橙橘龍眼荔枝魏文帝詔羣臣曰南方果之珍異者有龍眼荔枝令歲貢焉出九真交趾

桂海虞衡志龍眼南州悉有之極大者出邕州圍如當二錢但肉薄不能遠過常品爲可恨

後漢書和帝記舊南海獻龍眼荔枝十里一置五里一候奔騰險阻死者繼路時臨武長汝南唐光縣接南海

乃上書陳狀帝下詔曰遠國珍羞本以薦奉宗廟苟有傷害豈愛民之本其勅太官勿復受獻由是遠省焉註謝承書曰唐光字伯游辟公府補臨武長縣接交州舊獻龍眼荔枝及生鱗獻之驛馬晝夜傳送之至有遺虎狼毒害頓仆死亡不絕道經臨武光乃上書諫曰臣聞上不以滋味爲德下不以供膳爲功故天子食太牢爲尊不以果實爲尊伏見交趾七郡獻生龍眼等鳥驚風發南州土地惡蟲猛獸不絕於路至於觸犯死亡之害死者不可復生來者猶可救也此二物升殿未必延年益壽帝從之章報羌卽棄官還家不應徵召著唐子三十餘篇

涪翁雜說左太冲蜀都賦云旁挺龍目側生荔枝龍眼惟閩中及南粵有之太冲自言十年作賦三都所有皆賁土物之貢至於言龍目亦不自知其失也

梧萍雜佩龍眼自尉陀獻漢高帝始有名見西京雜記左太沖賦旁挺龍目卽此梧萍暑中皆有之結實甚繁剖之色瑩白致如水晶丸核映於外味亦甘美但微覺草氣風韻遠遜荔枝故謂之荔枝奴蘇長公曰閩粵人高荔枝而下龍眼吾爲平之荔枝如食蟾蜍大蟹斫雪流膏一噉可飽龍眼如食彭越石蟹嚼嚙久之了無所得然酒闌口爽饜飽之餘則啞啞之味石蟹有時勝蟾蚌也長公此語足爲荔枝解嘲

閩小記去閩會二十里東南隅多龍眼樹樹三接者爲頂圓核之初種經十五年始實實甚小俗呼爲胡椒眼覓善接者鋸木之半取大實之幼枝接之至四五年又鋸其半接如前者此者三數次其實滿溢倍于常種若一二接卽止者形小味薄不足尙也三探者曰針樹未接曰野筍

檳榔 別錄檳榔味辛溫無毒主消穀逐水除痰癩殺三蟲伏尸瘴寸白生南海陶隱居云此有三四種出交州

形小而味甘廣州以南者形大而味澁核亦有大者名豬檳榔作藥皆用之又小者南人名蒟子俗人呼爲檳榔孫亦可食

圖經檳榔生南海今嶺外州郡皆有之大如桄榔而高五七丈正直無枝皮似青桐節如桂竹葉生木嶺大如楸頭又似芭蕉葉其實作房從葉中出傍有刺若棘針重疊其下一房數百實如雞子狀皆有皮殼肉滿殼中正白味苦澁得扶留藤與瓦屋子灰同咀嚼之則柔滑而甘美嶺南人噉之以當果實其俗云南方地溫不食此無以祛瘴癘其實春生至夏乃熟然其肉極易爛欲收之皆先以灰汁煮熟仍火焙熏乾始堪停久此有三四種有小而味甘者名山檳榔有大而味澁核亦大者名豬檳榔最小者名蒟子其功用不說其別又云尖長而有紫文者名檳圓而矮者名榔檳力小榔力大今醫家不復細分但取作雞心狀存坐正穩心不虛破之作錦文者爲佳其大腹所出與檳榔相似但莖葉根幹小

異并皮收之謂之大腹檳榔或云檳榔難得真者今賈人貨者多大腹也

海藥謹按廣志云生東海諸國樹莖葉根幹與大腹小異耳又云如櫻欄也葉齒似芭蕉狀陶宏景云向陽曰檳榔向陰曰大腹味澁溫無毒主賁狹諸氣五膈氣風冷氣宿食不消脚氣論云以沙牛屎一盞磨一枚空心煖服治脚氣壅毒水腫浮氣秦醫云檳榔二枚一生一熟燻末酒煎服之善治膀胱諸氣也

開寶本草大腹微溫無毒主冷熱氣攻心腹大腸壅毒痰膈醋心並以薑鹽同煎入疏氣藥良所出與檳榔相似莖葉根幹小異生南海諸國

南方草木狀檳榔樹高十餘丈皮似青桐節如桂竹下本不大上枝不小條直亭亭千萬若一森秀無柯端頂有葉葉似甘蔗條派開破仰望眇眇如插蓋蕉於竹杪風至搖動似舉羽扇之掃天葉下繫數房房綴數十實實大如桃李天生棘重累其下所以禦衛其實也味苦

澀割其皮鬻其腐熟而貫之堅如乾棗以扶留藤古貴灰并食則滑美下氣消穀出林邑彼人以爲貴婚族客必先進若遲遲不設用相嫌恨一名寶門藥錢

齊民要術南方草物狀曰檳榔三月華色仍連著實實大如卵十二月熟其色黃剝其子肥強不可食唯重作子去其皮并殼取實曝乾之以扶留藤古貴灰合食之味甚滑美亦可生食最快好交趾武平與古九真有之也 異物志曰檳榔若筍竹生竿種之精硬引莖直上不生枝葉其狀若桂其顛近上末五六尺間洪洪腫起若瘦木焉因拆裂出若黍穗無花而爲實大如桃李又棘針重累其下所以衛其實也剖其上皮煮其腐熟而貫之硬如乾棗以扶留古貴灰并食下氣及宿食白蟲消穀飲啖設爲口實 林邑圖記曰檳榔樹高丈餘皮似青桐節如桂竹下森秀無柯頂端有葉葉下繫數房房綴數十子家有數百掛 南州八郡志曰檳榔大如棗色青似蓮子彼人以爲貴異婚族好客輒先進此物

果類卷之十五 檳榔 馬檳榔

若邂逅不設用相嫌恨 廣州記曰嶺外檳榔小于交趾者而大于蒟子土人亦呼爲檳榔

晉俞益期與韓康伯牋惟檳榔樹最南遊之可觀子既非常木亦特異余在交州時度之大者三圍高者九丈餘葉聚樹端房棲葉下花秀房中子結房外其擢穗似黍其綴實似穀其皮似桐而厚其節似竹而概其中空其外勁其屈如覆虹其伸如繩繩本不大末不小上不傾下不斜稠直亭亭千百若一步其林則寥朗庇其蔭則蕭條信可以長吟可以遠想矣但性不耐霜不得北植必當遐樹海南遼然萬里弗遇長者之目自令人深恨

吳錄地理志交趾朱賈縣有檳榔樹直無枝條高六七丈葉大如蓮實房得古貢灰扶留藤食之則柔而美郡內及九真日南並有之

嶺表錄異安南自幼及老採檳榔實啖之自云交州地濕不食此無以祛其瘴癘廣州亦噉檳榔然不甚於安

南也

海槎餘錄檳榔產於海南惟萬崖瓊山會同樂會諸州縣爲多他處則少每親朋會合互相擊送以爲禮至於議烟不用年帖只送檳榔而已久之多以家事消長之故改易告爭官司難於斷理以無憑執耳愚民不足論士人家亦多有溺是俗者

西溪叢語上林賦云仁頻仙藥錄云檳榔一名仁頻林邑記云葉如甘蔗頻音賓吳普本草云一名賓門閩廣人食檳榔每切作片煎蠟灰以老葉裏嚼之老音老又音蒲口切初食微覺似醉而赤故東坡詩云紅潮登頰醉檳榔

說文解字注檳榔木也未詳疑卽仁頻也上林賦有仁頻孟康曰仁頻棧也李善曰仙藥錄云檳榔一名棧然則仁頻卽檳榔也從木頻聲符真切十二部

馬檳榔

本草綱目李時珍曰馬檳榔生滇南金齒沅江諸夷地蔓生結實大如葡萄紫色味甘內有核頗似

大楓子而殼稍薄圓長斜扁不等核內有仁亦甜

羣芳譜馬檳榔俗爲馬金蠶一名馬金南一名紫檳榔結實紫色內有核而殼薄去殼其仁色白盤轉與北方文官果無異第文官果乾久食之刺喉馬檳榔雖乾嚼之較美嚼完以新汲水送下其清甜香美凡果無與爲比

按馬檳榔殼似雲南檳榔殼扁圓如小柿老則開裂粘殼有核十餘枚似松子而扁皮亦薄核中仁扁如瓜子仁而厚有彎尖蓋其芽也嚼之味初如核桃松子仁漸甜美而雋永凡果無與爲比其言誠然滇中多有知之者希明吳寬詩有樹吾不識人云馬檳榔檳榔產南海結實因瘴鄉平生冒其名豈亦如丁香白花細而密實甘翻可嘗其葉與麻同沃若澤且光麻馬音或譌欲問郭駝亡是爲此果寫照且足訂俗又本草會編馬檳榔產難臨時細嚼數枚并華水送下須臾立產再以四枚去殼兩手各握二枚惡水自

下也欲斷產者常嚼二枚水下久則子宮冷自不孕矣本草綱目傷寒熱病食數枚冷水下又治惡瘡腫毒內食一枚冷水下外嚼塗之卽無所傷滇南本草俱未載

甘蔗 別錄甘蔗味甘平無毒主下氣和中助脾氣利大

腸陶隱居云今出江東爲勝廬陵亦有好事者廣州一種數年生皆如大竹長丈餘取汁以爲沙糖甚益人又有荻蔗節疎而細亦可噉也

圖經甘蔗舊不著所出州土今江浙閩廣蜀川所生大者亦高丈許葉有二種一種似荻節疎而細短謂之荻蔗一種似竹籠長筴其汁以爲沙糖名竹蔗泉福吉廣州多筴之鍊沙糖和牛乳爲石蜜卽乳糖也惟蜀川作之荻但堪噉或云亦可煎稀糖商人販貨至都下者荻蔗多而竹蔗少也

食療本草沙糖多食令人心痛不與鱈魚同食成疔蟲又不與葵同食生流游又不與笋同食使笋不消成癥

身重不能行履耳

本草衍義沙糖又次石蜜蔗汁清故費煎鍊致紫黑色
治心脾大腸熱兼噉駝馬今醫家治暴熱多以此物爲
先導小兒多食則損齒土制水也及生螻蟲保蟲屬土
故因甘蔗生

唐本草沙糖味甘寒無毒功體與石蜜同而冷利過之
笨甘蔗汁煎作蜀地西戎江東並有之

神異經南方有甘蔗之林其高百丈圍三尺八寸促節
多汁甜如蜜昨嚼其汁令人潤澤可以節蠶蟲人腹中
蠶蟲其狀如蚓此消穀蟲也多則傷人少則穀不消是
甘蔗能減多益少凡蔗亦然

南方草木狀諸蔗一曰甘蔗交趾所生者圍數寸長丈
餘頗似竹斷而食之甚甘笨取其汁曬數日成飴入口
消釋彼人謂之石蜜南人云甘蔗可消酒又名干蔗漢
書郊祀樂歌曰太尊蔗漿析朝醒是其義也秦康六年
扶南國貢諸蔗一丈三節

齊民要術說文曰諸蔗也按書傳曰或爲芋蔗或干蔗
或部踏或甘蔗或都蔗所在不同

洪邁糖霜譜論糖霜之名唐以前無所見自古食蔗者
始爲蔗漿宋玉招魂所謂飴鼈炮羔有柘漿些是也其
後爲蔗餠孫亮使黃門就中藏吏取交州獻甘蔗餠是
也後又爲石蜜南中八郡志云笨甘蔗汁曬成飴謂之
石蜜本草亦云煉糖如乳爲石蜜是也後又爲蔗酒唐
赤土國用甘蔗作酒雜以紫瓜根是也唐太宗遣使至
摩揭陀國取熬糖法卽詔揚州上諸蔗裨藩如其劑色
味愈於西域遠甚然只是今之沙糖蔗之枝盡於此不
言作霜非古也歷世詩人模奇寫異亦無一章一句言
之唯東坡公過金山寺作詩送遼寧僧圓寶云涪江與
中冷共此一味水冰盤薦琥珀何似糖霜美黃魯直在
戎州作頌答梓州雍熙長老寄糖霜云遠寄蔗霜知有
味勝於崔子水晶鹽正宗掃地從誰說我舌猶能及鼻
尖則遼寧糖霜見於文字者實始於二公甘蔗所在皆

植獨福唐四明番禺廣漢遂寧有糖冰而遂寧爲冠四郡所產甚微而顆碎色淺味薄纔比遂之最下者亦皆起於近世唐大歷中有鄒和尚者始來小溪之嶺山教民黃氏以造霜之法嶺山在縣北二十里山前後爲蔗田者十之四糖霜戶十之三蔗有四色曰杜蔗曰西蔗曰芳蔗本草所謂荻蔗也曰紅蔗本草崑崙蔗也紅蔗止堪生噉芳蔗可作沙糖西蔗可作霜色淺土人不甚貴杜蔗紫嫩味極厚專用作霜凡蔗最困地力今年爲蔗田者明年改種五穀以息之霜戶器用曰蔗削曰蔗鑿曰蔗凳曰蔗碾曰榨斗曰榨牀曰漆甕各有制度凡霜一甕中品色亦自不同堪疊如假山者爲上圍枝次之甕鑑次之小顆塊次之沙脚爲下紫爲上深琥珀次之淺黃又次之淺白爲下宜和初王輔創應奉司遂寧常貢外歲別進數千斤是時所產益奇牆壁或方寸應奉司罷乃不再見當時因之大擾敗本業者居半久而未復遂寧王灼作糖霜譜七篇具載其說予采取之以

廣聞見

番禺縣志物產甘蔗邑人種時取蔗尾斷截二三寸許二月於吉貝中種之拔吉貝時蔗已長數尺又至十月取以榨汁煮爲糖此種名竹蔗一種名白蔗宜食不能爲糖一種紅者傷跌折骨搗用醋敷患處仍斷蔗破作片夾之折骨復續人家種以備用

山家清供雪夜張一齋飲客酒酣簿書何君時奉出沈澹漿一瓢與客分飲不覺酒容爲之灑然問其法謂得之禁苑止用甘蔗蘆蘆各切作方塊以水爛煮卽已蓋蔗能化酒蘆蘆能化食也酒後得其益可知矣楚詞有蔗漿恐卽此也

鎮江府志南唐盧絳微時往還潤壁病店且死夜夢白衣婦人頗有姿色歌菩薩蠻勸絳樽酒其辭云玉京人去秋蕭索畫鴛鴦起梧桐落歌枕悄無言月和殘夢圓背燈惟暗泣其處砧聲急眉黛小山攢芭蕉生暮寒歌已謂絳曰子病食蔗卽愈絳朝求蔗食之果瘳

果類卷之十五 甘蔗

南越筆記蔗之珍者曰雪蔗大徑二寸長丈質甚脆必扶以木否則摧折世說云扶南蔗一丈三節見日即消風吹即折是也其節疎而多汁味特醇好食之潤澤人不可多得今常用者曰白蔗食至十槌膈熱盡除其紫者曰崑崙蔗以夾折肢骨可復接一名藥蔗其小而燥者曰竹蔗曰荻蔗連岡接阜一望叢若蘆葦然皮堅節促不可食惟以榨糖糖之利甚溥粵人開糖房者多以致富蓋番禺東莞增城糖居十之四陽春糖居十之六而蔗田幾與禾田等矣凡蔗歲二月必斜其根種之根斜而後蔗多蔗出根舊者以土培壅新者以水久浸之俟出萌芽乃種種至一月糞以麻油之麩已成千則日夕措拭其嫩約其莖莢而蔗乃暢茂蔗之名不一一作肝曠蔗之甘在干在蔗也其首甜而堅實難食尾淡不可食故貴在干也蔗正本少蔗本多故蔗又曰諸蔗諸衆也蔗出之謂也蔗出者尤甘故貴其蔗也曰都蔗者正出者也曹子建有都蔗詩張協有都蔗賦知其都之

美而不知其諸之美也增城白蔗尤美冬至而榨榨至清明而畢其蔗無宿根悉是當年故美榨時上農一人一寮中農五之下農八之十之以荔支木爲兩轆轤轆相比若磨然長大各三四尺轆中餘一空隙投蔗其中駕以三牛之牯轆旋轉則蔗汁洋溢轆在盤上汁流槽中然後煮煉成飴其濁而黑者曰黑片糖清而黃者曰黃片糖一清者曰赤沙糖雙清者曰白沙糖次清而近黑者曰蒼尾最白者以日曬之細若粉雪售於東西二洋曰洋糖次白者售於天下其凝結成大塊者堅而瑩黃白相間曰冰糖亦曰糖霜余嘗舟至羅定州之界牌塘見岸上竈煙沖突停舟上岸訪之始見作糖之法一不爽如此

說文解字注蔀蔀蔗也三字句或作諸蔗或都蔗蔀蔗二字疊韻也或作竿蔗或干蔗象其形也或作甘蔗謂其味也或作郎諸服虔通俗文曰荊州竿蔗从艸諸聲章魚切五部蔀蔀蔗也从艸庶聲之夜切古音在三部

石蜜

唐本草石蜜味甘寒無毒主心腹熱服口乾渴性冷利出益州及西戎煎煉沙糖爲之可作餅塊黃白色注用水牛乳米粉和煎乃得成塊西戎來者佳江左亦有殆勝於蜀云用牛乳汁和沙糖煎之並作餅堅重食療本草石蜜治目中熱膜明目蜀中波斯者良東吳亦有並不如兩處者此皆煎甘蔗汁及牛乳汁則易細白耳和棗肉及巨勝末丸每食後合一兩丸潤肺氣助五臟生津

本草衍義石蜜川浙最佳其味厚其他次之煎鍊成以銅象物達京都至夏及久陰雨多自消化土人先以竹葉及紙裹外用石灰埋之仍不得見風遂免今人謂乳糖其作餅黃白色者今人又謂之捻糖易消化入藥至少

烏芋

別錄烏芋味苦甘微寒無毒主消渴癉熱溫中益氣一名藉姑一名水萍二月生葉如芋三月三日採根暴乾陶隱居云今藉姑生水田中葉有梗狀如澤瀉不

正似芋其根黃似芋子而小煮之亦可噉疑其有烏者根極相似細而美葉異狀如莧草呼爲蕞茨恐此也唐本草注此草一名撻牙一名茨菰主百毒產後血悶攻心欲死產難衣不出搗汁服一升生水中葉似鋸箭鐵澤瀉之類也千金方云下石淋

食療本草茨菰不可多食誤人常食之令人患脚又發脚氣癱緩風損齒令人失顏色皮如乾燥卒食之令人嘔水蕞茨冷下丹石消風毒除胃中實熱氣可作粉食明耳目止渴消黃疸若先有冷氣不可食令人腹脹氣滿小兒秋食臍下當痛

救荒本草水慈菰俗名爲剪刀草又名箭搭草生水中其莖面臨背方背有線楞其葉三角似剪刀形葉中撞生莖又梢間開三瓣白花結青蓇葖如青栳桃狀頗小根類葱根而羸大其味甜

游宦紀聞三山方言茨菰曰蘇傍水多植之雖常在水中遇晚稻損蘇亦損

果類卷之十五 烏芋 梨

廣雅疏證蒞菇水芋烏芋也蒞菇亦作蒞姑名醫別錄云烏芋一名蒞姑一名水萍二月生葉如芋陶注云今蒞姑生水田中葉有極狀如澤瀉不正似芋其根黃似芋子而小煮之亦可噉疑其有烏者根極相似細而美葉華異狀如寬草呼爲烏茨恐此也唐本注云此草一名槎牙一名茨菰生水中似罈箭鐵澤瀉之類也蘇頌爾雅謂之芍寇宗奭衍義云今人謂之蒞餅案烏茨俗所謂蒲蕒也或謂之必齊生下田中無葉以莖爲葉全不似芋別錄云烏芋二月生葉如芋則非烏茨也茨菰生水中葉本有極根黃如芋子而小與陶注前說同狀蓋烏芋卽此也蒞菇茨菰正一聲之轉矣且草類名烏者多非黑色若垣衣色青而名烏韭射于色黃而名烏蒲是也又不得以烏茨根黑而輒當烏芋爾御覽及齊民要術引廣雅並作蒞姑水芋也亦曰烏芋案廣雅之文無言亦曰者蓋誤引

梨

別錄梨味甘微酸寒多食令人寒中萎困金瘡乳婦血虛者尤不可食陶隱居云梨種殊多並皆冷利俗人以爲快果不入藥用食之多損人也

圖經梨舊不著所出州土今處處有之而種類殊別醫家相承用乳梨鵝梨乳梨出宣城皮厚而肉實其味極長鵝梨出近京州郡及北都皮薄而漿多味差短於乳梨其香則過之欸嗽熱風痰實藥多用之其餘水梨消梨紫煤梨赤梨甘棠櫻兒梨之類甚多俱不聞入藥也梨葉亦主霍亂吐下煮汁服亦可作煎治風徐玉經驗方主小兒腹痛大汗出名曰寒疝濃煮梨葉七合以意消息可作三四服飲之大良崔元亮海上方療嗽單驗方取好梨去核搗汁一茶碗著椒四十粒煎一沸去滓卽內黑錫一大兩消訖細細含嚼立定又治卒患赤目瘳肉坐臥痛者取好梨一顆搗絞取汁黃連三枚碎之以綿裹漬令色變仰臥注目中又有紫花梨療心熱唐武宗有此疾百醫不效青城山邢道人以此梨絞汁而

進帝病遂愈後復求之苦無此梨常山忽有一株因絨實以進帝多食之解煩燥殊效歲久木枯不復有種者今人不得而用之又江寧府信州出一種小梨名鹿梨葉如茶根如小拇指彼處人取其皮治瘡煎洗疥癬云甚效八月採近處亦有但採其實作乾不聞入藥

北夢鎮言有一朝士見梁奉御診之曰風疾已深請速歸去朝士復見鄭州馬醫趙鄂者復診之言疾危與梁所說同矣曰只有一法請官人試喫消梨不限多少咀訖不及絞汁而飲到家旬日惟喫消梨頓爽矣

齊民要術種者梨熟時全埋之經年至春地釋分栽之多著熟糞及水至冬葉落附地刈殺之以炭火燒頭二年即結子若穉生及種而不栽者著子遇每梨有十許唯二子生梨餘皆生杜插者彌疾梨大者細理杜次之梨大者細理杜次之插法用棠杜棠梨大者細理杜次之梨大者細理杜次之杜如臂已上皆任插當先種杜經年後插之至冬俱下亦得然俱下者杜死則不生也杜樹大者插五枝小者或三或二梨葉微動為上時將欲開葶為下時先作麻紐汝參纏十許匝以鋸截杜令

去地五六寸不縛恐插時皮被留杜高者梨枝繁茂遇大風則披其高留杜者梨樹早成然宜作蒸梨或杜以土築之令沒斜攢竹為籤刺皮木之際令風時以籠籃梨免披耳

深一寸許折取其美梨枝陽中者陰中枝則實少長五六寸亦斜攢之令過心大小長短與籤等以刀微割梨枝斜攢之際割去黑皮勿令傷青皮青皮傷即死拔去竹籤即插梨令至翻

處木邊向木皮還近皮插訖以綿幕杜頭封熟泥於上以土培覆令梨枝僅得出頭以土壅四畔當梨上沃水水盡以土覆之勿令堅固百不失一梨枝甚脆培土時宜慎之勿使掌攪

掌攪其十字破杜者十不收一所以然者梨皮梨既生則折其十字破杜者十不收一

杜旁有葉出輒去之不去勢分梨長必遲凡插梨園中者用旁枝

庭前者中心旁枝樹下易收中心上雙不妨用根帶小枝樹形可喜五

年方結子鳩脚老枝三年即結子而樹醜吳氏本草曰金創乳婦不可食梨多食則損人非補益之物產婦孕中及疾病未愈食梨多者無不致病逆氣上者尤宜慎之凡

遠道取梨枝者下根即燒三四寸亦可行數百里猶生

藏梨法初霜後即收霜多即不於屋下掘作深窖坑底得經夏也

無令潤濕收梨置中不須覆蓋便得經夏納時必令好接勿令損傷

無令潤濕收梨置中不須覆蓋便得經夏納時必令好接勿令損傷

果類卷之十五 梨

凡醋梨易水熟煮則甘美而不損人也

本草綱目李時珍曰梨樹高二三丈尖葉光膩有細齒
二月開白花如雪六月上已無風則結實必佳故古語
云上已有風梨有蠹中秋無月蚌無胎賈思勰言梨核
每顆有十餘子種之惟一子生子梨餘皆生杜此亦一
異也杜卽棠梨也梨品甚多必須棠梨桑樹接過者則
結子早而佳梨有青黃紅紫四色乳梨卽雪梨鵝梨卽
綿梨消梨卽香水梨也俱爲上品可以治病饑兒梨卽
玉乳梨之說或云饑兒一作語兒地名也在蘇州嘉興
縣見漢書註其他青皮早穀半斤沙糜諸梨皆粗澆不
堪止可蒸煮及切烘爲脯爾一種醋梨易水煮熟則甜
美不損人也昔人言梨皆以常山眞定山陽鉅野梁國
睢陽齊國臨淄鉅鹿宏農京兆鄴郡洛陽爲稱蓋好梨
多產於北土南方惟宣城者爲勝故司馬遷史記云淮
北榮南河濟之間千株梨其人與千戶侯等也又魏文
帝詔云眞定御梨大如拳甘如蜜脆如菱可以解渴釋

悃辛氏三秦記云含消梨大如五升器墜地則破須以
囊承取之漢武帝嘗種於上苑此又梨之奇品也物類
相成志言梨與蘿蔔相間收藏或削梨蒂種於蘿蔔上
藏之皆可經年不爛今北人每於樹上包裹過冬乃摘
亦妙

又曰別錄著梨止言其害不著其功陶隱居言梨不入
藥蓋古人論病多主風寒用藥皆是附桂故不知梨有
治風熱潤肺涼心消痰降火解毒之功也今人痰病火
病居六七梨之有益蓋不爲少但不宜過食爾按類編
云一士人狀若有疾厭厭無聊往謁楊吉老診之楊曰
君熱證已極氣血消鑠此去三年當以疽死士人不藥
而去聞茅山有道士醫術通神而不欲自鳴乃衣僕衣
詣山拜之願執薪水之役道士留置弟子中久之以實
白道士道士診之笑曰汝便下山但日日喫好梨一顆
如生梨已盡則取乾者泡湯食滓飲汁疾自當平士人
如其戒經一歲復見吉老見其顏貌腴澤脈息和平驚

曰君必遇異人不然豈有痊理士人備告吉老吉老具衣冠望茅山設拜自咎其學之未至此與瑣言之說彷彿觀夫二條則梨之功豈小補哉然惟乳梨鵝梨消梨可食餘梨則亦不能去病也

廣雅疏證檀棗梨也檀之言醉也說文云檀果似梨而醉亦作棗內則檀梨薑桂鄭注云檀梨之不臧者正義云檀梨屬其味不善故云不臧也亦作祖莊子天運篇云祖梨橘柚其味相反而皆可於口齊民要術引風土記云祖梨屬肉堅而香陳藏器本草拾遺云檀子小於檀棗而相似王氏農書云檀似小梨西山唐鄂間多種之味劣於梨與木瓜而入蜜煮湯則香美過之

漢書司馬相如傳云亭柰厚朴張氏注云亭山梨也史記亭作棗索隱引司馬彪注云上黨謂之棗初學記引序志云上黨棗梨小而甘是也左思蜀都賦云橙柿棗棗則亦生蜀中棗一名棗棗風晨篇隔有樹棗傳釋以爾雅云棗赤羅也陸璣疏云一名山梨實如梨但小

耳一名鹿梨一名鼠梨極有脆美者亦如梨之美者說文解字注檀檀果似梨而醉內則祖梨注曰祖梨之不臧者爾雅郭注山海經郭傳皆云檀似梨而醉按即今梨之肉粗味酸者也張揖注子虛賦云檀似梨而甘乃以同類而互異其名耳陶隱居譏鄭公不識檀恐誤从木虛聲側加切古音在五部梨梨果也各本作果名二字淺人改也釋木梨山檀謂梨之山生者曰檀也檀本亦作離子虛賦離離朱楊裴關引漢書音義云離山梨也師古注急就篇云梨一名山檀非是从木枋聲力脂切十五部

鹿梨

即酸

陸璣詩疏隔有樹棗棗一名赤羅一作羅一

名山梨今人謂之楊棗其實如梨但實甘小異耳一名鹿梨一名鼠梨齊郡廣饒縣堯山魯國河內其北山中

有今人亦種之極有脆美者亦如梨之美者爾雅棗羅郭註云今楊棗也實似梨而小醉可食鄭註云山梨也

說文解字注椹椹也釋木椹蘿秦風毛傳曰椹赤蘿也陸璣郭璞皆云今之楊椹也實似梨而小酢可食按蘿者蘿之誤從木篆聲徐醉切十五部詩曰隰有樹椹今詩爾雅作椹

淡水梨

淡水梨產廣東淡水鄉色青黑與奉天所產香水梨相類南方梨絕少佳品土人云此梨可匹北產姑繪以備考

李

爾雅休無實李註一名趙李座接盧李註今之麥李駁亦李註子赤

別錄李核仁味苦平無毒主僂仆踠折瘕血骨痛根皮大寒主消渴止心煩逆奔豚氣實味苦除痼熱調中陶隱居云李類又多京口有麥李麥秀時熟小而甜脆核不入藥今此用姑孰所出南居李解核如杏子者爲佳凡實熟食之皆好不可合葷肉食又不可臨水上噉之李皮水煎含之療齒痛佳

圖經李核仁舊不著所出州土今處處有之李之類甚

多見爾雅者有休無實李李之無實者一名趙李座接盧李卽今之麥李細實有溝道與麥同熟故名之取赤李其子赤者是也又有青李綠李赤李房陵李朱仲李馬肝李黃李散見書傳美其味之可食陶隱居云皆不入藥用用姑熟所出南居李解核如杏子者爲佳今不復識此醫家但用核若杏子形者根皮亦入藥用崔元亮海上方治面野黑子取李核中仁去皮細研以鷄子白和如稀餈塗至晚每以淡漿洗之後塗胡粉不過五六日有效避風

本草衍義李核仁其窠大者高及丈今醫家少用實合漿水食令人霍亂溢氣而然今畿內小窠鎮一種最佳堪入貢又有御李子如櫻桃許大紅黃色先諸李熟此李品甚多然天下皆有之所以比賢士大夫盛德及天下者如桃李無處不芬芳也別本注云有野李味苦名郁李子核仁入藥此自是郁李仁別是一種在木部中第十四卷非野李

齊民要術李性耐久樹得三十年老雖枝枯子亦不細

嫁李法正月一日或十五日以礫石著李樹枝中令實

繁 又法臘月中以杖微打枝間正 又法以煮醋醋

枝間亦其樹寒實多者 李樹桃樹下並欲鋤去草穢而

不用耕壟樹下犁復即死 桃李大率方兩步一根大藥

則子細而味亦不佳管子曰五沃之土其木宜梅李實

詩外傳云簡王曰春樹桃李夏得陰其下秋得食其實

春種桃樹夏不得採其實秋得作白李法用夏李色黃

劉焉家政法曰二月種梅李也慎摘取於園

中授之鹽入汁出然後合鹽令手捻之令復晒

更捻極爛乃止曬乾飲酒時以湯洗之澆著蜜中可酒

本草綱目李時珍曰李綠葉白花樹能耐久其種近百

其子大者如杯如卵小者如彈如櫻其味有甘酸苦澆

數種其色有青綠紫朱黃赤縹綺胭脂青皮紫灰之殊

其形有牛心馬肝柰李杏李水李離核合核無核匾縫

之異其產有武陵房陵諸李早則麥李御李四月熟遲

則晚李冬李十月十一月熟又有季春李冬花春實也

果類卷之十五 李

香而美江南建寧一種均亭李紫而肥大味甘如蜜有

孽李熟則自裂有髓李肥粘如餅皆李之嘉美者也今

人用鹽曬糖藏蜜煎爲果惟曬乾白李有益其法夏李

色黃時摘之以鹽按去汁合鹽曬萎去核復晒乾露酒

作釘皆佳

說林立夏日俗尚噉李時人語曰立夏得含李能令顏

色美故是日婦人作李會取李汁和酒飲之謂之駐色

酒一曰是日噉李令不疰夏

西溪叢語潘岳閒居賦房陵朱仲之李李善云朱仲李

未詳按述異記云房陵定山有朱仲李三十六所許昌

節度使小廳是故魏景福殿董卓亂魏太祖挾令遷帝

自洛都許許州有小李子色黃大如櫻桃謂之御李子

卽獻帝所植至今有馮王逸荔枝賦云房陵標李

說文解字注李李果也从木子聲良止切一部古李理

同音通用故行李與行理並見大李與大理不分籽古

文尙書香義曰籽材音子本亦作梓馬云古作梓字治

木器曰梓正義曰此古籽字今文作梓按正義本經作籽音義本經作梓據二家說蓋壁中古文作籽而馬季長易爲梓匠之梓也如馬說是壁中文假借籽爲梓匠字也

南華李 南華李產廣東南華寺古有綠李今北地所

產多紫黃色此李色青綠繪以備一種

柰 別錄柰味苦寒多食令人臃服病人尤甚陶隱居云

江南乃有而北國最豐皆作脯不宜人有林檎相似而

小亦忌非益人也今注有小毒主耐饑益心氣

齊民要術廣志曰檣掩藍柰也又曰柰有白青赤三種

張掖有白柰酒泉有赤柰西方例多柰家以爲脯數十

百斛蓄積如收藏棗栗魏明帝時諸王朝夜賜東城柰

一區陳思王謝曰柰以夏熟今則冬生物非時爲珍思

絕口爲厚詔曰此柰從涼州來晉宮閣簿曰秋有白柰

西京雜記曰紫柰別有素柰朱柰廣志曰理琴以赤柰

柰林檎不種但栽之種之雖生而味不佳取栽如壓桑

法又法栽如桃李法作柰釐法拾爛柰內瓮盆合勿令風入六七日許當大爛以酒醃痛拌之令如粥狀下水更拌以羅漉去皮子良久澄清瀉去汁更下水復拌如初看無臭氣乃止瀉去汁置布於上以灰飲汁如作米粉法汁盡刀割大如梳掌於日中曬乾研作末便甜酸芬香作柰脯柰熟時中破曬乾卽成矣

本草綱目李時珍曰柰與林檎一類二種也樹實皆似林檎而大西土最多可栽可壓有白赤青三色白者爲素柰赤者爲丹柰亦曰朱柰青者爲綠柰皆夏熟涼州有冬柰冬熟子帶碧色孔氏六帖言涼州白柰大如兔頭西京雜記言上林苑紫柰大如升核紫花青其汁如漆著衣不可洗名脂衣 柰此皆異種也郭義恭廣志云西方例多柰家家收切曬乾爲脯數十百斛以爲蓄積謂之頻婆糲亦取柰汁爲鼓用其法取熟柰納瓮中勿令蠅入六七日待爛以酒醃痛拌令如粥狀下水更拌漉去皮子良久去清汁傾布上以灰在下引汁盡割

開日乾爲末調物甘酸得所也劉熙釋名載柰油以柰搗汁塗繪上曬燥取下色如油也今閩西人以赤柰樹子取汁塗器中暴乾名果單是矣味甘酸可以饋遠杜恕篤論云日給之花似柰柰實而日給零落虛僞與其實相似也則日給乃柰之不實者而王羲之帖云來禽日給皆囊盛爲佳果則又似指柰爲日給矣木槿花亦名日及或同名耳

劉熙釋名柰油搗柰實和以塗繪上燥而發之形似油也

安石榴

別錄安石榴味甘酸無毒主咽喉燥渴損人肺不可多食酸實殼療下痢止漏精東行根療蚊蟲寸白陶隱居云石榴以花亦可愛故人多植之尤爲外國所重入藥惟根殼而已其味有甜酸藥家用酸者子爲服食者所忌

圖經安石榴舊不著所出州土或云本生西域陸機與弟雲書云張騫爲漢使外國十八年得塗林安石榴是

也今處處有之一名丹若廣雅謂之若榴木不其高大枝柯附幹自地便生作叢種極易息折其條盤土中便

生花有黃赤二色實亦有甘酢二種甘者可食酢者入藥多食其實則損人肺東行根並殼入殺蟲及染鬚髮口齒等藥其花百葉者主心熱吐血及衄血等乾之作末吹鼻中立差崔元亮海上方療金瘡刀斧傷破血流以石灰一升石榴花半斤搗末取少許傅上捺少時血斷便差又治寸白蟲取醋石榴根切一升東南引者良水二升三合煮取八合去滓著少米作稀粥空腹食之卽蟲下又一種山石榴形頗相類而絕小不作房生青齊間甚多不入藥但密漬以當果或寄京下甚美

本草衍義安石榴有醋淡兩種旋開單葉花旋結實實中子紅孫枝甚多秋後經雨則自拆裂道家謂之三尸酒云三尸得此果則醉河陰縣最多又有一種子白登澈如水品者味亦甘謂之水晶石榴惟酸石榴皮合斷下藥仍須老木所結及收之陳久者佳徵彖爲末以燒

果類卷之十五 安石榴

粟米飯爲丸梧桐子大食前熱米飲下三十至五十九以知爲度如寒滑加附子赤石脂各一倍

齊民要術栽石榴法三月初取枝大如手大指者斬令

長一尺半八九枝共爲一窠燒下頭二寸不燒則掘圓

坑深一尺七寸口徑尺豎枝於坑畔環口布枝置枯骨

礮石於枝間骨石此是樹性所宜下土築之一重土一重骨石平

坎止其土令沒枝頭一寸許也水澆常令潤澤既生又以骨石布其

根下則科圓滋茂可愛若孤根獨立者類生亦不佳十月中以蒲葦

裹而纏之不裹則凍死也二月初解放若不能得多枝者取一

長條燒頭圓屈如牛拘而橫埋之亦得然不及上法根

彊早成其拘中亦安骨石其斷根栽者亦圓布之安骨

石於其中也

本草綱目李時珍曰榴五月開花有紅黃白三色單葉

者結實千葉者不結實或結亦無子也實有甜酸苦三

種抱朴子言苦者出積石山或云卽山石榴也西陽雜

俎言南詔石榴皮薄如紙瑣碎錄言河陰石榴名三十

八者其中只有三十八子也又南中有四季榴四時開

花秋月結實實方綻隨復開花有火石榴赤色如火海

石榴高一二尺卽結實皆異種也案事類合璧云榴大

如盃赤色有黑斑點皮中如蜂窠有黃膜腦之子形如

人齒淡紅色亦有潔白如雪者潘岳賦云榴者天下之

奇樹九州之名果千房同膜千子如一禦乳療渴解醒

止醉

酉陽雜俎石榴一名丹若梁大同中東州後堂石榴皆

生雙子南詔石榴子大皮薄如藤紙味絕於洛中石榴

甜者謂之天漿能已乳石毒大食勿斯離國石榴重五

六斤

便民圖纂曰石榴三月間將嫩枝條插肥土中用水頻

澆則自生根根邊以石壓之則多生果又多時常剪去

繁枝則力不分

農桑通訣曰藏榴之法取其實有棱角者用熱湯微泡

置之新瓷瓶中久而不損若圓者則不可留留亦壞爛

北人以榴子作汁加蜜爲飲漿以代杯茗甘酸之味亦可取焉

羣芳譜石榴一名丹若葉綠狹而長梗紅五月開花有大紅粉紅黃白四色有海榴來自海外樹高二尺黃榴色微黃帶白花比常榴差大四季榴四時開花秋結實實方綻旋復開花番花榴出山東花大於餅子移之別省終不若在彼大而華麗蓋地氣異也 扦插葉生時折插肥土用水頻澆自然生根又葉未生時從鶴膝處用脫果法候生根截下栽之開花結實與大樹無異 種子石榴熟時於樹上留數枚記定上下南北霜降後摘下用稀布逐箇袋之照樹上朝向懸通風陰處先於六七月間取土之鬆而美者敲細篩去瓦石灑淨土上澆濃糞曬乾再澆再曬如此五六次仍敲極細篩過收藏缸內勿經雨次年二月初取家用火盆以所製土鋪盆內厚三寸許數寸按一淺潭取榴子去肉每潭種三四粒用土蓋半寸許灑水令微濕置有風露向陽處

果類卷之十五 安石榴

每日灑水勿令乾候長寸許每潭止留一大株日澆肥水候長分種極小盆內不宜深放有風露向陽處每日用肥水澆三四遍日午最要澆每一盆做一木蓋破兩片中剜一竅如樹大中高四面低遇有雨蓋盆面免致淋去肥味至七八月滿樹皆花甚大又明年換略大盆或云盆根多則無花三四月間便上盆則根不長只須浸灑得法冬間霜下收向南簷土乾略將水潤至春深氣暖可放石上剪去嫩苗令勿高大盛夏日中曬屋上免近地氣致令根長及爲蚓蟻所穴每朝用米泔沈沒花幹浸約半時取出日曬如覺土乾又復浸殆良法也 澆灌性喜肥濃糞澆之無忌當午澆花更茂盛蠶沙瘞之佳又鴨雞毛浸水中加皮屑去毛以水澆之毛不肥故也 嫁榴石榴不結子者以石塊或枯骨安樹又間或根下則結子不落 藏榴選大者連枝摘下安新瓦缸內以紙十餘重密封蓋之

洛陽伽藍記白馬寺浮圖前柰林蒲萄異於餘處枝葉

果類卷之十五 安石榴 榧實

繁衍子實甚大柰林實重七斤蒲萄實偉於棗味並殊美冠於中京帝至熟時常詣取之或復賜宮人宮人得之轉餉親戚以爲奇味得者不敢輒食乃歷數家京師語曰白馬甜榴一實直牛

北齊書魏收傳收除太子少傅安德王延宗納趙郡李祖收女爲妃後帝幸李宅宴而妃母宋氏薦二石榴於帝前問諸人莫知其意帝投之收曰石榴房中多子王新婚妃母欲子孫衆多帝大喜詔收卿還將來仍賜收美錦二疋

方輿勝覽崖州婦人以安石榴花著釜中經旬卽成酒其味香美

志雅堂雜抄凡碾工描玉用石榴皮汁則見水不脫

廣雅疏設楷榴石櫛素也楷與若同若石聲相近故若榴又謂之石榴各本脫石榴二字藝文類聚太平御覽及李善南都賦注並引廣雅云若榴石榴也今據補玉篇云楷榴素屬也初學記引埤倉云石榴素屬也則楷

榴石榴之爲素以同類而通稱也南都賦云棗棗若榴蔡邕翠鳥詩云庭陬有若榴綠葉含丹榮藝文類聚引陸機與弟雲書云張騫爲漢使外國十八年得塗林安石榴也御覽引廣志云安石榴有甜酢二種西陽雜俎云石榴一名丹若甜者謂之天漿

榧實 別錄榧實味甘無毒主五痔去三蟲蠱毒鬼疰生

永昌東陽諸郡食其子療寸白蟲

唐本草注此物是蟲部中彼子也爾雅云披杉也其樹大連抱高數仞葉似杉其木如柏作松理肌細軟堪爲器用也

本草衍義榧實大如橄欖殼色紫褐而脆其中子有一重籠黑衣其仁黃白色嚼久漸甘美五痔人常如果食之愈過多則滑腸

爾雅披黏註黏似松生江南可以爲船及棺材作柱埋之不腐疏披一名黏俗作杉郭云黏似松生江南可以爲船及棺材作柱埋之不腐

爾雅翼被似粘而異杉以材穠被又有美實而材尤文
彩釋木云被粘蓋以類相附也其木自有牝牡者華
而牝者自實理有相感不可致詰其實有皮殼大小如
棗而短去皮殼可生食亦備而收之可以經久以小而
心實者爲佳

東陽縣志土產榧出玉山鄉採則以灰拌之名灰榧良
於他處者

本草拾遺排華卽榧子之華也排與榧同榧樹似杉子
如長檳榔食之肥美本經蟲部有彼子陶氏復于木部
出榧實排華皆一物也

按蘇詩彼美玉山果注以爲信州玉山宋人已辨其
誤余至玉山遣人求之果不可得乃於浙境覓獲之
李時珍亦以爲出玉山縣踵說也

植物名實圖考長編卷十六

固始吳其濬著

蒙自陸應穀校刊

果類

羊矢子	類婆	西瓜	公孫桔	朱欒	獼猴桃	甜瓜	樹頭酒	木威子	楊梅	海松子
秋風子	黃皮子	人面子	銀杏	金橘	鈎緣子	棗柿	檳榔子	椰子	橄欖	水松
					<small>即佛手柑 香糖蜜羅附</small>					

果類卷之十六

榛果

堯茨 即荔枝

木桃兒樹

野木瓜

蜜筍柑

無花果

波羅蜜

五斂子 即羊桃

露兜子

雞矢果

糖刺果

番瓜

岡拈子

山橙

哈蜜瓜

都咸子

櫨子樹

文光果

水茶白

棠梨

天茄子

海紅

紗木麪

天師粟

榧子

落花生

番荔枝

佛桃

黎朦子

瓦瓜

胡頹子

堯目

沙棠 古度

海松子 開寶本草海松子味甘小温無毒主骨節風頭眩去死肌髮白散水氣調五臟不飢生新羅如小栗三角其中仁香美東夷食之當果與中土松子不同

海藥去皮食之甚香美與雲南松子不同雲南松子似巴豆其味不厚多食發熱毒松子味甘美大温無毒主諸風温腸胃久服輕身延年不老味與卑古國扁桃仁相似其扁桃仁用與北桃仁無異是也

水松 南方草木狀水松葉如檜而細長出南海土產衆

香而此木不大香故彼人無佩服者嶺北人極愛之然其香殊勝在南方時植物無情者也不香於彼而香於此豈屈於不知己而伸於知己者歟物理之難窮如此

楊梅 開寶本草楊梅味酸甘温無毒主去痰止嘔噦消食下酒乾作屑臨飲酒時服方寸匕止吐酒多食令人

發熱其樹若荔枝樹而葉細陰青其形似水楊子而生青熟紅肉在核上無皮殼生江南嶺南山谷四月五月

採

南方草木狀楊梅其子如彈丸正赤五月中熟時似梅其味甜酸陸賈南越行紀曰羅浮山頂有胡楊梅山桃繞其際海人時登採拾止得於上飽噉不得持下東方朔林邑記曰林邑山楊梅其大如盃椀青時極酸既紅味如崖蜜以鹽酒號梅香耐非貴人重客不得飲之齊民要術臨海異物志曰其子大如彈子正赤五月熟似梅味甜酸

食經藏楊梅法擇佳者一石以鹽一斗淹之入鹽肉中仍出曝令乾燒取板皮二斤煎取汁漬之不加蜜漬梅色如初美好可堪數歲

北戶錄楊梅葉如龍眼樹冬青一名杭播州有白色者甜而絕大

羣芳譜楊梅會稽產者為天下冠吳中楊梅種類甚多名大葉者最早熟味甚佳次則下山本出苕溪移植光福山中尤勝又次為青蒂白蒂及大小松子此外味皆不及樹若荔枝葉細青如龍眼及紫瑞香種植性宜山地核投糞池中浸六月取出收潤土中二月鋤地種之

待長尺許次年移栽三四年後以生子枝接之次年仍移栽山地多留宿土臘月內離根四五尺於高處開溝灰糞壅之不宜著根每遇雨肥水滲下則結子大而肥製用糖楊梅以梅三斤爲率用鹽一兩醃半日沸湯浸一夜控乾入糖二斤薄荷葉一大把輕手拌勻日暴汁乾收

劍南詩註太白梁園吟云玉盤楊梅爲君設吳鹽如花皎白雪不知楊梅酸者乃薦以鹽佳品未嘗用也

墨客揮犀楊梅有雌雄雄者不實鑿木幹作方寸穴取雌木填之乃實

橄欖

開寶本草橄欖味酸甘溫無毒主消酒癆鱧鮓毒

人誤食此魚肝迷悶者可煮汁服之必解其木作橄欖著魚皆浮出故知物有相畏如此也核中仁研傳唇吻燥痛其樹似木槵子樹而高端直其形似生詞子無棧瓣生嶺南八月九月採又有一種名波斯橄欖色類亦相似其核形作三瓣可以蜜漬食之生邕州

綱經橄欖生嶺南今閩廣諸州皆有之木似木槵而高且端直可愛秋晚實成南人尤重之咀嚼之滿口香味不歇生噉及煮飲並解諸毒人誤食鱧鮓肝至迷悶者飲其汁立差山野中生者子繁而木峻不可梯緣但剝其根下方寸許內鹽於中一夕子皆落木亦無損其枝節間有脂膏如桃膠南人採得并其皮葉煎之如黑餲謂之橄欖糖用膠船著才益乾牢於膠漆邕州又有一種波斯橄欖與此無異但其核作三瓣子蜜漬食之南方草木狀橄欖樹身聳枝皆高數丈其子深秋方熟味雖苦澀咀之芬馥勝含雞舌香吳時歲貢以賜近侍本朝自秦康後亦如之

齊民要術廣志曰橄欖大如雞子交州以飲酒 南方草木狀曰橄欖大如棗或大如雞子二月華色仍連著實八月九月熟生食味酢蜜藏味甜 臨海異物志曰餘甘子如梭形入口苦澀後飲水更甘大如梅實核兩頭銳東岳呼餘甘柯攬同一果耳 南越志曰博羅縣

果類卷之十六 橄欖 木威子 椰子

有合成樹十圍去地二丈分爲三衢東向一衢木葉似
棟子如橄欖而硬削去皮南人以爲棗南向一衢橄欖
西向一衢三杖三杖樹名嶺北之物也

北戶錄橄欖子八九月熟其大如棗廣志云有大如雞
子者有野生者高不可梯但刻其根方數寸許入鹽子
中子皆落矣今高涼有銀坑橄欖子細長味美於諸郡
產者其價亦貴陳藏器云其木主鯢魚毒此木作橄欖
著水魚皆浮出

鄰幾雜志橄欖木其花如櫻將採其實剝其皮以薑汁
塗之則盡落

海槎餘錄青橄欖無仁烏橄欖有仁外肉取來杵碎乾
放則自有霜堆起如白鹽名曰檀醬二種俱野生當四
五月盛時市人儘力取回用支一年不似吾江南之甚
珍貴也

學齋佔畢東坡橄欖詩云紛紛青子落紅鹽蓋凡果之
生也必青其熟也必變色如梅杏半傳黃朱果爛枝繁

是也惟有橄欖雖熟亦青故謂之青子不可他用也

高濂遵生八牋橄欖湯止渴生津百藥煎一兩白芷一
錢檀香五錢甘草炙五錢右件搗爲細末沸湯點服

又橄欖丸百藥煎五錢烏梅八錢木瓜乾葛各一錢檀
香五分甘草末五錢甘草膏爲丸曬乾用

木威子 本草拾遺木威子味酸平無毒主心中惡水水

氣生嶺南山谷樹葉似棟子如橄欖而堅實亦似棗也
嶺南雜記烏欖一名木威子乃橄欖之大者帶有鼻味

大運橄欖土人取其肉醃爲菹名曰檀鼓色如玫瑰味
頗雋又可榨油調食點燈其仁則爲佳果以致遠然不

善收藏輒油不可食其皮染物鮮紅如茜其核可爲薪
廣州記木威高丈餘子如橄欖而堅削去皮以爲粽

金樓子有樹名獨根分爲二枝其東向一枝是木威樹
南向一枝是橄欖樹

椰子 嘉祐本草椰子皮味苦平無毒止血療鼻衄吐逆

霍亂煮汁服之殺中肉益氣去風漿服之主消渴塗頭

益髮令黑生安南樹如椶櫚子殼可爲器交州記曰椰子中有漿飲之得醉

圖經椰子出安南今嶺南州郡皆有之木似枕椰無枝條高數丈葉在木末如東蒲實大如瓠垂於枝間如挂物實外有脆皮如椶包次有殼圓而且堅裏有膚至白如豬肪厚半寸許味亦似胡桃膚裏有漿四五合如乳飲之冷而氣腫人多取殼爲器甚佳不拘時月採其根皮用南人取其肉糖飴漬之寄至北中作果味甚佳也海藥謹按交州記云生南海狀若海椶實名椰子實大如椶許外有脆皮如大腹子豆蔻之類內有漿似酒飲之不醉主消渴吐血水腫去風熱雲南者亦好武侯討雲南時並令將士剷除椰樹不令小邦有此異物多食動氣也

南方草木狀椰樹葉如栢欄六七丈無枝條其實大如寒瓜外有脆皮次有殼圓而且堅剖之有白膚厚半寸味似胡桃而極肥美有漿飲之得醉俗謂之越王頭云

昔林邑王與越王有故怨遣俠客刺得其首懸之於樹俄化爲椰子林邑王憤之命剖以爲飲器南人至今效之當刺時越王大醉故其漿猶如酒云

桂海虞衡志椰子木葉身悉類椶櫚枕椰之屬子生葉間一穗數枚枝大如五升器果之大者謂惟此與波羅蜜等耳皮中子殼可爲器子中瓢白如玉味美如牛乳瓢中酒新者極清芳久則渾濁不堪飲

嶺南雜記椰子形如芋頭如人首外包椶皮內有堅殼解之得漿味如葶藶之汁附殼白肉如截肪甘脆可啖彼人截爲絲蜜餞以致遠中有心可食亦有無心者其殼爲椶最小者爲酒杯尤貴相傳入蠡鄉用椰器遇毒卽裂今皆鑲漆用之失其性矣

嶺表錄異椰子樹亦類海椶實名椰子大如瓠孟外有脆皮如大腹子次有硬殼圓而且堅厚二三分有圓好者卽截開頭砂石磨之去其殼皮具斑爛錦文以白金裝之以爲水罐子珍奇可愛殼中有液數合如乳亦可

果類卷之十六 椰子 樹頭酒

飲之而動氣

海樓餘錄椰子樹初栽時用鹽一二斗先置根下則易發其俗家之周遭必置之木幹最長至斗大方結實當摘食時在五六月之交去外皮則殼實圓而黑潤肉至白水至清且甜飲之可祛暑氣今行商懸帶椰瓢是其殼也又有一種小者端圓堪作酒盞出於文昌瓊山之境他處則無也

南越筆記椰生瓊州栽時以鹽置根下則易發樹高六七丈直竦無枝至木末乃有葉如束蒲長二三尺花如千葉芙蓉白色終歲不絕葉間生實如瓠繫房房連累一累二十七八實或三十實大者如斗有皮厚苞之曰椰衣皮中有核甚堅與膚肉皆緊著皮厚可半寸白如雪味脆而甘膚中空虛又有清漿升許味美於蘆微有酒氣曰椰酒蘇軾詩美酒生林不待儀言椰子中有自然之酒不待儀狄而作也瓊人每以檳榔代茶椰代酒以款賓客謂椰酒久服可以烏鬚云瓊州多椰子葉昔

趙飛燕立為皇后其女弟合德獻諸珍物中有椰葉席焉椰葉之見重也自漢時始瓊州人無分男女首皆戴笠以竹絲為之其用椰葉為笠者貴之也以爲席則賤之矣

樹頭酒 寰宇記云種甸在滇南有樹類椶高五六丈結

實如椰子土人以罐盛懸于實下割其實汁流於罐中以成酒名樹頭酒或不用糖惟取汁熬為白糖其樹即貝樹也種人取其葉寫書

按樹頭酒實如椰子則與椰為二物或云種使齋來者實形一頭隆起三稜而仍光圓近蒂如瓜壳硬淡赭色其壳亦可作瓢土司尋常信函則書其葉滇志但錄寰宇記於永昌府唯思茅廳採訪云形類草果而其大外有皮包裏中有核如瓠色黑或有圓有方以及三稜四稜者不等剖之而酒出焉土人謂之天酒遇佳客至以之相待味甚甘美其核堅硬異常可鑊作飲器蓋近緬土司地亦有之若椰實則但有圓

形無方形及三稜四稜也

枕椰子

嘉祐本草枕椰子味苦平無毒主宿血其木似

枳櫚堅硬斫其內有麵大者至數斛食之不飢其皮堪作粳生嶺南山谷

圖經枕榔生嶺南山谷今二廣州郡皆有之人家亦植於庭除間其木似枳櫚而堅硬斫其間有麵大者至數石食之不饑其皮至柔堅韌可以作粳其子作種生木端不拘時月採之嶺表錄異云枕榔木枝葉並茂與棗檳榔等小異然葉下有鬚如龍馬尾廣人採之以織巾子其鬚尤宜鹹水浸漬即脆服而韌故人以此縛船不用釘線木性如竹紫黑色有文理工人解之以制博奕局又其木剛作鈔鋤利如鐵中石更利惟中蕉根致敗耳

本草拾遺華陽國志云郡少穀取枕榔麵以牛酪食之臨海志曰枕榔木作鈔鋤利如鐵中石更利惟中蕉根破之物之相伏如此其中有似米粉中作餅餌食之得

飽有榎木皮中亦有白粉如白米乾擣之水淋屑者可作麵餅吳郡賦云文榎植檉是也又有莎木麵溫補久服不饑長生嶺南山谷大者四五圍麵數斛土人取次爲餅蜀志曰莎木高大生山嶺嶺南中八郡志曰莎木皮出麵大者百斛色黃鳩人部落食之廣志曰樹多枝葉如鳥翼其麵色黃樹收麵不過一斛擣篩作餅或磨屑爲飯食之

兩方草木狀枕榔樹似枳櫚中實其皮可作粳得水則柔韌胡人以此聯木爲舟皮中有屑如麵多者至數斛食之與常麵無異木性如竹紫黑色有文理工人解之以製奕枰出九異交趾

廣志枕榔木大者四五圍高五六丈拱直無傍枝巔頂生葉數十似檉葉其木肌堅斫入數寸得粉赤黃色可

實

博物志蜀中有樹名枕榔皮裏出屑如麵用作麵食謂之枕榔麵

果類卷之十六 枕椰子 甜瓜

臨海異物志枕榔生特剝山谷外皮有毛似柘櫚而散
生作硬漬之不腐其木剛作鏗鏘利如鐵中石更利惟
中蕉根乃致敗耳皮中有似搗稻米粉又似麥麵中作
麪裏餅餌甚美

魏王花木志枕榔出興古國者樹高七八丈其大者一
樹出麵百斛交趾又有樹其皮有光屑取之乾搗以水
淋之如麵可作餅餌

北戶錄枕榔莖葉與波斯棗古散椰子檳榔小異其木
如莎樹皮積木皮出麵可食洛陽伽藍記云昭儀寺有
酒樹麵木得非枕榔乎其心爲炙滋腴極美

海槎餘錄枕榔木類紵梨樹樹杪挺出數枝每枝必贅
青珠數條每條不下百餘顆計一樹可得青珠百餘條
團團懸掛若傘蓋煞可愛也其木最重番舶用爲鋸以
代鐵其鋒鋸侔于鐵也色類花梨而多綠紋

榕城隨筆枕榔幹似櫻鬚層向上特節稀於櫻耳其
葉類竹而大其幹中空兩分之可爲閤溜

南中志梁水與古西平三郡少穀有枕榔木可以作麪
以牛酥酪食之人民資以爲糧欲取其木先當祠祀

水經注盤水又東逕漢興縣山溪之中多生邛竹枕榔
樹樹出麪而土人資以自給故蜀都賦曰麪有枕榔

他郎廳志董棧中有白粉可食削其材可爲箸

卽枕榔
見楊慎

瓜

甜瓜

爾雅瓠其紹瓠注俗呼瓠瓜爲瓠紹者瓜蔓

緒亦著子但小如瓠瓠一名瓠小瓜也紹繼也瓜之

蔓紹緒先歲之瓜必小亦名瓠故云紹瓠詩大雅云綿

綿瓜瓠舍人曰瓠名瓠小瓜也紹繼謂瓠子漢中小瓜

曰瓠孫炎曰瓠小瓜子如瓠其本子小紹先歲之瓜曰

瓠然則瓜之族類本有二種大者曰瓜小者曰瓠此則

其種別也而瓜蔓近本之瓜必小於先歲之大瓜以其

小如瓠故謂之瓠瓠是瓠之別名故郭云俗呼瓠爲瓠

紹者瓜蔓緒亦著子但小如瓠

廣志瓜之所出以遼東盧江燉煌之種爲美有烏瓜魚

瓜狸頭瓜蜜甯瓜女臂瓜龍蹄瓜羊髓瓜綠瓜瓜州大瓜如斛御瓜也有青登瓜大如三斗魁有桂枝瓜長二尺餘蜀地溫良瓜冬熟有春白瓜細小小瓣宜藏正月種三月熟有秋泉瓜秋種十月熟形如羊角色蒼黑齊民要術廣雅曰土芝瓜也其子謂之隰然瓜有龍肝虎掌羊駝兔頭鹽孤狸頭白臘瓜無餘綠瓜瓜屬也張孟陽瓜賦曰羊駝累錯臘子市江廣志曰瓜之所出以遼東廬江燉煌之種爲美有烏瓜綠瓜狸頭瓜蜜甯瓜女臂瓜羊髓瓜瓜州大瓜大如斛出涼州狀類舊陽城御瓜有香登瓜大如三斗魁有桂枝瓜長二尺餘蜀地溫良瓜至早熟有春白瓜細小小瓣宜藏正月種二月成者秋泉瓜秋種十月熟形如羊角色黃黑史記曰邵平者故秦東陵侯秦破爲布衣家貧種瓜於長安城東瓜美故世謂之東陵瓜從邵平始漢書地理志曰燉煌古瓜州地有美瓜王逸有瓜盛日落疏之文永嘉記曰永嘉襄瓜八月熟至十一月內青赤香甜清快衆瓜之

勝廣州記曰瓜冬熟號爲金釵瓜說文曰瓠小瓜也陸機瓜賦曰栝樓定桃黃酈白搏金釵蜜甯小青大斑元軒素腕狸首虎蹄東陵出於秦谷桂髓起於巫山也收瓜子法常歲歲先取本母子瓜截去兩頭止取中央子本母子者瓜生數葉便結子子復早熟用中輩瓜子蔓長二三尺然後結子用後輩子者蔓長足然後結子子亦晚熟種早子熟速而瓜小種晚子熟遲而瓜大去兩頭者近蒂子瓜曲而細近頭子瓜短而鳴凡瓜落疏青黑者爲美黃白及斑雖大而惡若種苦瓜子雖爛熟氣香其味猶苦也又收瓜子法食瓜時美者收卽以細糠拌之日曝向燥拔而簸之淨而且速也良田小豆底佳黍底次之刈訖卽耕類類轉之二月上旬種者爲上時三月上旬爲中時四月上旬爲下時五月六月上旬可種藏瓜凡種法先以水淨淘瓜子以鹽和之鹽則不能死先臥鋤耨却燥土不耨者坑雖深大常難燥土故瓜不生然後培坑大如斗口納瓜子四枚大豆三個

於堆旁向陽中諺曰種瓜黃臺頭瓜生數葉掐去豆瓜
 軟弱苗不能獨生故須大豆爲之起土生瓜不去豆則
 豆反扇瓜不得滋茂但豆斷汁出更成良澗勿拔之拔
 之則土虛燥也多鋤則饒子不鋤則無實五穀蔬菜果
 蔬之屬皆如此也五六月種晚瓜治瓜籠法旦起露未
 解以杖舉瓜蔓散灰於根下後一兩日復以土培其根
 則迺無蟲矣又種瓜法依法種瓜十畝勝一頃於良美
 地中先種晚禾晚禾令地膩熟剗刈取穗欲令莠長秋
 耕之耕法引縛犁耳起規逆耕耳引則禾拔頭出而不
 沒矣至春則復順耕亦引縛犁耳翻之還令草頭出耕
 訖勞之令甚平種植穀時種之種法使行陣直兩行微
 相近兩行外相遠中間通步道道外還兩行相近如是
 作次第經四小道通一車道凡一頃地中須開十字大
 巷通兩乘車來去運糞其瓜都聚在十字巷中瓜生比
 至初花必須三四遍熟鋤勿令有草生草生脅瓜無子
 鋤法皆起禾莠令直 其瓜蔓本底皆令上下四廂高

微雨時得停水瓜引蔓皆沿莠上莠多則瓜多莠少則
 瓜少莠多則蔓廣蔓廣則歧多歧多則饒子其瓜會是
 歧頭而生無歧而花者皆是浪花終無瓜矣故令蔓生
 在莠上瓜懸在下摘瓜法在步道上引手而取勿聽浪
 入踏瓜蔓及翻覆之踏則莢破翻則成細皆令瓜不茂
 而蔓早死若無莠而種瓜者地雖美好止得長苗直引
 無多槩歧故瓜少子若無莠處豎乾柴亦得凡乾柴草
 不妨滋茂凡瓜所以早爛者由脚躡及摘時不慎翻動
 其蔓故也若以理慎護及至霜下葉乾子乃盡矣但依
 此法則不必別種早晚及中三輩之瓜區種瓜法六月
 雨後種豇豆八月中犁掩穀之十月又一轉卽十月終
 種瓜率兩步爲一區坑大如盆口深五寸以土壅其畔
 如菜畦形坑底必令平正以足踏之令其保澤以瓜子
 大豆各十枚遍布坑中瓜中大豆兩物爲雙藉其起土
 故也以糞五升覆之亦令均平又以土一斗薄散糞上
 復以足微躡之冬月大雪時速併力推雪於坑上爲大

堆至春草生瓜亦生莖葉肥茂異於常者且常有潤澤
 畢亦無害五月瓜便熟其掐豆鋤瓜之法與常同若瓜
 子盡生則大概掐出之一區四根即足矣又法冬天以
 瓜子數枚內熟牛糞中凍即拾聚置之陰地量地多少
 以足爲限正月地釋即耕逐場布之率方一步下一斗
 糞耕土覆之肥茂早熟雖不及區種亦勝凡瓜遠矣凡
 生糞置地無勢多於熟糞令地小荒矣有蟻者以牛羊
 骨帶隨者置瓜科左右待蟻附將棄之棄二三則無蟻
 矣 汜勝之曰區種瓜一畝爲二十四科區方圓三尺
 深五寸一科用一石糞糞與土和令相半以三斗瓦甕
 埋著科中央令甕口上與地平盛水甕中令滿種瓜甕
 四面各一子以瓦蓋甕口水或減輒增常令水滿種常
 以冬至後九十日百日得戊辰日種之又種蘆十根令
 周圍甕居瓜子外至五月瓜熟蘆可拔賣之與瓜相避
 又可種小豆於瓜中畝四五本其糞可賣此法宜平地
 瓜收畝萬錢 崔寔曰種瓜宜用戊辰日二月三日可

種瓜十二月臘時祀炙蓬樹瓜田四角去葢瓜蟲謂之
 葢 龍魚河圖曰瓜有兩鼻者殺人

爾雅翼瓜古人以紀時故遺戍者稱瓜時而往及瓜而
 代大戴禮夏小正五月乃瓜乃瓜者治瓜之辭也瓜也
 者始食瓜八月割瓜蓄瓜時也周詩則以七月爲食瓜
 之候蓋夏之五月也詩云中田有盧疆場有瓜是割是
 殖獻之皇祖曾孫壽考受天之祐蓋薦瓜之重如此故
 天子樹瓜華不斂藏之種而爲天子削瓜者副之巾以
 絳副析也既削又四析之乃橫斷之而巾覆焉爲國君
 者華之巾以綵華中裂之不四析也爲大夫累之累保
 也謂不以巾覆士竟之不中裂但橫斷去毫而已庶人
 訖之不橫斷也瓜祭則上環食中藥所操古之用瓜者
 其嚴如此周時瓜無所出之地至秦漢間東陵侯種瓜
 長安城東而美故謂之東陵瓜又謂之青門瓜其後以
 遼東盧江嫩煌之種爲美而瓜州大瓜如斛御瓜也故
 名其州曰瓜其他瓜名尙多說文曰瓠棚也草木皆是

豎立唯瓜瓠之屬臥面不起似若嬾人常臥室故字从
 𠂔荆楚之俗七月七日牽牛織女會乃設瓜果於庭中
 有喜子網於瓜上則以爲得巧以婦女主瓜云

本草經瓜蒂味苦寒主大水身面四肢浮腫下水殺蠱
 毒欬逆上氣及食諸果病在胸腹中皆吐下之

別錄有毒去鼻中息肉療黃痘花主心痛欬逆生薑高
 平澤七月七日採陰乾陶隱居云瓜蒂多用早青蒂此
 云七月採便是甜瓜蒂也人亦有用熟瓜蒂者取吐乃
 無異此止於論其蒂所主爾今瓜例皆冷利早青者尤
 甚熟瓜乃有數種除瓠而食之不害人若覺多即入水
 自漬便即消永嘉有寒瓜甚大今每取藏經年食之亦
 有再熟瓜又有越瓜人作蔬食之亦冷並非藥用爾

圖經瓜蒂即甜瓜蒂也生嵩高平澤今處處有之亦圖
 圃所舊說瓜有青白二種入藥當用青瓜蒂七月採
 陰乾方書所用多入吹鼻及吐腦散中莖亦主鼻中息
 肉絕鼻等葉主無髮搗汁塗之即生花主心痛欬逆肉

主煩渴除熱多食則動痢疾又有越瓜色正白生越中
 胡瓜黃色亦謂之黃瓜別無功用食之亦不益人故可
 略之

王世懋瓜蔬疏甜瓜以香而小者爲第一作黃綠二色
 豈即邵平所種五色子母瓜也今涼州塞外作乾條遺
 遠人味極甘當是此種若南瓜雖有奇狀殊色僅堪煮
 食醃無意味而更與羊食忌是可廢

本草綱目李時珍曰甜瓜北土中州種蒔甚多二三月
 下種延蔓而生葉大數寸五六月花開黃色六七月瓜
 熟其類最繁有圓有長有尖有扁大或徑尺小或一捻
 其棧或有或無其色或青或綠或黃斑縹或白路黃
 路其瓢或白或紅其子或黃或赤或白或黑按王禎農
 書云瓜品甚多不可枚舉以狀得名則有龍肝虎掌兔
 頭狸首羊髓蜜筒之稱以色得名則有烏瓜白團黃瓠
 白瓠小青大斑之別然其味不出乎甘香而已廣志惟
 以遼東燉煌廬江之瓜爲勝然瓜州之大瓜陽城之御

瓜西蜀之温瓜永嘉之寒瓜未可以優劣論也甘肅甜瓜皮瓢皆甘勝糖蜜其皮暴乾猶美浙中一種陰瓜種於陰處熟則色黃如金膚皮稍厚藏之至春食之如新此皆種藝之功不必拘以土地也甜瓜子曬裂取仁可充果食凡瓜最畏麝氣觸之甚至一帶不收

棹 嘉祐本草棹味甘寒無毒主壓丹石藥發熱利水解酒毒久食令人寒中去胃中熱生江淮南似柿而青黑閑居賦云梁侯烏棹之柿是也

日華子棹柿止渴潤心肺除腹藏冷熱作漆甚妙不宜與蟹同食令人腹疼并大瀉矣

獼猴桃

開寶本草獼猴桃味酸甘寒無毒主消渴解

煩熱冷脾胃動洩瀉壓丹石下石淋熱瘰反胃者取軀和生薑汁服之一名藤梨一名木子一名獼猴梨生山谷藤生著樹葉圓有毛其形似雞卵大其皮褐色經霜始甘美可食枝葉殺蟲煮汁飼狗療癩疥

鈎緣子

即佛手柑 香蘇蜜 羅附

南方草木狀鈎緣子形如瓜皮

似橙而金色胡人重之極芬香肉甚厚白如蘆葍女工競雕鏤花鳥漬以蜂蜜點以燕檀巧麗妙絕無與爲比秦康五年大秦貢十佰帝以三佰賜王愷助其珍珠夸示於石崇

齊民要術裴淵廣州記曰枸橼樹似橘實如柚大而倍長味奇酢皮以蜜煮爲糖

韓彥直橘錄香圓木似朱欒葉尖長枝間有刺植之近水乃生其長如瓜有及一尺四五寸者清香襲人橫陽多有之土人置之明窗淨几間頗可賞瓶酒闌并刀破之蓋不減新橙也葉可以藥病

閩書香橼氣芬郁襲人衣又有形似人手者名佛手香

櫛 物類相感志香櫛去蒂以大蒜搗爛罨蒂上則滿室香

更以濕紙圍蓋上香櫛蒂上安芋片則不瘴

本草綱目李時珍曰枸橼產閩廣間木似朱欒而葉尖長枝間有刺植之近水乃生其實狀如人手有指俗呼

爲佛手柑有長一尺四五寸者皮如橙柚而厚皺而光澤其色如瓜生綠熟黃其核細其味不甚佳而清香襲人南人雕鏤花鳥作蜜煎果食置之几案可供玩賞若安芋片於蒂而以濕紙圍護經久不腐或搗蒜窰其蒂則香更充溢異物志云浸汁浣葛紵勝似酸漿也

西華滇海虞衡志香櫟佛手柑之大者直如斗重三四斤皆可生片以擺盤二物經霜不落在枝頭歷四五年秋冬色黃開春回青吳學使應枚詩碩果何曾怕雪霜樹頭幾載歷青黃是也 安順府志蜜羅柑藤本實大如瓜皮黃厚如佛手白肉無稜甜與蜜同作清供香色經日不散出永鎮等州山間

思南府志香櫟卽蜜羅柑氣芬肉厚點茶釀酒俱宜永寧州志蜜羅柑係木本非藤本樹如香櫟葉較大

朱欒

韓查直橋錄朱欒類圓實皮粗瓣味酸惡不可食其大有至尺三四寸圍者摘之置几案間久則其臭如蘭是品雖不足珍然作花絕香鄉人拾其英蒸香取

其核爲種折其皮入藥最有補於時其詳具見下篇又香欒大於朱欒形圓色紅芳馨可飯

又香圓木似朱欒葉尖長枝間有刺植之近水乃生其長如瓜有及一尺四五寸者清香襲人橫陽多有之土人置之明窗淨几間頗可賞玩酒闌并刀破之蓋不減新橙也葉可以藥病

按此鉤線之無指爪者非似橙之香圓

王世懋花疏香櫟花尤酷烈甚於山礬結實大而香山亭前及廳事兩垣皆可植又果疏香櫟花香實大雖酸澀齒以爲渴則大佳置實盤中盈室俱香實佳品也閩中乃無之而以佛手柑名近聞洞庭人亦有種而生者吾圃中尤不易植也

按此卽吳越中朱欒類如橘柚極醉非香櫟也

金橘

桂海虞衡志金橘出營道者爲天下冠出江浙者皮甘肉酸不逮矣

韓查直橋錄金橘生山逕間比金柑更小形色頗類木高不及尺許結實繁多取者多至數升肉瓣不可分止

一核味不可食惟宜植之欄檻中園丁種之以鬻於市亦名山金柑周美成詞有露葉烟梢寒色重攢星低映小珠簾爲是橘作

莆田縣志物產橘色紅如金曰金橘又有一種先後相續而生名公孫橘

漳浦縣志土產橘有朱橘有鳳橘有金橘有羊矢橘生山中俗呼山柑又有一種四時橘四時結實花亦鮮美本草綱目金橘味酸甘溫無毒主下氣快膈止渴解醒降臭皮尤佳李時珍曰此橘生時青虛色黃熟則如金故有金橘盧橘之名盧黑色也或謂盧酒器之名其形肖之故也註文選者以枇杷爲盧橘誤矣按司馬相如上林賦云盧橘夏熟枇杷檉柿以二物並列則非一物明矣此橘夏冬相繼故云夏熟而斐淵廣州志謂之夏橘給客橙者其芳香如橙可供給客也

又曰金橘生吳粵江浙川廣間或言出營道者爲冠而江浙者皮甘肉酸次之其樹似橘不甚高大五月開白

花結實秋冬黃熟大者徑寸小者如指頭形長而皮堅肌理細瑩生則深綠色熟乃黃如金其味酸甘而芳香可愛糖造蜜煎皆佳按魏王花木志云蜀之成智臨邛江源諸處有給客橙一名盧橘似橘而非若柚而香夏冬花實常相繼或如彈丸或如櫻桃通歲食之又劉恂嶺表錄云山橘子大如土瓜次如彈丸小樹綠葉夏結冬熟金色薄皮而味酸偏能破氣容廣人連枝藏之入膾腊尤加香美韓彥直橘譜云金柑出江西北人不識景祐中始至汴都因溫成皇后嗜之價遂貴重藏綠豆中可經時不變蓋橘性熱豆性涼也又有山金柑一名山金橘俗名金豆木高尺許實如櫻桃內止一核俱可蜜漬香味清美已上諸說皆指今之金橘但有一類數種之異耳

閩書金橘有二種形圓者曰金棗皮香肉酸又有金豆俗呼羊矢橘生山林中蜜煎良佳

歸田錄金橘產於江西以遠難致都人初不識明道景

果類卷之十六 金橘 公孫桔 銀杏

祐初始與竹子俱至京師竹子味酸人不甚喜後遂不至而金橘香清味美置之罇俎間光彩灼爍如金彈丸誠珍果也都人初亦不甚貴其後因溫成皇后尤好食之由是價重京師余世家江西見吉州人甚惜此果其欲久留者則於綠豆中藏之可經時不變云橘性熱而豆性涼故能久也

游宦紀聞金橘產於江南諸郡有所謂金柑差大而味甜年來商販小株才高二三尺許一舟可載千百株其實葉如垂彈殊可愛價亦廉實多根茂者才直二三鑽往時因溫成皇后好食價重京師然患不能久留惟藏綠豆中則經時不變蓋橘性熱豆性涼也冷齋夜話東坡詩曰客來茶罷空無有盧橘微黃尙帶酸張嘉甫曰盧橘何種果類答曰枇杷是矣又問何以驗之答曰事見相如賦嘉甫曰盧橘夏熟黃甘橙棗枇杷燃柿亭奈厚棗盧橘果枇杷則賦不應四句重用應劭注曰箕山之東青鳥之所有盧橘常夏熟不據依之何也東坡笑

曰意不欲耳

涪翁雜說司馬相如上林賦曰黃甘橙棗玉藻曰君入門士介拂橙棗昔太簇之籟武陵有一種小橘名檮疑卽今之金橘

輟耕錄世人多用盧橘以稱枇杷按司馬相如游獵賦云盧橘夏熟黃柑橙棗枇杷燃柿夫盧橘與枇杷並列則盧橘非枇杷明矣郭璞注蜀中有給客橙冬夏花實相繼通歲食之謂卽盧橘也意者橙橘惟熟於冬而盧橘夏亦熟故舉以爲重歟唐三體詩裴庾註云廣州記盧橘皮厚大如柑酢多至夏熟土人呼爲壺橘又曰盧橘

公孫桔

公孫桔產廣東樹高丈餘枝葉繁茂花果層

次駢綴自下熟上由紅至青尖頂尙花下已紅熟香甜適口味帶微酸皮可化痰經冬不凋辰州諸屬橘類有公引孫卽此附金橘後以備一種

銀杏

本草綱目銀杏核仁味苦平澀無毒主溫肺益氣

定喘嗽利小便止白濁生食降痰消毒殺蟲漿塗鼻而手足去鼓飽野踰皺皺及疥癬疔腫陰風解酒

西陽雜俎銀杏樹有雌雄者有三棧雌者有二棧合二者種之或在池邊能結子而茂蓋臨池照影亦生也

墨客揮犀銀杏葉如鴨脚獨窠者不實偶生及叢生者乃實

農政全書銀杏一名白果一名鴨脚子銀杏以白得名鴨脚取其葉之似其木多歷歲年其大或至連抱可作棟梁便民圖纂曰春初種於肥地候長成小樹來春和土移栽以生子樹枝接之則實茂

農桑通訣曰春分前後移栽先掘深坑水攪成稀泥然後下栽子掘取時連土封用草要或麻繩繫束則不致碎破土封其子至秋而熟初收時小兒不宜貪食則昏霍惟炮煮作糧食爲美以滑油甚良類如綠李積而腐之推取其核卽銀杏也

詩話總龜京師舊無鴨脚馬都尉李文和自南方來

移植於私第因而著子自後稍稍蕃多不復以南方爲貴

西瓜 五代史契丹附錄胡嶠入契丹亡歸中國道其所見云入平川始食西瓜云契丹破回紇得此種以牛糞覆棚而種大如中國冬瓜而味甘

松漢紀聞西瓜形如扁蒲而圓色極青翠經歲則變黃其醜類甜瓜味甘脆中有汁尤冷洪皓出使攜以歸今禁園鄉圃皆有亦可留數月但不能經歲仍不變黃色鄧陽有久苦目病者曬乾服之而愈蓋其性冷故也事物紀原中國初無西瓜洪忠宣使金貶遼陰山得食之其大如斗絕甘冷可調暑疾

石湖詩注西瓜味淡而多液本燕北種今河南皆種之丹鉛餘錄余嘗疑本草瓜類中獨不載西瓜後讀五代邵陽令胡嶠陷北記云嶠於回紇得瓜種以牛糞種之結實大如斗味甘名曰西瓜是西瓜至五代始入中國也文選浮甘瓜於清泉蓋指黃瓜甜瓜也

賢奕編中國初無西瓜見洪忠宣皓松漢記開蓋使金
國貶遞陰山於陳王悟室得食之云種以牛糞結實大
如斗絕甘冷可瀉暑疾丹鉛餘錄引五代邵陽令胡燧
陷北記云於回紇得瓜名曰西瓜其言與忠宣同以爲
至五代始入中國按忠宣使金乃稱創見則燧嘗之於
陷北之日而不能種之於中國也其在中土則自靖康
而後其在江南或忠宣移種歸耳

蜀都雜抄金王子可南咏西瓜云一片冷裁潭底月六
灣斜捲隔頭雲又在元世祖前矣

曹縣志物產西瓜有青綠黃白四色子亦紅黑玳瑁之
不同其最大者名冀州崑耐久藏可至過歲

翼城縣志物產瓜有甜瓜青黃二種有王瓜有菜瓜青
黑白數種有冬瓜有南瓜青黃二種有西瓜青黑二種
其黃白長尺許者近多有之

嘉定縣志物產橄欖瓜西瓜別種出外岡其形圓而長
顏色鮮紅味甘如蜜俗又名枕頭瓜以形似也向以西

番蓮爲第一今則徧栽此種

莆田縣志物產西瓜實大如斗外青內紅味甘有一種
皮薄中尤紅者曰臺灣瓜又有一種實差小中白多子
只收其子爲瓜子

瀛涯勝覽蘇門答刺國東瓜久留不敗有西瓜綠皮紅
子長二三尺棘羈國西瓜甜瓜一枚用二人舉之古里
國西瓜四時皆有

農桑通訣種西瓜法區行差稀多種者盆頭上漫擲勞
平苗出之後根下攪作土盆欲瓜大者步留一科科止
留一瓜餘蔓花皆掐去則實大如三斗栲栳矣

日用本草契丹破回紇始得此種以牛糞覆而種之結
實如斗大而圓如匏色如青玉子如金色或黑麻色北
地多有之

本草綱目李時珍曰按胡燧陷虜記言燧征回紇得此
種歸名曰西瓜則西瓜自五代時始入中國今則南北
皆有而南方者味稍不及亦甜瓜之類也二月下種蔓

生花葉皆如甜瓜七八月實熟有圍及徑尺者長至二尺者其棧或有或無其色或青或綠其瓢或白或紅紅者味尤勝其子或黃或紅或黑或白者味更劣其味有甘有淡有酸酸者爲下陶隱居注瓜蒂言永嘉有寒瓜甚大可藏至春者卽此也蓋五代之先瓜種已入浙東但無西瓜之名未遍中國耳其瓜子曝裂取仁生食炒熟俱佳皮不堪啖亦可蜜煎醬藏

王世懋瓜蔬疏西瓜古無稱云金主征西域得之洪皓自燕中攜歸然瓜中第一美味而稱徧天下不應晚出異方之物乃爾吾地以蔣福柵橋二處爲絕品然家園中所種色青白而作枕樣者便佳不必蔣柵也

人面子 南方草木狀人面子樹似含桃結子如桃實無味其桃正如人面故以爲名以蜜漬之稍可食以其核可玩子席間釘飯觀客出南海

桂海虞衡志人面子如大梅李核如人面兩目鼻口皆具肉甘醱宜蜜煎

南越筆記人面子以增城水東所產爲佳子如大梅李其核類人面兩目鼻口皆具肉甘醱宜爲蜜煎仁絕美以點茶如梅花片光澤可愛茶之色香亦不變水東在城南雁塔下其樹僅數十株子皮薄落之使潰爛乃乾其核囊之其仁皮寬稍搖卽脫去此樹最宜沙土沙土鬆則根易發數歲卽婆娑偃地山居家其祖父欲遺子孫必多植人面烏攪人面賣實烏攪賣核及仁百餘年世享其利番禺大石頭村婦女多以斲烏攪核爲務其核以炊仁以油及爲禮果有詠烏攪者云祇應人面子與爾共成仁蓋粵中惟此二果以仁重故諺語云爾

類婆 嶺南雜記類婆果如大阜莢莢內鮮紅子亦如阜莢子皮紫肉如栗其皮有數層層剝之始見肉彼人嘗顏厚者曰類婆臉

黃皮子 桂海虞衡志黃皮子如小棗

嶺南雜記黃皮果大如龍眼又名黃彈皮黃白有微毛瓤白如豬肪有青核數枚酸澀不成味久之少甘樹似

果類卷之十六 羊矢子 秋風子 構果 楮子樹 兔茨

橄欖綠條開小花夏末結實小兒嗜之

羊矢子 桂海虞衡志羊矢子色狀全似羊矢味亦不

佳

秋風子 桂海虞衡志秋風子色狀俱似楮子

構果 構果生廣東與蜜羅同而皮有黑斑不光潤此果

花多實少方言謂誑為構言少實也猶北地謂瓜花之

不結實者曰謊花耳核最大五月熟色黃味亦甜

楮子樹 救荒本草楮子樹舊不著所出州土今蒙縣

趙峯山野中多有之樹高丈許葉似冬青樹葉稍闊厚

背色微黃葉形又類棠梨葉但厚結果似木瓜稍圍味

酸甜微澀性平果熟時採摘食之多食損齒及筋

兔茨 即新 本草綱目兔茨根味甘微寒滑無毒主消渴

痺熱溫中益氣下丹石消風毒除胸中實熱氣可作粉

食明耳目消黃疸開胃下食厚人腸胃不飢能解毒服

金石人宜之療五種膈氣消宿食飯後宜食之治誤吞

銅物主血痢下血血崩辟蠱毒

構果 楮子樹 兔茨

食療本草兔茨不可多食誤人常食之令人患脚又發

脚氣癱緩風損齒令人失顏色皮肉乾燥卒食之令人

嘔水兔茨冷下丹石消風毒除胸中實熱氣可作粉食

明耳目止渴消黃疸若先有冷氣不可食令人腹脹氣

滿小兒秋食驕下當痛

日華子兔茨無毒消風毒除胸胃熱治黃疸開胃下食

服金石藥人食之良

圖經烏芋今兔茨也舊不著所出州土苗似龍鬚而細

正青色根黑如指大皮厚有毛又有一種皮薄無毛者

亦同田中人並食之亦以作粉食之厚人腸胃不飢服

丹石人尤宜蓋其能解毒耳爾雅謂之芍

按兔茨非烏芋陶隱居誤為一種圖經所述形狀正

是粉躋食療本草日華子分別甚晰李時珍又以烏

芋即兔茨語多穿鑿未可從

爾雅芍兔茨註生下田苗似龍鬚而細根如指頭黑色

可食疏芍一名兔茨郭云生下田中苗似龍鬚而細根

如指頭黑色可食今俗淪而謂之者是也

爾雅翼鳧茨生下田中苗似龍鬚而細根似指頭黑色可食名爲鳧茨當是鳧好食之爾又有一種根苗似鳧茨而白亦生下田中葉有兩歧如燕尾又如剪刀開白花三出名爲苳菴本草云藉姑今人亦謂之剪刀草其生陂池中者高大比於荷蒲然其味稍苦不及鳧茨之美苳菴種水中一莖收十二實歲有閏則十三實今黃楊蓂長一寸遇閏年則否牡丹若遇閏歲花輒小以此知先王之正時歸餘於終非無意也鳧茨在爾雅一名芍漢長安有連芍陂未必不以此地生連與芍而名之也東觀漢記曰王莽末南方枯旱民多饑羣入野澤掘鳧茨而食之

說文解字注芍鳧茨也見釋艸今人謂之勃躋卽鳧茨之轉語郭璞云苗似龍須根可食黑色是也廣雅云苳姑水芋烏芋也名醫別錄云烏芋一名藉姑一名水萍藉與苳同音萍必芋之誤此專謂茨菴不必因烏字牽

合鳧茨也苳徂咨切从艸勺聲胡了切二部古勺聲與弱聲同芍之可食者其藉也

文光果 本草綱目李時珍曰文光果出景州形如無

花果肉味如栗五月成熟

木桃兒樹 救荒本草木桃兒樹生中牟土山間樹高

五尺餘枝條上氣脈積聚爲疙瘩狀類小桃兒極堅實故名木桃其葉似楮葉而狹小無花又却有細鋸齒又似青檀葉梢間另又開淡紫花結子似梧桐子而大熟則淡銀褐色味甜可食採取其子熟者食之

水茶白 救荒本草水茶白生密縣山谷中科條高四

五尺莖上有小刺葉似大葉胡枝子葉而有尖又似黑豆葉而光厚亦尖開黃白花結果如杏大狀似甜瓜瓣而色紅味甜酸果熟紅時摘取食之

野木瓜 救荒本草野木瓜一名八月檣又名杵瓜出

新鄭縣山野中蔓延而生安附草木上葉似黑豆葉微小光澤四五葉攢生一處結瓜如肥阜大味甜採嫩瓜

換水煮食樹熟者亦可摘食

棠梨 陸璣詩疏甘棠梨一名杜梨赤棠也與白棠同耳

但子有赤白美惡子白色爲白棠甘棠也少酢滑美赤棠子澀而酢無味俗語云澀如杜是也赤棠木理韌亦可以作弓幹廣要爾雅云杜赤棠白者棠郭云棠色異異其名樊光云赤者爲杜白者爲棠爾雅又云杜甘棠邢疏曰郭云今之杜梨舍人曰杜赤色名赤棠白者亦名棠然則其白者名棠其赤者爲杜棠爲甘棠杜爲赤棠詩召方云蔽芾甘棠唐風云有杕之杜傳云杜赤棠是也鄭註云北人謂之杜棠南人謂之棠梨爾雅翼云每梨有十餘子唯一子生梨餘者生杜孫楚云梨有用爲貴杜無用爲賤括地志召伯廟在洛州壽安縣西北五里召伯聽訟甘棠之下周人思之不伐其樹後人懷其德因立廟有棠在九曲城東阜上通志云梨之類多杜甘棠謂之棠梨其花謂之海棠花其實謂之海紅子按海紅是海棠實非棠梨通志誤甚

本草綱目爾雅云杜甘棠也赤者杜白者棠或云牝曰杜杜曰棠或云澀者杜甘者棠杜者澀也棠者儲也三說俱通末說近是卽棠梨野梨也處處山林有之樹似梨而小葉似蒼朮葉亦有圓者三叉者葉邊皆有鋸齒色頗黧白二月開白花結實如小椽子大霜後可食其根接梨甚嘉有甘酢赤白二種按陸璣詩疏云白棠甘棠也子多酸美而滑赤棠子澀而酢木理亦亦可作弓材救荒本草云其葉味微苦嫩時煤熟水浸淘淨油鹽調食或蒸曬代茶其花亦可煤食或曬乾磨麪作燒餅食以濟饑又楊慎丹鉛錄言尹伯奇采椽花以濟飢註者言椽卽山梨乃今棠梨也未知是否實氣味甘瀟寒無毒主治燒食止消痢枝葉氣味同實主治霍亂吐瀉不止轉筋腹痛取一握同木瓜二兩煎汁細呷之齊民要術爾雅曰杜甘棠郭璞注曰今之杜梨詩曰蔽芾甘棠毛云甘棠杜也詩義疏云今甘棠梨一名杜梨如梨而小味酢可食也唐詩曰有杕之杜毛云杜卽棠

也與白棠同但有赤白美惡子赤白色者爲白棠甘棠也酢滑而美赤棠子澀而酢無味俗語云澀如杜赤棠木理韌可作弓幹案今棠葉有中染絳者有淮中染土紫者杜則全不用其實三種則爾雅毛郭以爲同未詳也棠熟時收穫之否則春月移栽八月初天晴時摘葉薄布曬令乾可以染絳必候天晴時少摘葉乾之復晴則摘慎勿頓收若遇陰雨則澀澀不堪染絳也成樹之後歲收絹一疋亦可多種利乃勝桑也

救荒本草棠梨樹今處處有之生荒野中葉似蒼朮葉亦有圓葉者有三叉葉者葉邊皆有鋸齒又似女兒茶葉其葉色頗白開白花結棠梨如小棟子味甘酸花葉味微苦採花煤熟食或乾曬磨麪作燒餅食亦可及採嫩葉煤熱水浸淘淨油鹽調食或蒸曬作茶亦可其棠梨經霜熟時摘食甚美

說文解字注棠杜曰棠牝曰杜艸木有杜者謂不實者也小雅云有杕之杜有皖其實此牝者曰杜之證也陸

璣詩疏曰赤棠與白棠同耳但子有赤白美惡子白色爲白棠甘棠少酢滑美赤棠子澀而酢無味俗語云澀如杜是也依陸說是棠杜皆有子然種類甚多今之海棠皆華而不實蓋所謂杜者曰棠也从木尙聲徒郎切十部杜甘棠也召南蔽芾甘棠毛曰甘棠杜也釋木曰杜甘棠本無不合棠不實杜實而可食則謂之甘棠凡實者皆得謂之杜則皆得謂之甘棠也杜棠牝杜析言之也杜得僞甘棠互言之也釋木又曰杜赤棠白者棠魏風傳用之此以其木色之異異其名與杜甘棠說異卽與分杜牝說異爲許所不取戴先生曰爾雅謂杜甘曰棠毛公失其句讀蓋依陸璣疏白棠卽甘棠子美赤棠卽杜子澀爲此說耳非許意亦非爾雅意也先生又曰梨山檇謂梨山生曰檇檇白粉謂檇之白者曰粉今按毛傳云粉白檇也誠當於白爲讀漢書音義云離山梨也是爾雅當同音義乙其字矣从木土聲徒古切五部借以爲杜塞之杜

果類卷之十六 棠梨 蜜甯柑 天茄子 無花果

焦循毛詩補疏蔽蒂甘棠傳甘棠杜也循按休寧戴庶常云傳注莫先於毛詩其爲書又出爾雅後爾雅杜甘棠梨山檣檉白粉立文少變杜澗棠甘而名類可互見杜赤棠白者棠以棠見杜杜甘棠以杜見棠毛詩甘棠杜也誤粉白檉也不誤杜甘曰棠梨山生曰檣檉白曰粉見其答江慎修先生論小學書然以杜爲不甘本陸璣疏耳以是駁毛恐未爲當召南之詩在爾雅前矣詩曰甘棠爾雅以杜釋之若爾雅杜甘爲句則詩之甘棠宜何讀與

蜜甯柑

黔書蜜甯柑或曰卽南海之紫羅橘視佛指

而少擘指形悉具屈而不伸剖食如蜜類楚澤之萍實也黃裳元吉其臭如蘭咀嚼之馨流齒頰矣其子離離可執盤州以上咸有之蓄之樹以泱歲薦之杵則彌月色不衰而香亦不變可謂果實中之幽人志士矣按所迷甚

有蜜

興義府志紫羅橘出安南俗名蜜甯香色似蜜羅而小

皮薄有稜

天茄子

天茄子救荒本草謂之丁香茄茄作蜜煎菓

可作蔬其狀絕類牽牛子或卽以爲牽牛花殊誤

無花果

本草綱目無花果實味甘平無毒主脾胃止

泄痢治五痔咽喉痛葉味甘微辛平有小毒主五痔腫痛類薰洗之取效出揚州及雲南今吳楚閩越人家亦或折枝插成枝柯如枇杷樹三月發葉如花構葉五月內不花而實實出枝間狀如木饅頭其內虛軟采以鹽漬壓實令扁日乾充果食熟則紫色軟爛甘味如柿而無核也按方輿志云廣西優曇鉢不花而實狀如枇杷又段成式酉陽雜俎云阿羅出波斯拂林人呼爲底珍樹長丈餘枝葉繁茂有丫如蓮麻無花而實色赤類棗柿一月而熟味亦如柿二書所說皆卽此果也又有文光果天仙果古度子皆無花之果

救荒本草無花果生山野中今人家園圃中亦栽葉形如葡萄葉頗長硬而厚梢作三叉枝葉間生果初則青小狀如李子既熟色似紫茄色味甜采果食之今人傳

說治心痛用葉煎湯服甚效

高液遵生八岐無花果木本不花生果狀如林檎色青可久收果陰乾燒灰治病甚良

羣芳譜無花果最易生插條即活在處有之三月發葉樹如胡桃葉如楮子生葉間五月內不花而實狀如木饅頭生青熟紫味如柿而無核人家宅園隨地種數百本收實可備荒其利有七實甘可食多食不傷人且有益尤宜老人小兒一也乾之與乾柿無異可供蓬實二也六月晝取次成熟至霜降有三月常供佳實不比他果一時採擷都盡三也種樹十年取效桑桃最速亦四五年此果截取大枝扦插本年結實次年成樹四也葉爲醫痔勝藥五也霜降後未成熟者采之可作糖蜜煎果六也得土即活隨地可種廣植之或鮮或乾皆可濟饑以備歉歲七也扦插春分前取條長二三尺者插土中上下相半常用糞水澆葉生後純用水忌糞恐枝葉大盛易摧折結實後不宜缺水當置瓶其側出以細霧

日夜不絕果大如甌製用采青果用鹽漬壓扁日乾可充果實小者用糖煎蜜煎可以久留

倦遊錄木饅頭京師亦有之謂之無花果狀類小梨中空既熟色微紅味頗甘酸食之大發瘰癧南尤多州郡待客多取爲茶林高訂故云公籟多訂木饅頭林底刻字云大中祥符年一牒造三十隻該者之誤也

按木饅頭卽木蓮嶺外代答亦紀此事非無花果也滇南本草無花果一名明目果味甘平性涼有小毒出交廣大者名古度子出雲南者果如小青枳味微辛甘五月無花結果故名葉味甘微辛有小毒果皮同治五痔腫痛煎湯頻薰洗取效實蘆主清利咽喉開胸膈消痰化滯得酸則入肝通利血脈清肝膽積熱而令目明也

又曰無花果硬枝鐵幹處處皆有子綠無花治一切無名腫毒癰疽發背便毒魚口乳結痘毒遇各種破爛者麻油調擦神效無比外科之神藥也

果類卷之十六 無花果 海紅

按滇南本草題楊林驛蘭茂著通志稿以爲序作於崇禎甲戌茂係正統以前人定爲僞託余詳加訪求書非一種刻鈔互異有一本題正統元年譚疑是原本也較通志稿所錄多寡既殊卽同一物而主治全別蓋後人增益者並載之以備考又無花果卽古度滇略亦云然或有所本也

貴州通志無花果出永寧州不花而實生於枝葉之間其大如李按無花果之樹大者可作柱葉如枇杷葉四面自根層累環結每一果覆一葉初結色青熟時微紅形類地瓜而甘美過之大者如飯碗小者如茶鐘不但如李熟者取之帶上出白漿次日漿復結成一果六七八月熟餘月雖結不熟州境惟董旁及盤江等處生

海紅 本草綱目海紅子味酸甘平無毒主洩痢飲膳正要果類有海紅不知出處卽海棠梨之實也狀如木瓜而小二月開紅花實至八月乃熟鄭樵通志云海棠子名海紅卽爾雅赤棠也沈立海棠譜云棠有甘棠沙

棠棠梨皆非海棠也海棠盛於蜀中其出江南者名南海棠大抵相類而花差小棠性多類梨其核生者長慢十年乃花以枝接梨及木瓜者易茂其根色黃而盤勁且木堅而多節外白中赤其枝葉密而條暢其葉類杜大者縹綠色小者淺紫色二月開花五出初如臙脂點點然開則漸成纈疊落則有若宿粧淡粉其蒂長寸餘淡紫色或三萼五萼成叢其蕊如金粟中有紫鬚實狀如梨大如櫻桃至秋可食味甘酸大抵海棠花以紫綿色者爲正餘皆棠梨耳海棠花不香惟蜀之嘉州者有香而木大有黃海棠花黃貼幹海棠花小而鮮垂絲海棠花粉紅向下皆無子非真海棠也按滇省鐵幹海棠亦結實俗呼木區益部方物略記修柯柔蔓濃淺繁總盛則重蔭不常厥種右海棠大抵數種又時小異惟其盛者則重葩疊萼可喜非有定種也始濃稍淺爛若錦章北方所植率枝強花瘠殊不可玩故蜀之海棠誠爲天下所奇豔云沈立海棠記棠之稱甚衆若詩有蔽芾甘棠又曰有扶

之杜又爾雅釋木曰杜甘棠也杜赤棠白者棠又呂氏春秋果之美者棠實又俗說有棣棠棠梨沙棠味如李無核較是數說俱非謂海棠也凡今草木以海爲名者西陽雜俎云唐贊皇李德裕嘗言花名中之帶海者悉從海外來故知海棧海柳海石榴海木瓜之類俱無聞於記述豈以多而爲稱耶又非多也誠恐近代得之於海外耳又杜子美海棧行云欲栽北苑不可得惟有西域胡僧識若然則贊皇之言不謬矣海棠雖盛稱於蜀而蜀人不甚重今京師江淮尤競植之每一本價不下數十金勝地名園目爲佳致而出江南者復稱之曰南海棠大抵相類而花差小色尤深耳棠性多類梨核生者長遲速十數年方有花都下接花工多以嫩枝附梨而贅之則易茂矣種宜墟壤膏沃之地其根色黃而盤勁其木堅而多節其外白而中赤其枝柔密而修暢其葉類杜大者縹綠色而小者淺紫色其紅花五出初極紅如臙脂點點然及開則漸成纈暈至落則若宿妝淡

粉矣其蒂長寸餘淡紫於葉間或三萼至五萼爲叢而生其蕊如金粟蕊中有鬚三如紫絲其香清酷不蘭不麝其實狀如梨大如櫻桃至秋熟可食其味甘而微酸茲棠之大概也海棠有色而無香惟嘉州色香並勝大足治中舊有香霏閣號曰海棠香國謂杜子美諱母乳名詩中不之及恐亦宋人傳會成都有名銀絲海棠樹可尺圍枝幹扶疏葉與海棠無異花白色若金銀花狀開時清香襲人

羣芳譜海棠有四種皆木本貼梗海棠叢生單葉枝作花唇口深紅無香不結子新正卽開亦有四季花者花五出初極紅如臙脂點點然及開則漸成纈暈至落則若宿妝殘粉矣垂絲海棠樹生柔枝長蒂花色淺紅蓋由櫻桃接之而成故花梗細長似櫻桃其瓣叢密而色嬌媚重英向下有若小蓮西府海棠枝梗略堅花色稍紅木瓜海棠生子如木瓜可食海棠盛於蜀而秦中次之其株儻然出塵俯視衆芳有超羣絕類之勢而其花

果類卷之十六 海紅 波羅蜜

甚豐其葉甚茂其枝甚柔望之綽約如處女非若他花
 冶容不正者比蓋色之美者惟海棠視之如淺絳外英
 英數點如深胭脂此詩家所以難爲狀也以其有色無
 香故唐相賈耽著花譜以爲花中神仙花木錄曰南海
 海棠枝多屈曲有刺如杜梨花繁盛開稍早四季花灌
 生花紅如胭脂無大木卽貼梗又祝家桃花同西府跗
 微堅瑣碎錄曰一種黃者木性類海棠青葉微圓而色
 深光滑不相類花半開鵝黃色盛開漸淺紅矣葉間或
 三或五蕊如金粟鬚如紫絲實如梨大如櫻桃至秋熟
 可食其味甘而微酸 栽接貼梗海棠臘月於根旁開
 小溝攀枝著地以肥土壅之自能生根來年十月截斷
 二月移栽櫻桃接貼梗則成垂絲梨樹接貼梗則成西
 府又春月取根側小本種之亦易活或云以西河柳接
 亦可海棠色紅接以木瓜則色白亦可以枝插不花取
 已花之木納於根跗間卽花 澆灌瑣碎錄云海棠花
 欲鮮而盛於冬至日早以糟水澆根下或肥水澆或盪

過麻屑糞土壅培根下使之厚密纔到春暖則枝葉自
 然大發著花亦繁密矣一云此花無香而畏臭故不宜
 灌糞一云惟貼梗忌糞西府垂絲亦不甚忌止惡純澆
 者耳 插瓶薄荷包根或以薄荷水養之則花開耐久
 雞肋編信州弋陽縣海棠滿山村人至并花伐以爲薪
 廣南以根喂猪

滇中記垂絲海棠高數丈每當春時鮮媚殊常真人間
 尤物自大理至永昌沿山歷澗往往而是

復齋漫錄仁宗朝張冕學士賦蜀中海棠詩沈立取以
 載海棠記中云山木瓜開千顆顆水林檎發一攢攢注
 云大約木瓜林檎初開皆與海棠相類若冕言江西人
 正謂棠梨花耳惟紫緋色者謂之海棠似木瓜林檎六
 出者非真海棠也晏元獻云已定復搖春水色似紅如
 白海棠花亦張冕同意

波羅蜜

本草綱目波羅蜜氣味甘香微酸平無毒主
 止渴解煩醒酒益氣令人悅懌核中仁味同主補中益

氣令人不飢輕健波羅蜜梵語也因此果味甘故借名之安南人名曩伽結波斯人名婆那婆拂林人名阿薩羅皆一物也波羅蜜生交趾南番諸國今嶺南滇南亦有之樹高五六丈樹類冬青而黑潤倍之葉極光淨冬夏不凋樹至斗大方結實不花而實出於枝間多者十數枚少者五六枚大如冬瓜外有厚皮裹之若栗毬上有軟刺礪礪五六月熟時顆重五六斤剝去外皮殼內肉層疊如橘囊食之味至甜美如蜜香氣滿室一實凡數百核核大如棗其中仁如栗黃煮炒食之甚佳果中之大者惟此與椰子而已

南越筆記虞衡志波羅蜜大如冬瓜外膚礪礪如佛髻削其皮食之味極甘子瓢悉如冬瓜生大木上秋熟廣州府志又載波羅樹無花結果果成或生一花花甚難得卽優鉢曇花也

思茅廳探訪波羅蜜樹大數圍枝葉蔓延不花而實實不結於枝而綴於幹大如瓜而長形質類楊梅熟則內

如瓜瓢以匕箸食之味香甘中有子數十粒如棧豆可煮食

紗木麪

海藥本草紗木謹按蜀記云生南中八郡樹

高數十餘丈闊四五圍葉似飛鳥翼皮中亦有麪彼人作餅食之廣志云作飯餅之輕滑美好白勝枕榔麪味平溫無毒主補虛冷消食彼人呼爲紗麪也

本草綱目紗字韻書不載惟孫愐唐韻紗字註云樹似枕榔則紗字當作莎衣之莎其葉離披如莎衣之狀故謂之莎也張勃吳錄地理志言交趾樓木皮中有白粉如米屑乾之搗末以水淋過似麪可作餅食者卽此木也後人說樓爲莎音相近爾楊慎卮言乃謂樓木卽枕榔誤矣按左思吳郡賦云麪有枕榔又曰文樓檳榔旣是一物不應兩用矣

五斂子

卽羊桃

南方草木狀五斂子大如木瓜黃色皮肉

脆賴味極酸上有五稜如刺者南人呼稜爲斂故以爲名以蜜漬之甘酸而美出南海

果類卷之十六 五斂子 天師栗 露兜子

桂海虞衡志五斂子形甚詭異瓣五出如田家碌磳狀
味酸久嚼微甘閩中謂之羊桃

嶺南雜記羊桃一名三斂子一名五斂子以其觚稜而
分也色青黃味甘酸內有小核能解肉食之毒有人食
豬肉咽喉腫病欲死僕飲肉汁亦然人教其取羊桃食
之須臾皆起又能解蠱毒風瘴土人蜜漬鹽醃以致遠
海槎餘錄土果曰陽桃大如拳綠色明潤五稜並起劍
脊中核如花紅子味帶酸宜於酒後咀嚼之俗多用曬
乾作添案果用

本草綱目云五斂子實味酸甘滑平無毒主風熱生津
止渴

南越筆記洋桃其種自大洋來一曰羊桃樹高五六丈
大者數圍花紅色一帶數子七八月間熟色如蠟一名
三斂子亦曰山斂斂稜也有五稜者名五斂以糯米水
澆則甜名糯羊桃廣人以爲能辟風瘴之毒中蠱者
搗自然汁飲毒卽吐出肺之或白蜜漬之持至北方不

能水土與瘴者皆可治蘇長公詩恣傾白蜜收五稜謂
此

天師栗 益部方物記天師栗生青城山中他處無有

也似栗味美惟獨房爲異久食已風孳贊曰栗類尤衆
此特殊味專遂若橡託神以貴

露兜子 思茅廳採訪打羅槌葉似珠蘭而厚勁寬寸

許長尺餘邊有刺如鋸實自苗中出皮紋鱗起熟時色
黃大於盞而少長若槌然故名味甚美刈而插於瓶香
可月餘頂有叢芽分種之無不生者

按抹猛果打羅槌波羅蜜滇志多載之然非一物據

此所述則露兜子也暹西羅觀察天池云打羅槌形

如茱藍葉硬有刺截其櫻種之自櫻苗一莖生葉色

紫九秋變黃味如哈密瓜滿室皆香鎮康灣甸各產

夷人頗寶之卽波羅蜜也閩粵所在多有蓋抹猛夷

言打羅槌狀其形涉羅蜜宵其味本無的名也粵人

言波羅麻卽此果之莖所積鎮沅志以羊桃爲抹猛

果

槌子

槌子產廣州亦柑桔之類陳皮本以柑皮製者爲最市間亦有以槌皮爲之者質稍薄而味亦遜

說文解字注菌菌蘭也从艸函聲胡威切八部菌菌蘭
 以扶渠華句絕扶渠各本作芙蓉誤今從釋元應所引
 許意扶渠爲華葉莖實本根之總名爾雅說此艸以夫
 渠建首毛公亦曰荷扶渠也其華菌菌扶渠一作夫渠
 今爾雅作芙蓉俗字也未發爲菌菌已發爲夫容此就
 華析言之也陳風有蒲菌菌爾雅毛傳皆曰其華菌菌
 此統言之不論其未發已發也屈原宋玉言芙蓉不言
 菌菌亦猶是也許意菌之言舍也夫之言敷也故分別
 之高誘曰其華曰夫容其秀曰菌菌與許意合華與秀
 散文則同對文則別夫容今本作芙蓉俗字也从艸闕
 聲徒威切八部連扶渠之實也陳風有蒲與簡箋云簡
 當作連蓮夫渠實也鄭意欲合三章爲一物耳本艸經
 謂之藕實一名水芝丹从艸連聲洛賢切古音在十四

部茄扶渠莖謂華與葉之莖皆名茄也茄之言柯也古
 與荷通用陳風有蒲與荷鄭箋夫渠之莖曰荷樊光注
 爾雅引詩有蒲與茄屈原曰製菱荷以爲衣麤芙蓉以
 爲裳揚雄則曰於菱茄之綠衣被芙蓉之朱裳漢樂府
 豈何食食茄下亦謂葉下从艸加聲古牙切十七部荷
 扶渠葉今爾雅曰其葉適音義云衆家無此句惟郭有
 就郭本中或復無此句亦並闕讀玉裁按無音是也高
 注淮南云荷夫渠也其莖曰茄其本曰蒂其根曰藕其
 華曰夫容其秀曰菌菌其實蓮蓮之藏者葯葯之中心
 曰薏大致與爾雅同亦無其葉適三字蓋大業駭人故
 謂之荷大葉扶搖而起渠央寬大故曰夫渠爾雅假葉
 名其通體故分別莖華實根各名而冠以荷夫渠三字
 則不必更言其葉也荷夫渠之華爲菌菌菌菌之葉爲
 荷夫渠省文互見之法也或疑闕葉而補之亦必當曰
 其葉荷不嫌重複無庸臆造蓮字又按屈原宋玉揚雄
 皆以芙蓉與菱荷對文然則菱者菱之葉菱者菱之實

菱之言棱角也。菱之言支起也。从艸何聲。胡哥切。十七部。莖扶渠本釋艸。其本莖郭云。莖下白藕在泥中者。按莖之言入水深密也。蒲本亦僞莖。周書莫席。今作蔑席。織藕席也。檀弓子蒲卒哭者。呼滅注曰。滅蓋子蒲名。哭呼名。故子阜非之。莫滅皆莖之假借也。名莖故字蒲。从艸密聲。美必切。十二部。藕扶渠根釋艸。其根耦。按釋艸以其本莖系於荷扶渠。其莖茄之下者。謂此乃全荷之本。今俗所謂藕者是也。莖之言滅沒於泥中也。以其根藕系於其華。苗蘭其實。蓮之下者。謂此乃花實之根。凡花實之莖必借葉一莖同出。似有耦然。故下近莖上近花莖之根曰藕。本言其全根。言其偏本在下根上於本下文的意。仍蒙花實言之。此作爾雅之精意也。叔重列字次第未得其解矣。从艸水。會禹聲。五厚切。四部。今訂之。乃從艸從耦。會意兼形聲。

(校勘)

本條第三行「改文解字注」以下所述是指蓮子曹典。蓮子說不符。確係錯誤。

但其原本如此始仍之。

雞矢果

雞矢果產廣東。葉似女貞。葉而有鋸齒。果如小石榴。一名番石榴。味香甜。極賤。故以雞矢名之。按

南越筆記。番石榴又名秋果。嶺外代答。黃肚子如小石榴。皮乾硬如沒石子。枯莖如棘。其上點綴布生不甚噉食。當即此樹。小花黃白。果如梨。大生青熟。黃連皮食香。甜六月熟。

落花生

檀萃滇海虞衡志。落花生爲南果中第一。其

資於民用者最廣。宋元間與棉花番瓜紅薯之類。粵估從海上諸國得。其種歸種之呼棉花曰吉貝。紅薯曰地瓜。落花生曰地豆。漢曰落花生。

南越筆記。落花生草本。蔓生。種者以沙壓橫枝。則蔓上開花。花吐成絲。而不能成莢。其莢乃別生根莖間掘沙取之。殼長寸許。皺紋中有實三四。似蠶豆。味甘。以清微有參氣。亦名落花參。凡草木之實皆成於花。此獨花自花而莢。自莢花不生。莢莢不蒂。花亦異甚。

糖刺果

糖刺果生江西。籬落間。莖葉如薔薇。白花有

深缺黃蕊土人以其果熬糖故名

番荔枝

番荔枝產粵東樹高丈餘葉碧菓如梨式色綠外腐礪如佛髻一菓內有數十包每包有一小子如黑豆大味甘美花微白按麻姑山亦有番荔枝據寺僧所述亦甚相類惟未見其結實而僧言實不可食故附繪備考

番瓜

番瓜產粵東海南家園種植樹直高二三丈枝直上葉柄旁出花黃果生如木瓜大生青熟黃中空有子黑如椒粒經冬不凋無毒香甜可食按益部方物記脩幹澤葉結實如綴腐解核零可用治瘳其形狀亦頗類但謂葉甚似桑而不云子可食姑附識備考又羅江縣志石瓜一名冬瓜樹可治心痛云

佛桃

佛桃湖南圃中間有之木葉俱如佛手柑實如橙而長色尤鮮潤瓢如橙極酢不可入口而香氣勝於佛手柑

岡拈子

岡拈子生廣東山野間形如葡萄內多核味酸

微甜牧豎採食不登於肆

黎臙子

桂海虞衡志黎臙子如大梅復似小橘味極酸嶺南雜記宜母果似橘而酸醜食甚下氣和胃婦人懷妊不安食之良故有宜母之名又名宜濃子製以爲漿甘酸辟暑名解渴水元吳萊有宜濃熟水歌

南越筆記黎臙子一名宜母子似橙而小二三月熟黃色味極酸孕婦肝虛嗜之故曰宜母元時於廣州荔支灣作御果園栽種果木樹大小八百株以作渴水里木即宜母子也吳萊詩廣州園官進渴水天風夏熟宜臙子百花醞作甘露漿南國烹成赤龍髓蓋以里木子榨水煎糖也

山橙

山橙生廣東山野間實堅如鐵不可食土醫治腦證煎其皮作飲服之良效販藥者多蓄之

瓦瓜

瓦瓜產廣東類南瓜葉小採置盤中經歲不壞日久肉乾外殼如瓦缶

哈蜜瓜

哈蜜瓜西域聞見錄有十數種綠皮綠瓢面

果類卷之十六 哈密瓜 胡頹子 都咸子 甌目

清脆如梨甘芳似醴者爲最上圓扁如河渾帽形白瓢者次之綠者爲上皮淡白多綠斑點瓢紅黃色者爲下然可致遠久藏回子謂之冬瓜可收至次年二月餘皆旋摘旋食不能久留云余僑直 禁近歲蒙 賞果出荏滇南仍邀驛 賜蓋瓜之賈者瓢皆紅黃色取其致遠不責以美尙邊圍賞賚則有瓜乾卽明王世懋所謂乾以爲條味極甘而誤以爲甜瓜者也陝甘人云種之中土皆紅瓢小犀一年卽變非我 國家恩感西被此瓜亦烏能與天馬蒲萄同來 闕下便蕃錫賚所以示文德武功加於無外洪忠宣萬里羈留卒能攜種南還臣子幸際大一統之盛得嘗前賢所未嘗若以黃瓜少師適從何來何以讀忠宣書

胡頹子

宋書五行志廢帝昇明元年吳興餘杭舍亭禾輩樹生李實禾輩樹民間所謂胡頹樹

都咸子

齊民要術南方草木狀曰都咸樹野生如手指大長三寸其色正黑三月生花花仍連著實七八月

熟里民取子及柯皮乾作飲芳香出日南

本草綱目云都咸子皮葉味甘平無毒主火乾作飲止渴潤肺去煩除痰去傷寒清涕欬逆上氣宜煎服之

甌目

齊民要術廣志曰鬼目似梅南人以飲酒 南方

草物狀曰鬼目樹大者如李小者如鴨脚子二月花色仍連著實七八月熟其色黃味酸以蜜煮之滋味柔嘉交趾武平與古九真有之也 裴淵廣州記曰鬼目益知直爾不可噉可爲漿也 吳志曰孫皓時有鬼目菜生士人黃耆家依綠棗樹長丈餘葉廣四寸厚三分顯微廣州記曰鬼目樹似棠梨葉如楮皮白樹高大如木瓜而小邪傾不周正味酢九月熟又有草昧子亦如之亦可爲糲用其草似鬼目

本草拾遺此出嶺南狀如甌目故名陶氏註葢引甌目小冷卽此也後人說爲鬼目酸甘小冷無毒多食發冷痰

本草綱目李時珍曰鬼目有草木三種此乃木生者其

草鬼目別見草部白英下又羊蹄菜亦名鬼目並物異名同也按劉欣期交州記云鬼目出交趾九真武平與古諸處樹高大似棠梨葉似楮而皮白二月生花仍運著子大者如木瓜小者如梅李而小斜不周正七八月熟色黃味酸以蜜浸食之佳

沙棠 山海經崑崙之邱有木焉其狀如棠華黃赤實其味如李而無核名曰沙棠可以禦水食之使人不溺註沙棠爲木不可得沈

本草綱目李時珍曰按呂氏春秋云果之美者沙棠之實今嶺外寧鄉瀧水羅浮山中皆有之木狀如棠黃花赤實其狀如李而無核實氣味甘平無毒實食之却水病

古度 交州記古度樹不花而實實從皮中出大如安石榴色亦可食其實中有如蒲梨者取之爲粽數日不煮皆化成蟲如蟻有翼穿皮飛出著屋正黑

齊民要術交州記曰古度樹不花而實實從皮中出大

如安石榴色赤可食其實中如有蒲梨者取之數日不煮皆化成蟲如蟻有翼穿皮飛出